

Inatsisissatut siunnersummut oqaaseqaatit
Nalinginnaasumik oqaaseqaatit

1. Aallarniut

1.1

Siunnersummi siunertaavoq, uumassusillit sananeqaataasigut kingornuttagaaasunik isumalluutnik ketersisarnerup iluaquteqartarnerullu, Kalaallit Nunaanni namminermi aammali isumalluutnik taamaattunik nunatsinneersunik nunatta avataani iluaquteqartarnerup siuarsarneqarnissaa, tamakkununnga anngussinnaanerup aqunneqarnissaa, iluanaarutinillu qanoq agguassisoqartarnissaata maleruagassiuunnissaa. Ingerlaqqittumillu siunnersummi siunertaavoq isumannaassallugu Namminersorlutik Oqartussaat nalilinnit tamakkununnga naleqarnerulersitsisarnertigut pissarsiassanik ilisimasanillu naammaginartumik pissarsisarnissaat, tamatumani aamma aningaasarsiornikkut aningaasarsiornnerullu avataani iluaqutissanik, isumalluutinit uumassusillit sananeqaataasigut kingornuttagaaasunit Kalaallit Nunaanneersunit pissarsiarineqartartunit. Kiisalu aamma siunnersummi siunertaasut ilagaat uumassusillit sananeqaataasigut kingornuttagaaasunik isumalluutit Kalaallit Nunaanneersut ilisimaneqarnerulermissaat.

Uumassusillit assigiinngisitaarnerat pillugu nunarsuarmiut isumaqatigiissutaanni aamma Nagoyami isumaqatigiissummi qularnaarneqarpoq nuna pisuussutit pineqartut pinngorfigisaat pisinnaatitaffeqartoq, naleqartitanit uumassusillit sananeqaataasigut kingornuttagaaasunik isumalluutiniit naammaginartumik pissarseqataasarnissamut, isumaqatigiissummilu aamma siuarsarneqarpoq uumassusillit sananeqaataasigut kingornuttagaaasunik isumalluutinut tunngasumik ilisimasat katersorneqartarnissaat, tamanullu paasissutissiissutigineqartarnissaat. Siunnersuut aalajangersakkanik imaqarpoq siunertaqartunik isumannaarneqassasoq inuiaqatigiit kalaallit aningaasarsiornikkut allatigullu uumassusillit sananeqaataasigut kingornuttagaaasunik isumalluutinit iluaquteqarnerni pissarsiassaqarnissaannik, kiisalu aalajangersagaqarluni isumannaarisunik ilisimasat katersorneqartut ilisimatusaatigineqartarnissaannik, tamanullu paasissutissiissutigineqartarnissaannik.

1.2

Naalakkersuisuusimasut inuuussutissarsiornikkut ingerlatsivissanik nutaanik aallussinialernerata ilaatut, nunatsinni aningaasarsiornikkut arlalinnik sammivilimmik inieriartortitsinissamik, aammalu avammut niuernerup annertunerulersinniarnissaanik siunertaqartup ilaatut, Inatsisartut 2006-imni akuersissutigaat uumassusillit sananeqaataasigut isumalluutinut inatsit. Tamatumani ilaatigut tunuliaqutaasoq tassaavoq naatsorsuutigineqarmat Kalaallit Nunaanni uumassusillit amerlalluinnassuiat immikkut

ittumik ineriertortitsinissamut aningaasarsiornikkut imminut akilersinnaasunik periarfissanik imaqarsinnaasoq. Kalaallini uumassusillit amerlalluinnassusiat, minnerunngitsumik uumassusillit assigiinngisitaarnerat uumasuaqanilu iluaqutaasinnaasut, ilisimatuussutsikkut naleqaannanngillat, kisiannili aamma immaqa iluanaarutaasumik aningaasarsiorsinnaanermut periarfissaqartitsisinnaallutik. Uumassusilinnik soqtiginaatilinnik Kalaallit Nunaanni nassaartoqartareerpoq, aammalu uumassusilinnik ensym-inillu akilersinnaasumik nioqquissiarineqarsinnaasunik nassaarnissamut suli periarfissaqarluni.

Naalakkersuisut suli kissaateqarput inuussutissarsiutinik nutaanik siuarsaanissamik, tamatumani aamma uumassusillit sananeqaataasigut kingornuttagasasunik isumalluutit eqqarsaatigalugit. Uumassusilinnit isumalluutit niuernermi ilisimatusarnermilu atorneri pillugit Inatsisartut inatsisaat nr. 20, 20. november 2006-imeersumi siunertaavoq Nunarsuarmiut uumassusillit amerlalluinnassusiannut tunngasumik isumaqatigiissutaannut naapertuuttumik uumassusilinnit isumalluutit ilisimatusarfigineqarnissaat, ilisimatusarnermilu naammassisat inernerisa aningaasarsiornikkut iluanaarutaasinnaasunik naleqarnerulersitsinernut atorneqartarnissaat, aammalu Kalaallit Nunaata tamatumani uumassusilinnit isumalluutaasunit naapertuuttunik naleqarnerulersitsinerni pissarseqataasarnissaa.

Inatsit 2006-imi eqqunneqarmalli Naalakkersuisut ukiut tamaasa nunarsuarmit tamaneersunit ilisimatuunit qinnuteqaatinik tigusaqartarput, Kalaallit Nunaannukarnissamut akuersissummik piniartunik, uumassusillit sananeqaataasigut kingornuttagaasunik isumalluutinik katersinissamik ilisimatusarnissamillu siunertaqarlutik qinnuteqartunit. Naallu ilisimatusarnikkut suliniutit amerlasuut, maanna uumassusillit isumalluutit pillugit inatsisip atuuffigisaani ingerlanneqartarsimagaluartut, maannamut suli uumassusillit sananeqaataasigut kingornuttagaasunik isumalluutinik Kalaallit Nunaanneersunik iluaquteqarnissamut akuersissummik tunniussisoqarsimangilaq.

Ukiut kingulliit qulit iluanni misilitakkat ersersissimavaat inuussutissarsiortut isumaqartut inatsit paasiuminaappallaartoq, aammalu Naalakkersuisut amerlanerusutigut saaffigineqartartut ilisimatusarnermut sammiveqartuniit, aningaasarsiuteqalernissamik kinguneqartussaanngitsunik.

Inatsisip paasiuminarnerulernissaa eqqarsaatigalugu pisariaqarpoq eqqumaffigissallugu inatsimmi suut aqunniarneqarnersut suullu illersorniarneqarnersut. Uumassusillit sananeqaataasigut kingornuttagaasunik isumalluutinik iluaquteqarnerit, aatsitassarsiornermut aatsitassanik assigiinngitsunik uuliamillu piiiaffiusunut assersuunneqarsinnaanngillat. Taamaattumik tassa aaqqissuussinerit aatsitassarsiornermi nassaassaasut assigisaannik aaqqissuussisoqarsinnaanngilaq, Kalaallit Nunaata uumassusillit sananeqaataasigut kingornuttagaasunik isumalluutinik iluaquteqarnissami pisinnaatitaaffiinut atatillugu.

Uumassusillit sananeqaataasigut kingornuttagaaasunik isumalluutit iluaqutigineqarnerat nalinginnaasumik atortussiassanik tappiorannartunit pisunit iluaquteqartarnermut pisinnaatitaaffinnik tunngaveqartarput, tassa imaappoq ilisimasat aamma teknologi ilisimatusarnikkut ineriertortitsinikkullu pinngortuusut tunngavigalugit. Uumassusillit sananeqaataasigut kingornuttagaaasunik isumalluutinik misissuinerit nalinginnaasumik misiligtissanik tigusisarnikkut ingerlanneqartarput, misiligtissallu tiguneqartartut annikitsuaraagajulutik. Tamatumalu aamma kinguneraa uumassusillit sananeqaataasigut kingornuttagaaasunik isumalluutinik misissuinerni annertunerusutigut avatangiisit sunnerneqartanginnerat. Misiligtissat katersorneqareeraangata misissuisarfimmullu - laboratoriamut – ingerlanneqareeraangata ajornarsisinnaavoq pisinnaatitaaffiit qularnaarnissaat, imaluunniit upternarsarsinnaanissaat misiligtissat tiguneqarsimasut Kalaallit Nunaanneersuunerat. Ilisimatoq imaluunniit suliffeqarfik Kalaallit Nunaanni uumassusillit sananeqaataasigut kingornuttagaaasunik isumalluutinik aningassarsiutigalugit iluaqutigineqarnissaat siunertaralugu ketersisimasoq, assersuutigalugu nioqqutissiornermik annertuumik ingerlatsinissamik siunertaqartumik, aatsitassarsiornermisulli tamatigut sumiiffimmut aallerfiusimasumut uteqqittanngilaq, atortussiassanik aammaarluni aallerniarluni.

Inatsit maanna atuttoq siunertaqarpoq qularnaassallugu uumassusilinnit isumalluutit amerlalluinnassusiisa iluaqutigineqarnerisalu illersorneqarnissaat, aamma Kalaallit Nunaat naammaginartumik naapertuilluartumillu ajunngitsorsiaqassasoq iluaqutissarsissorlu, uumassusillit sananeqaataasigut kingornuttagaaasunik isumalluutinik iluaquteqartarnerni. Tamanna aamma siunnersummi uani siunertaavoq pingarneq, taanna inatsisip maanna atuuttusup ullutsinnut malinnaatinneqarnerat. Inatsimmi maanna atuuttumi tulluanngitsut uani peerneqarput, tamatumanilu inatsisip atuuffissaa uumassusillit sananeqaataasigut kingornuttagaaasunik isumalluutinut taamaallaat tunngasunngortinneqarluni. Tamatumalu saniatigut isumannaarneqarpoq uumassusillit assigiinngisitaarnerat pillugu isumaqatigiissutip kingusinnerusukkut 1992-imi atortuulersup, tamatumani aamma Nagoyami isumaqatigiissutip tunngavigineqarnissaat.

Siunnersuut atortuulerpat Uumassusilinnit isumalluutit niuernermi ilisimatusarnermilu atorneri pillugit Inatsisartut inatsisaat nr. 20, 20. november 2006-imeersoq atorunnaarsinnejassaaq.

Inatsisimmi atuuttumi taaguut uumassusilinnit isumalluutit atorneqarpoq, uumassusillit assigiinngisitaarnerat pillugu nunarsuarmiut isumaqatigiissutaanni nassuiarneqartoq, suulluunniit uumassusillit sananeqaataasigut kingornuttagaaasunik isumalluutit imaluunniit taamaattut sannaasa ilaattut nassuiarneqartoq, inuiassuarnit iluaqutigineqarsinnaasoq, imaluunnit inuiassuarnut naleqarsinnaasoq, maanna imaluunniit siunissami.

Siunnersuummut taaguut uumassusillit sananeqaataasigut kingornuttagaasunik isumalluutit atorneqartussatut toqqarneqarsimavoq. Tamannalu pissuteqarpoq inatsisip oqaasertaasa nunarsuarmiut uumassusillit assigiinngisitaarnerat pillugu isumaqatigiissutaanni aamma Nagoyami isumaqatigiissummi oqaasertaasunut naapertuuttumik aaqqissuukkumaneqarneranik, taakkunani aamma uumassusillit sananeqaataasigut kingornuttagaasunik isumalluutit qitiutillugit sammineqarmata, uumassusillit sananeqaataasigut kingornuttagaasunik isumalluutit taakkuummata ilisimatusarnikkut aningaasarsiornikkullu naleqarsinnaasut.

2. Siunnersummi qulequttat pingarnerit

2.1

Siunnersuutigineqarpoq inatsisip atuuffissaal allanngortinneqassasoq uumassusilinnit isumalluutiniit uumassusillit sananeqaataasigut kingornuttagaasunik isumalluutinut. Inatsisip atuuffissaata uumassusillit sananeqaataasigut kingornuttagaasunik isumalluutinut annikinnerulersinneqarnerata tunuliaqutaraa kissaatigineqarmat siunnersuutip matuma aamma uumassusillit assigiinngisitaarnerat pillugu isumaqatigiissummut aamma Nagoyami isumaqatigiissummut iluaquteqartarnerup naapertuuttumik aaqqissuunneqarnissaa. Aalajangersakkat taakkua taamaallaat uumassusillit sananeqaataasigut kingornuttagaasunik isumalluutit aquppaat, taamaattumillu pisariaqartinneqarluni siunnersuutip matuma taamaallaat uumassusillit sananeqaataasigut kingornuttagaasunik isumalluutinik iluaquteqarnernut tunngatinneqarnissaa. Tamatumani aamma siunertaavoq siunnersuutip, tassanilu aalajangersakkat, atugassarititaasut, iluaquteqartarnermut akuersissutit aamma iluanaarutinik avitseqatigiittarnermut isumaqatigiissutit, siunnersuut naapertorlugu atortinneqartut nunarsuarmiut akornanni akuerineqarnissaat, taamalu uumassusillit assigiinngisitaarnerat pillugu isumaqatigiissummi aamma Nagoyami isumaqatigiissummi aalajangersakkanut iluaquteqarnermut atatillugu naapertuuttuunissaat.

Siunnersuutigineqarpoq siunertaasut pillugit aalajangersakkap maanna inatsimmut atuuttumut sanilliullugu erseqqinnerulersinneqarnissaa. Inatsimmi atuuttumi uumassusillit aasigiinngisitaarnerat pillugu isumaqatigiissummi siunertatut aalajangersakkat allattugaapput. Taamaattoq oqaatsit isumaqatigiissummiittumiit allaanerusut atorneqarput. Una siunnersuut uumassusillit assigiinngisitaarnerat pillugu isumaqatigiissummi aamma Nagoyami isumaqatigiissummi oqaatsinut atorneqartunut qaninneruvoq, tamatumani aamma siunertaannut naapertuuttuunissaq qularnaarumallugu.

Siunnersuutip erseqqissarpaa Kalaallit Nunaata uumassusillit sananeqaataasigut kingornuttagaasunik isumalluutinut piginnittuunera. Siunnersuutillu kinguneraa iluaquteqarsinnaanermut akuersissutip pisuussutinut katersorneqartunut taakkualuunniit ilaannut piginnittuuneq, imaluunniit ilisimatusarnikkut imaluunniit ineriartortitsinikkut naammassisanut taakkuninnga tunngaveqartunut piginnittuuneq pilersittanngikkaa.

Siunnersuutiltu aamma isiginiarpaap piffissap ingerlanerani uumassusillit assigiinngisitaarnerat pillugu isumaqatigiisummut ilassuteqartoqartarnera, assersuutigalugu Nagoyami isumaqatigiisummut ilassutikkut. Siunnersuutip kingunerissavaa taassuma atortinneqarnera nunarsuarmiut isumaqatigiisuttaat aamma pisussaaffii naapertorlugit Kalaallit Nunaanni atuinermi ingerlatsisoqarnissaa.

Atortuutinneqarfia inatsimmi maanna atuuttumi atugassarititaasut qanillugit inissisimavoq. Taamaattoq ataasiakkaatigut killiliinernik pilersitsisoqarsimavoq, pisariaqarfii.

Ingerlatseqatigiiffimmik iluaquteqartussamik aaqqissuussinissamut aalajangersakkat siunnersummi ilaanggillat. Inatsimmi atuuttumi Naalakkersuisut pisinnaatinneqarput ingerlatseqatigiiffimmik iluaquteqarnermik ingerlatsisuusussamik pilersitsisinnaanermut, siunertaralugu ingerlatseqatigiiffiup Kalaallit Nunaata uumassusillit sananeqaataasigut kingornuttagaasunik isumalluutinik pigisaanik allaffissornikkut isumaginnituunissaa. Siunnersummi uani tamatuma ilanngunneqannginneranut tunuliaqutaavoq paasinarsisimammat naleqquttuunngitsoq taamaattumik aalajangersagaateqarneq, ingerlatseqatigiiffimmillu pineqartutut atuineq. Inatsimmi atuuttumi aalajangersakkat inuussutissarsiortut nalornilersittarpaat pissutsit atuuttut eqqarsaatigalugit, ilaatigut ingerlatseqatigiiffimmik pineqartutut pilersitsisoqarnikuunngimmat.

Inatsit atuuttoq imatut aaqqissuutaavoq: Ingerlatsiniartoq siullermik misissuisinnaanermut akuersisummik pissarseqqaartussaavoq, tamatumalu kingorna imminut akilersinnaasumik iluaquteqarnissamut akuersisummik. Kikkut tamarmik Kalaallit Nunaanni uumassusillit sananeqaataasigut kingornuttagaasunik isumalluutinik katersiniartut pissarsiniartulluunniit misissuinissamut akuersisummik peqassapput. Tamannalu aamma atuuppoq uumassusillit sananeqaataannik katersiniartunut, kingusinnersukkut imminut akilersinnaasumik iluaquteqarnissamik siunertaqartumik.

Siunnersuut matuma periaatsit atorneqartartut pisariinnerulersinniarpai. Siunnersuut imaqarpoq suliffeqarfii Kalaallit Nunaannukartut siunertaralugu uumassusillit sananeqaataannik kingornuttagaasunik isumalluutinik katersiniarlutik, aamma iluaquteqarniarlutik, siunissami misissuinissamut akuersisummik peqqaartariaarutissammata, kisiannili toqqaannartumik iluaquteqarnissamut akuersisummik tunineqarnissamik qinnuteqarsinnaallutik.

Siunnersuut aaqqissuussaavoq tunngaviusumik iluaquteqarsinnaanermut akuersisummumt atasumik, tamanna periaaseq pitsaanerpaassammat Naalakkersuisut nakkutilliisinnaanerannut, isumannaarumallugu Kalaallit Nunaanni uumassusillit sananeqaataasigut kingornuttagaasunik isumalluutinit iluanaarutinik iluaquteqarnerni Kalaallit Nunaata naammaginartunik pissarsiassaqarnissaa. Tamannalu atuuppoq katersinerni iluaquteqarnernilu imminut akilersinnaasuunngitsumik ilisimatusarnermik ingerlatsinerni, imaluunniit imminut akilersinnaasumik ingerlatsinikkut ilisimatusarnermi, ineriartortitsinermi, ussassaarinerme

tunisaqartarnermilu. Naalakkersuisut iluaquteqarnissamut akuersissummi aalajangersaasinjaapput atugassarititaasussanik, akuersissumik pigisaqartoq isumaqatigiissuteqassasoq naammassinnissasorlu iluanaarutinik avitseqatigiinnissamut isumaqatigiisummik Naalakkersuisunut, tamatumani aamma aningaasarsiornikkut aningaasarsiornerunngitsutigullu iluaqtissarsianit, uumassusillit sananeqaataasigut kingornuttagaaasunik isumalluutinik iluaquteqarnermit pisunit.

Siunnersuut imaqarpoq Naalakkersuisunut pisinnaatitsisummi malittarisassiorsinnaasut atugassarititaasunillu aalajangersaasinjaasut, iluaquteqarsinnaanermut akuersissummi pigisaqartoq kalaallit ingerlatseqatigiiffiutigissaat pillugu. Inatsit maanna atuuttoq taamaattumik piumasaqaateqanngilaq, inatsillu maanna atuuttoq naapertorlugu nunani allamiut ingerlatseqatigiiffiutaannut periarfissaavoq uumassusillit sananeqaataasigut kingornuttagaaasunik isumalluutinik Kalaallit Nunaanni katersinissamut, taakkualu aningaasarsiutigalugit nunami allami iluaqtiginissaannut.

Siunnersuut periarfissaqartippaa Naalakkersuisut iluaquteqarsinnaanermut akuersissummi tunniussinermut atatillugu ersarinnerusunik aalajangersagaliorsinnaasut atugassarititaasunillu malittarisassiorsinnaasut, akuersissummi pigisaqartup Naalakkersuisunut akiliuteqartarnissaa pillugu.

Siunnersuut ilaatigut siunertaqarpoq isumannaassallugu ilisimasat aamma katersinermut atatillugu teknologit assigiinggaitsut atorneqartut katersorneqassasut inuiaqatigiinnullu ammaanneqassasut. Taamaattumik siunnersuut aalajangersakkamik imaqarpoq, Naalakkersuisut inuit tamat atorsinnaasaannik database-mik pilersitsinissaat pillugu. Inatsisip maanna atuuttup piareersaasiornerani nalunaarneqarpoq Naalakkersuisut pissamaarutigigaat tamanut ammasumik database-mik pilersitsinissaq, pisuussutinut uumassusillit sananeqaataasigut kingornuttagaaasunut isumalluutinut atatillugu. Inatsimmili atuuttumi namminermi tamanna ersinngilaq database-millu pilersitsisoqarnikuunani.

Siunnersuut aalajangersakkamik imaqarpoq, Naalakkersuisut pisortat matumani suliassanik ingerlatsinernut il.il. atatillugu akiliuteqartitsisarsinnaanerat pillugu. Aqqissiuussineq taamaattoq inatsisiliornerni allani ilisimaneqarpoq, isumannaareqataassallunilu pisortat tamatumani sulianik ingerlatsinerisa inuiaqatigiinnut kalaallinut oqimaarsaatinngunginnissaanut.

Siunnersuut inatsimmillu maanna atuuttumut sanilliullugu allannguutit, aqqutissiuussiniarput inatsisip atortikkuminarnerunissaanut, kiisalu isumannaarniarneqarluni Namminersorlutik Oqartussat naammaginartunik pissarseqataasarnissaat, allatigullu iluaqtissarsisarnissaat, nunatsinni uumassusillit sananeqaataasigut kingornuttagaaasunik isumalluutinik iluaquteqartarnernut atatillugu.

3. Pisortanut aningaasarsiornikkut allaffissornikkullu kingunerisassai

Siunnersuut naatsorsuutigineqanngilaq allatigut pisortanut aningaasarsiornikkut kinguneqartussatut. Ullumikkut Naalakkersuisut akisussaaffigaat inatsit atuuttoq naapertorlugu akuersissutinik tunniussisarneq, tamannalu inatsisissatut siunnersuummi ingerlatsiinnarneqarpoq. Siunnersuut periarfissaqartitsivoq Naalakkersuisut akuersissummik tunniussaqarnerannut atatillugu pisortat allaffissornikkut suliaannut aningaasartutit akuersissummik tunineqartumit akilerneqartarnissaannik, aammalu Naalakkersuisut uumassusillit sananeqaataasigut kingornuttagaaasunik isumalluutinik iluaquteqarnermut aningaasarsiornikkut aningaasarsiornunerunngitsutigullu iluaqtissarsianit piissarsiaqartarnissaannut.

Naatsorsuutigineqarpoq siunnersuut allaffissornikkut ajunngitsumik sunniuteqassasoq, naatsorsuutigineqarmat suliffeqarfiiit uumassusillit sananeqaataasigut kingornuttagaaasunik isumalluutinik aningaasarsiornikkut iluanaarutaasinnaasumik iluaquteqarniartut siunnersuut naapertorlugu ataasiaannarlutik qinnuteqartassasut. Inatsit maanna atuuttoq naapertorlugu suliffeqarfiiit siullermik misissuinissamut akuersissummik qinnuteqariarlutik kingornagut iluaquteqarsinnaanermut akuersissummik nalunaaruteqartoqarnissaanik qinnuteqartartussapput.

Siunnersuut aalajangersagartaqarpoq pisortat tamanut ammasumik qarasaasiami paasissutissaasivimmik - database-mik pilersitsinissaat pillugu, uumassusillit sananeqaataasigut kingornuttagaaasunik isumalluutinut tunngasunik ilisimasanut paasissutissanut toqqortuiffiusussamik. Database-mik pineqartumik pilersitsineq naatsorsuutigineqanngilaq aningaasarsiornikkut allaffissornikkullu kinguneqartussatut, naatsorsuutigineqarmat Namminersorlutik Oqartussat suliami uani aningaasat isaatitassaasa ilaat tamatumunnga atorneqarumaartut. Siunnersuullu aamma imaqarpoq pisinnaatitsisummik Naalakkersuisut ersarinnerusunik aalajangersagaliorsinnaasut atugassarititaasunillu aalajangersaasinnaallutik, database-mi piissutsinut naleqquttunut tamanut tunngatillugu, tamatumani aamma database-imut isertarnermut aningaasartutinik akiiliuteqartarnissamut.

4. Inuussutissarsiortunut aningaasarsiornikkut allaffissornikkullu kingunerisassai
Uumassusillit sananeqaataasigut kingornuttagaaasunik isumalluutinik aningaasarsiornikkut imminut akilersinnaasumik iluaquteqalersinnaaneq, ilaatigut aningaasarsiornikkut immummit pisunik nioqquqtiissiornermi, aalisakkanut suliffissuarni nioqquqtiissiornermi, inuussutissalerinermut suliffissuarni, kiisalu uumassusilinnit pisunik nakorsaasiornermi sunniuteqarsinnaapput. Kalaallit suliffeqarfiiut periarfissat nalinginnaasumik suliffeqarfinnut pineqartunut suleqateqarnermik atortussanillu tunisaqartarnikkut suleqataanermik kinguneqarsinnaavoq.

Allaffissornikkut suliffeqarfinnut kingunerisassai killileqarput, inuussutissarsiortut siunnersuut naapertorlugu tamaallaat qinnuteqaammik ataasiinnarmik

nassiuissaqartalissammata, uumassusillit sananeqaataasigut kingornuttagaasunik isumalluutinik aningaasarsiutigalugu iluaquteqartarnermut atatillugu. Inatsit maanna atuuttoq naapertorlugu suliffeqarfitt aatsaat misisueeqqaarnissamut akuersissummik nalunaarfigineqarnissamut qinnuteqartussaapput, tamatumalu kingorna aningaasarsiutigalugu iluaquteqarsinnaanermut akuersissummik qinnuteqassallutik.

5. Avatangiisinut, pinngortitamut inuaallu peqqissusiannut sunniutaasussat

Uumassusillit sananeqaataasigut kingornuttagaasunik isumalluutit nalinginnaasumik uumassusillit katersuusimaffiini annikitsukkaartuniissinnaasarpot – biotop-imik taaneqartartuni, taamaattullu aningaasarsiutigalugu iluaqtigineqarsinnaanerat soqutiginartuusarluni. Uumassusillit sananeqaataasigut kingornuttagaasunik isumalluutinik taamaattunik katersisarneq piujuannartitsinermik ileqqoqarnissami periaatsit naapertorlugit ingerlanneqartussaavoq, taamaattumillu avatangiisinut pinngortitamullu annikitsuinnarmik sunniuteqartussaalluni. Uumassusillit pineqartut katersorneqareeraangamik ineriartorteqqinnejqarsinnaasarpot laboratoriami ingerlanneqartumik.

Taamaattumik nalilerneqarpoq aningaasarsiutigalugu iluanaarutaasumik iluaquteqarneq uumassusilinnut pineqartunut pinngortitamulluunniit aseruutaassanngitsoq, avatangiisit pinngortitarlu mianeralugit illersorlugillu ingerlatsisoqarpat, iluaquteqarnissamut akuersissummik tunniussaqarnermi, aammalu suliniutinik tamatumani aamma uumassusillit sananeqaataasigut kingornuttagaasunik isumalluutinik iluaquteqarnermik ingerlatsisoqarnerani.

Naalakkersuisut iluaquteqarnissamut akuersissummik nalunaaruteqarnerminni qularnaarniarpaat akuersissummik pigisaqartup avatangiisinut tunngasumik inatsisit immikkut ittuusinnaasut eqqortissagai, assersuutigalugu Namminersorlutik Oqartussat nalunaarutaat Ivittut Kangilinnguillu eqqaanni nunap allangngutsaaliorneqarnissaa pillugu Namminersorlutik Oqartussat nalunaarutaat nr. 4, 12. april 2010-meersoq.

Kiisalu iluaquteqarnissamut akuersissummik Naalakkersuisut tunniussinermanni akuersissummut atugassarititaasunik aalajangersaasinnaapput, tamatumani aamma assersuutigalugu uumassusilinnik pineqartunik katersuvissap sumiiffiup killilersorneratigut, aammalu uumassusillit sananeqaataasigut kingornuttagaasunik isumalluutinik katersinermi periaasisusussanik aalajangersaanikkut.

6. Innuttaasunut kingunerisassai

Naatsorsuutigineqanngilaq siunnersuut innuttaasunut aningaasarsiornikkut allaffissornikkulluunniit kinguneqassasoq.

Siunnersuummi aqunneqarput katersineq, pissarsineq, iluaquteqarneq aamma uumassusillit sananeqaataasigut kingornuttaagaasunik isumalluutinik atuineq katersinerlu inuup nammineq atugassaatuunngitsoq pisoq. Taamaasilluni siunnersuut allaffissornikkut innuttaasunut kinguneqartussaanngilaq.

7. Kingunerisassai allat pingaaruteqartut

Siunnersuut imaqarpoq pisinnaatisissummik nakkutilliisutut oqartussaasut eqqartuussivitsigut aalajangiinertaqanngitsumik suliffeqarfip ingerlatsineranut tamakkiisumik isersinnaanissaanut, siunnersuummi pineqartunut atatillugu, tamanna nakkutilliinermut atatillugu pisariaqartinneqarpat. Eqqartuussivitsigut isummerfigineqanngitsumik iserniarnermi sulisuuusut kinaassutsiminnut upternarsaammik takutitsisinnaassapput.

Siunnersuut uumassusillit sananeqaataasigut kingornuttaagaasunik isumalluutinut tamanut tunngatillugu atortuussaaq, taakku siunnersuutip atortuulernera sioqqullugu imalunniit kingornagut iluaqtigineqaraluarpataluunniit, aammalu apeqqutaatinnagu iluaquteqarneq siunnersuummi aalajangersakkanut naapertuuttumik, isumaqatigiissutit allat pisussaaffilluunniit allat tunnavigalugit ingerlanneqaraluarpataluunniit.

8. Pisortanik aamma kattuffinnik allanillu tusarniaaneq

Siunnersuut piffissami 22. december 2015-imiit 26. januar 2016 tamanut saqqummiunneqarpoq Namminersorlutik Oqartussat tusarniaasarnermut quppersagaanni.

Aammalu siunnersuut oqartussaasuni tulliuttumi takutinneqartuni kattuffinnilu il.il. tusarniaassutigineqarsimavoq:

Naalakkersuisut Siulittaasuata Naalakkersuisoqarfia, Aningaasaqarnermut Naalakkersuisoqarfik, Aatsitassanut Ikummatisanullu Naalakkersuisoqarfik, Ineqarnermut, Sanaartornermut Attaveqaqatigiinnermullu Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik, Peqqissutsimut Naalakkersuisoqarfik, Ilaqtariinnermut, Naligiissitaanermut Isumaginninnermullu Naalakkersuisoqarfik, Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik, Pinngortitamut, Avatangiisirut Inatsisinillu Atortitsinermut Naalakkersuisoqarfik, KANUKOKA, Sulisitsisut, Kalaallit Nunaanni Politiit, Qeqqata Kommunia, Kommuneqarfik Sermersooq, Kommune Kujalleq, SIK, Greenland Business A/S, aamma Visit Greenland A/S.

Naalakkersuisut tusarniaanermi akissutinik ukunannga tigusaqarput: Pisortanit, kattuffinnit il.il. tulliuttunit:

Pinngortitamut, Avatangiisirut Inatsisinillu Atortitsinermut Naalakkersuisoqarfik
Nunanut allanut Pisortaqarfik
Greenland Business
Sulisitsisut
Inuinnaq Aviaja Lyberth Hauptmann

Kommuneqarfik Sermersooq

Kommune Kujalleq

ColdZymes ApS v/Peter Stougaard

Aatsitassanut Ikummatissanullu Naalakkersuisoqarfik siunnersummut oqaaseqaateqanngilaq.

Peqqissutsimut Naalakkersuisoqarfik siunnersummut oqaaseqaateqanngilaq.

Aalisarnermut, Piniarnermut Nunalerinermullu Naalakkersuisoqarfik siunnersummut oqaaseqaateqanngilaq.

Ilaqtariinnermut, Naligiissitaanermut Isumaginninnermullu Naalakkersuisoqarfik siunnersummut oqaaseqaateqanngilaq.

Sulinermik Inuussutissarsiateqartut Kattuffiat (SIK) siunnersummut oqaaseqaateqanngilaq.

KANUKOKA-p oqaatigaa Kommune Kujallermit tusarniaanermi oqaaseqaat tapersorsorneqartoq.

Inatsisisstatut siunnersuut siunnersummullu nassuaatit oqaaseqaatit tiguneqartut immikkullu ilisimasallit oqaaseqaataat tunngavigalugit naleqqussarneqarput.

Oqaatigineqassaaq tusarniaanermi akissutaasut pingaarnersiorlugit taamaallaat issuarneqartarmata. Uani ataani tulliuttuni oqaaseqaatit isummersuutilu ilanngunneqartarput pingaaruteqassusiannik naliliinermik tunngaveqartumik.

Pinngortitamut, Avatangiisut Inatsisinillu Atortitsinermut Naalakkersuisoqarfimmiiit tusarniaanermut akissut:

Tusarniarneqartup nalunaarpaa siunnersuutip atuuuffissaar ersernerluttoq. Tusarniarneqartup ilaatigut nalunaarpaa ersernerlunngitsoq uumassusillit sananeqaataasigut kingornuttagaasunik isumalluutinik iluaquteqarneq teknologiimik iluaquteqarluni ingerlanneqartumi kingornussassanut atortorissaarutit paatsiveerusrarlugit inerititsisoqarsinnaanersoq, imaluunniit uumassusillit sananeqaataasigut kingornuttagaasunik isumalluutit siammasissumik paasineqassanersut, taamalu taakkua tassaanersut uumassusillit kingornuttagaasunik atortorissaarutaanit pisut tamarmik.

Oqaaseqaatit taakkua tunngavissiisimanngillat siunnersuutip atortuuffissaani allannguinissamut. Atortuuffissaar tassaavoq uumassusillit sananeqaataasigut kingornuttagaasunik isumalluutinik iluaquteqarneq, tamatumungalu atatillugu suliniutit tamaasa. Uumassusillit sananeqaataasigut kingornuttagaasunik isumalluutit paasineqarput uumassusilinnit atortussiaasinaasut naleqartut imaluunniit naleqalersinnaasut, takuuk Uumassusillit assigiinngisitaarnerat pillugu nunarsuarmiut isumaqatigiissutaanni artikeli 2. Uumassusillit sananeqaataasigut kingornuttagaasunik isumalluutit paasineqartarput atortussaq sunaluunniit naasumeersoq, uumasumeersoq imaluunniit uumasuaqqanit ersinngitsunit pisoq, imaluunniit allanit aallaavillit kinguaassiorsinnaassusilinnik atortullit, takuuk uumassusillit amerlalluinnassusiat pillugu nunarsuarmiut isumaqatigiissutaanni artikeli 2. Taaguut iluaquteqarneq siunnersuutip § 6, imm. 1, nr. 11-ian nassuiarneqarpoq.

Tusarniarneqartup ingerlaqqilluni nalunaarpaa ilaatigut iluaqutaasussamik erseqqissarneqarsinnaavoq qanoq isumaqartinneqarnersoq Inatsisartut inatsisaat, aamma tassani aalajangersakkat atugassarititaasullu Inatsisartut inatsisaat naapertorlugu aalajangersarneqartut, kiisalu akuersissutit nalunaarutigineqartut aamma iluanaarutinik avitseqatigiittarnermut isumaqatigiissutit, Inatsisartut inatsisaat naapertorlugu suliarineqartut, paasineqassasoq atortinneqassasullu inuiaat kalaallit inuiattut nunap inoqqaavisut pisinnaatitaaffiinut naapertuuttumik nunarsuarmiut inatsisitigut aalajangersaasarneri naapertorlugit.

Tamatumunnga erseqqissaammik nassuaatinut ikkussisoqarpoq.

Tusarniarneqartup ingerlaqqilluni nalunaarpaa ilaatigut siunnersuummi imaluunniit nassuaatinii nassuiarneqanngimmata "ilisimasat qangarnitsat" qanoq ersarinnerusumik paasineqassanersut. Tamatumungalu atatillugu tusarniarneqartup nalunaarpaa pissusissamisuussanngitsoq Naalakkersuisut ersarinnerusunik aalajangersagaliussappata, taaguutip atorneqartup qanoq paasineqarnissaa pillugu. Tusarniarneqartup oqaaseqaatai tunngavissiisimapput itisilerinissamut erseqqissaanissamullu, siunnersuutip § 5-ianut nassuaatinut atatillugu, ilisimasanik qangarnitsanik uumassusillit sananeqaataasigut kingornuttagaasunik isumalluutinut atatillugu.

Siunnersuummi pisinnaatitsissut Naalakkersuisut ersarinnerusunik
aalajangersagaliorsinnaanerat pillugu taaguutip atorneqartup qanoq paasineqarnissaanut
tunngatillugu aalajangiusimaneqarpoq, pisinnaatitsissut pissusissamisoortinneqarmat.

Tusarniarneqartup ingerlaqqilluni tikkuarpaa uumassusillit sananeqaataasigut kingornuttagaasunik isumalluutinik iluaquteqarnissamut aallaaviusinnaasutut naatsorsuutigisariaqartut ilagimmatsigit enzymit uumassusilinnit piiakkat, Ivittuut eqqaanni kangerlummi eqqisisimatisitaasumi Ikka-mi nassaassasut, misiligtissanillu tigusinerni amerlasuutigut pisariaqartartoq immami Ikka-p napasortaasa ilangartsertarneri. Taamatut ilangartserissagaanni tamatumunnga Namminersorlutik Oqartussaniit Nalunaarut nr. 4, 12. april 2010-meersoq, Ivittuut Kangilinnguillu eqqaani nunap allanngutsaaliorneqarnissaa pillugu nalunaarut naapertorlugu akuersissummik immikkut piniartoqaqqaassaaq.

Oqaatigineqartut tunngavissiisimapput inatsimmut nalinginnaasumik nassuaatini nalunaassallugu Naalakkersuisut iluaquteqarnissamut akuersissummik tunniussinermut atatillugu qularnaartassagaat akuersissummik pigisaqartup avatangiisinut tunngatillugu immikkut ittumik inatsisinik malinninnissaa, assersuutigalugu Namminersorlutik Oqartussat nalunaarutaat nr. 4, 12. april 2010-meersoq Ivittuut Kangilinnguillu eqqaani sumiiffimmut eqqisisimatinneqartumut tunngatillugu.

Ingerlaqqillunilu tusarniarneqartup maluginiarpa Naalakkersuisuni nalunaarsugassaalussuarnik pilersitsisinnaasut, atuakkioqataasut, naqitserisitsisarfiiit allallu Naalakkersuisut naqitatut saqqummiussortagaanni nalunaarsorneqartassappata.

Oqaatigineqartut allannguinissamut tunngavissiinngillat.

Tusarniarneqartup oqaatigaa maqaasillugu qualaajaaneq, qarasaasiами database-ip pilersinneqarnissaanut ingerlanneqarnissaanullu tunngasut qularnaarneqarsimanissaat. Tamanna ingammik pissuteqarpoq database siunnersummut nassuaatini oqaatigineqartutut naatsorsuutigineqanngimmat pisortanut suli ilassutitut aningaasartuutitaqassasoq, naatsorsuutigineqarmat database akuersissutinut akiiliutinit aningaasalersorneqassasoq. Tusarniarneqartup ilangullugu oqaatigaa ukiuni kingullerni qulini iluaquteqarnissamut akuersissutinik tunniussisoqartarsimannginera eqqarsaatigigaanni ajornakusoorsinnaassasoq database-mik pilersitsinermut ingerlatsinermullu aningaasartuutit tassuuna aningaasalersornissaat.

Oqaatigineqartut tunngavissiinngillat allannguiteqartitsinissamut. Siunnersuummi siunertaasut ilagivaat iluaquteqartarnissamut akuersissuteqartarnerit akimut ersarinnerulersinnissaat, taamaattumillu siunissami naatsorsuutigineqarsinnaassasoq uumassusillit sananeqaataasigut kingornuttagaasunik isumalluutinik iluaquteqartarnermut akuersissutinik amerlanerusunik tunniussisoqarrtalernissa. Kiisalu aamma siunnersummut §

20, imm. 2-mi ersippoq Naalakkersuisut ersarinnerusunik aalajangersagaliorsinnaasut atugassarititaasunillu aalajangersaasinnaallutik qarasaasiами database-mut tunngasutigut piissutsinut naleqquuttunut sunulluunniit, tamatumani aamma tamatumunnga aningaaasartuutinut akiliuteqartitsisarnermut, tamatumunngalu akitsuutinut. Pissusissamisoornerusutut isigineqarpoq database-mut tunngasumik piumasaqaatit ersarinnerusut nalunaarutikkut aalajangersarneqartarpata, inatsisitiguunngitsoq.

Nunanut allanut pisortaqarfimmiit tusarniaanermi akissutit:

Tusarniarneqartup siunnersuutigaa inatsisissatut siunnersuutip suliarineqarneranut atatillugu ilanngunneqassasoq aalajangiiffigisassaq Kalaallit Nunaata Nagoyami isumaqatigiissummik akuersissuteqarnera pillugu. Naalakkersuisut isumaqatigaat piissusissamisoortoq sapinngisamik piaartumik Nagoyami isumaqatigiissummum tunngatillugu isummertoqarnissaa. Tamatuma kingorna Naalakkersuisut isumaqarpata Nagoyami isumaqatigiissut akuersissutigisariaqartoq Kalaallit Nunaannullu atortuulersinneqartariaqartoq, taava Naalakkersuisut inatsisissatut siunnersuutip saqqummiunneqarnerani tamanna ilanngukkumaarpaat.

Tusarniarneqartup tusarniaanermut akissummini ilanngullugu malugeqquvaa, uumassusillit assigiinngisitaarnerat pillugu nunarsuarmiut isumaqatigiisstaanni taaguusersuutit nunat inoqqaavinut sumiiffinnilu inuiaqatigiinnut tunngatillugu atorneqarlersimanerat. 2014-im "the conference of the parties"-mi aqqaneq aappassaanik ataatsimiinnermi taaguutinik allannguisoqarpoq, "qangaaniilli sumiiffinnilu inuiaqatigiit" taarserneqarmata "nunap inoqqaavi aamma sumiiffinni inuiaqatigiit" atorneqalerlutik. Tamatumunngalu atatillugu aalajangerneqarpoq illuatungeriit kissaatiginngikkaat Nagoyami isumaqatigiisstip ammaqqinnissaa, naak aalajangiunneqarluartoq "nunap inoqqaavi aamma sumiiffinni inuiaqatigiit" atorneqalissasut siunissami uumassusillit assigiinngisitaarnerat pillugu nunarsuarmiut isumaqatigiisstaannut atatillugu. Tusarniaavagineqartup taamaattumik inassutigaa taaguutit nutaat "nunap inoqqaavi aamma sumiiffinni inuiaqatigiit" inatsisissatut siunnersuummi atorneqassasut.

Oqaaseqaatit piissutissaqartitsimapput oqaatsinik atuinerup siunnersuummi nassuaatinilu allanngortinnissaanut, siornagut "qangaaniilli sumiiffinnilu inuiaqatigiit" atorneqartoq maanna "nunap inoqqaavi sumiiffinnilu inuiaqatigiit" atorneqalerluni. Naalakkersuisut tamatumunnga atatillugu eqqumaffigaat uumassusillit assigiinngisitaarnerat pillugu nunarsuarmiut isumaqatigiisstaanni aammalu Nagoyami isumaqatigiissummi atorneqartut "qangaaniilli sumiiffinnilu inuiaqatigiit".

Tusarniaanermut akissutit Business Greenland-imiit:

Tusarniarneqartup maluginiarpaa siunnersuut naapertorlugu taamaallaat Namminersorlutik Oqartussat atortussiassanut piginnituusinnaanerat, taamalu suliffeqarfiiut taamaallaat iluaquteqarnissamut akuersissummik tunineqarsinnaanerat. Tusarniarneqartup nalunaarpaa tamanna nalinginnaasumik ileqquunersoq suliassaqarfimmi tamatumani mississorneqartariaqartoq, taamaannngippallu tamanna kalaallit suliffeqarfiiinut ajornartorsiutinik pilersitsisinnaanersoq, nunarsuarmiut allat peqatigalugit naleqartitanut ataatsimoorussisumik peqataasinnaaneq qanoq tamatumani eqqorneqassanersoq, pisuussutinik tappiorannartunik atuisinnaanermut pisinnaatitaaffiit eqqarsaatigalugit.

Oqaaseqaatit allannguinissamut pissutissaqartitsisimanngillat. Oqaatigineqassaaq nalinginnaasummat naalagaaffiit namminneq pisuussutsiminnut piginnituusarnerat. Siunnersuut imaqarpoq aalajangersakkamik ilisimatuut, suliffeqarfiiut il.il. iluanaarutinit avitseqatigiittarnermut isumaqatigiissut aqqutigalugu pisinnaatitaaffeqlertarmata aningaasarsiornikkut aningaasarsiornunerunngitsutigullu tunngatillugu, Kalaallit Nunaanni uumassusillit sananeqaataasigut kingornuttagaasunik isumalluutinik iluaquteqarnernut atatillugu.

Tusarniaavagineqartup akissummini kaammattuutigaa sakkukinnerusunik atugassaqartitsisoqarsinnaagaluartoq kalaallit suliffeqarfiiinut mikisunut aallartserllaajusunut atatillugu, suliffeqarfinnut angisuunut nunarsuarmiullu aamma suliffeqarfiiinut atugassarititaasunut sanilliullugu. Tusarniaavagineqartoq naapertorlugu tamanna kalaallit suliassaqarfimmi tassani suliffissuaqarnikkut ingerlatsisinnaanerannik nukittorsaasinnaagaluarmat.

Kaammattuut siunnersuummik allannguinissanut pissutissaqartitsisimanngilaq. Oqaatigineqassaaq siunnersuummi § 9, imm. 8-imi nalunaarneqarmat Naalakkersuisut aalajangersagaliorsinnaasut atugassarititaasunillu aalajangersaasinnaallutik, iluaquteqarnissamut akuersissut tamaallaat nalunaarutigineqarsinnaasoq ingerlatseqatigiiffiup immikkut ersarissumik piumasaqaataasut naammassisimappagit, tamatumani aamma suliffeqarfiiup ingerlatseqatigiiffiunissaanik imaluunniit piginneqartigiiffiunissaanik piumasaqaatit. Naatsorsuutigisariaqassaaq § 9, imm. 8 aallaavittut atortinneqarnavianngitsoq kalaallit ingerlatseqatigiiffiinut aallartserlaanut.

Tusarniaavagineqartup aammattaaq nalunaarpaa sinneqartoorutit Namminersorlutik Oqartusanut tuttussat uumassusillit sananeqaataasigut kingornuttagaasunik isumalluutinik iluaquteqarnerup kingunerisaanik naatsorsuutigisariaqassasut piffissamut sivikitsumut tunngasuusarnissaat, taamaattumillu aqunneqartariaqaraluarlutik aatsitassanut

ikummatissanullu isertitatulli, aningaasat kaaviaartitat amerlavallaalinnginnissaat siunertaralugu.

Oqaaseqaatit allannguinissanut tunngavissiisimannigillat.

Sulisitsisuniit tusarniaanermi akissut:

Tusarniaavagineqartup aallarniutigalugu inatsisisstatut siunnersuutip nassuaatillu aaqqissuunneqarnerat oqaaseqarfingaa.

Oqaaseqaatit tunngavissiisimapput siunnersuummi aallaqqaasiullugu aalajangersakkanik allatut aaqqissuussinissamut.

Tusarniaavagineqartup tamatuma kingorna ilaatigut nalunaarpaa erseqqinngitsoq qanoq isumaqartinneqarnersoq "taamatut atuineq" siunnersuummi § 4, imm. 2, nr. aamma 2-mi nalunaarneqartut.

Oqaatsit siunertaqarsimapput erseqqissaatitut aalajangersakkat taamaallaat katsersisarnermut pissarsinermulluunniit tunngasuunnginnerannik, kisiannili uumassusillit sananeqaataasigut kingornuttagaasunik isumalluutinik nammineq inuttut atuinermut, nerisarnermut il.il. aamma tunngasuunerannik.

Oqaaseqaatit taakkua pissutissaqartitsisimapput oqaatsit "taamatut atuineq" siunnersuummi § 4, imm. 2, 1 aamma 2-miit peernissaannut, taarsiullugulu aalajangersakkanut nassuaatini itisilerisoqarsimalluni.

Tusarniaavagineqartup inassutigaa siunnersuummi § 9, imm. 3 iluaquteqarnissamut akuersissut kisermaassisussaatitaanertut tunniunneqarsinnaassanngitsoq atorunnaarsinneqassasoq, aalajangersakkap ajornarnerulersittussaammagu uumassusillit sananeqaataasigut kingornuttagaasunik isumalluutinut tunngasumik ilisimatusarsinnaaneq iluaquteqarsinnaanerlu. Tusarniaavagineqartup tamatumunnga taarsiullugu periarfissatut siunnersuutigaa nalunarneqarsinnaasoq iluaquteqarnissamut akuersissut piffissami killilikkami tunniunneqarsinnaasoq, taamaaliornikkut uumassusillit sananeqaataasigut kingornuttagaasunik isumalluutinik aningaasarsiutigalugu iluaquteqarsinnaanerup siuariartorfiusinnaanera aqqutissiuunneqarsinnaammat.

Oqaaseqaatit pissutissaqartitsisimannigillat allannguinissamut. Oqaatigineqassaaq Naalakkersuisut toqqarsimammassuk iluaquteqarnissamut akuersissut kisermaassisinnaatitaanertaqangitsumik tunniunneqartassasoq, tamanna periarfissaqartitsissammat amerlanerusut uumassusillit sananeqaataasigut kingornuttagaasunik isumalluutinik iluaquteqarnermik ataatsikkut ingerlatsisinnaanerannut. Tamanna ingerlaqqikkaani aamma ingerlatanik amerlanerusunik aqqutissiuussisinnaavoq, tamatumani

aamma ilisimatusarnermik aamma aningaasarsiutigalugu uumassusillit sananeqaataasigut kingornuttagaasunik isumalluutinik iluaquteqarnissanut periarfissaqartitsissalluni. Nalilerneqarpoq iluaquteqarnissamut akuersissut kisarmaassinertaqanngitsoq kalaallinut inuiaqatigiinnut iluaqtissanik amerlanerusunik pilersitsisinnaasoq, kisarmaassisinnaatitaanermut akuersissutinut piffissalikkanut sanilliullugu. Taamaasilluni siunnersuutip § 9, imm. 2-ani aalajangersagaq oqimalutaaneruvoq inuiaqatigiit ataatsimut soqutigisaannik, inuit ataasiakkaat suliffeqarfillaunniit aningaasarsiornikkut allatigullu soqutigisaannut sanilliullugit.

Tusarniaavagineqartup ingerlaqqilluni nalunaarpaa siunnersuummi aalajangersakkap § 9, imm. 7-ip taamaallaat aqukkaa iluaquteqarnissamut akuersissutip allanngortinneqarsinnaanera. Aalajangersagaq akuersissummik allannguiniarnermi atorneqassappat tusarniaavagineqartoq naapertorlugu allatut oqaasertalertariaqarpoq, ersarissumillu allaaseralugu tamanna pissasoq Naalakkersuisunik iluaquteqarnissamut akuersissummik pigisaqartup oqaloqateqarneratigut. Tusarniaagivineqartup tamatumunnga atatillugu nalunaarpaa uumassusillit sananeqaataasigut kingornuttagaasunut isumalluutinut aningaasaliinissamut perusuttoqarnavianngitsoq, Naalakkersuisut kisimiillutik iluarisarsiorlutilu iluaquteqarnissamut akuersissummik allannguisassagaluarpata.

Nassuiaatit pissutissaqartilersimavaat § 9, imm. 7-imut oqaaseqatigiinnik ataatsinik ikkussinissamut, tassalu aalajangiunneqarpoq iluaquteqarsinnaanermut akuersissummut ilassut taamaallaat Naalakkersuisunut tunniunneqarsinnaasoq, tamatumunnga akuersissummik pigisaqartumut isumaqatigiissuteqarneq naapertorlugu.

Tusarniaavagineqartup ingerlaqqilluni nalunaarpaa piumasaqaateqartoqartariaqanngitsoq sullissilluni suliayut tunngatillugu pisortat ingerlatsinerannut akiliuteqartitsisarnissamik, Naalakkersuisut kissaatigippassuk inuussutissarsiornikkut ineriartortitsisoqarnissaa uumassusillit sananeqaataasigut kingornuttagaasunik isumalluutinik ilisimatusaatigalugu suliniuitit aqqutigalugit. Akitsummik akiliuteqartitsisarnissat pillugit piumasaqaatit eqqaaneqartut il.il. tusarniaavagineqartoq naapertorlugu ilisimatusartoqarsinnaaneranik killilersuisuussapput, taamalu suliassaqarfimm tassani piginnaasanik inuussutissarsiornikkullu ineriartortitsisoqarsinnaanera taamaallaat killilersorneqassalluni.

Oqaaseqaatit pissutissaqartitsisimanngillat allannguiteqartitsinissamut. Aalajangersakkat tunngaveqarput ileqqussamik inuit suliffeqarfilla pisuussutinik iluaquteqartut atuinerminnun akiliuteqartarnissaannik. Aalajangersakkat uani pineqartut assingi pisuussutinik iluaquteqarnernut inatsisini allani aamma nassaassaapput, tamatumani aamma aatsitassanut ikummatissanullu inatsimmi § 86, imm. 5- imi. Atuisut akiliuteqartarnerannik ileqqoqarneq aamma oqariartuuteqarpoq inuit suliffeqarfilla paassisutissanik katserserusuttut aamma uumassusillit sananeqaataasigut kingornuttagaasunik isumalluutinik iluaquteqarniartut

namminneq suliniutiminnut atatillugu aningaasartuutit nammattariaqaraat, taamalu tamatumani aamma pisortat sullissinerannut aningaasartuutit.

Tusarniaavagineqartup ilanngullugu oqaatigaa paasiumpaatsutut isikkoqartoq akuersissummik pigisaqartoq iluanaarutinik avitseqatigiittarnermut isumaqatigiissutaasoq tunnavigalugu pisussaaffeqassappat iluanaarutinit avitseqatigiittarnerup qaangiutereerneratigut, naatsorsuutigisariaqarmat iluanaarutit qaangiuttartut avitseqatigiittarnermut akuersissutip atorunnaarneratigut. Tusarniaavagineqartup nalunaarpaa tamatumunnga ilaliullugu nassuaatini ersarissumik nalunaarneqartariaqartoq tamatumani suna siunertaanersoq.

Nassuaatit pisariaqartitsilarsimapput Naalakkersuisunit siunnersummi § 17-imut atatillugu nassuaatini itisilerisoqarnissaanut.

Tusarniaavagineqartup oqaatigaa misissullaqunartoq pilersitseqqaartutut pisinnaatitaaneq, piginnittussaatitaaneq unioqqutinnejassanersoq Naalakkersuisut ilisimatusarnermi angusanik tamanut tusagassiisarniarnerat, atuagassiani allani saqqummiunneqareersunik pillugu. Tusarniaavagineqartup tamatumunnga atatillugu oqaatigaa piginnittussatuutut ileqqunik unioqqutitsinerussasoq Naalakkersuisut ilisimatusarnermi naammassisat tamaasa tamanut tusagassiarisassappatigit, sammisami pineqartumi ilisimatuut ilisimatusarnermikkut angusarisimasaat. Tusarniaanermullu akissutaasoq naapertorlugu tamanna kinguneqassaaq ilisimatoq isumaqatigiinniutissaqassanngitsoq, ilisimatuut allat ilisimatusarnermikkut angusaannut atatillugu. Angusat / nalunaarusiat tamanut tusagassiarisarneri taamaattumik taamaallaat pisinnaasariaqartoq piginnittussaatitaasumut isumaqatigiissuteqareernikkut, tusarniaavagineqartoq isumaqarpoq, tamannalu inatsisissatut sinnersummi ersarissumik nalunaarneqartariaqartoq.

Oqaaseqaatit pissutissaqartitsilarsimapput siunnersummut § 18, imm. 4-mi oqaaseqatigiinnik nutaanik ilassusiinissamut, tamanut tusagassiisoqassanngitsoq piginnittussaanermut aalajangersakkanut tamanna akerliuppat.

*Tusarniaavagineqartup ingerlaqqilluni oqaatigaa siunnersuutip § 23-ia ilisimasalinnut oqaasertaligaasutut isikkoqartoq, siunnersummi "regeringen/naalakkersuisut" oqaatiginiqarmata, kisianni kikkut naalakkersuisorineraat taaneqarani.
Tusarniaavagineqartup naatsorsuutiginerarpaa danskit naalakkersuisui pineqarsimassasut.*

Oqaaseqaat pissutissaqartitsisimavoq ataatsimut "naalakkersuisut" allanngortinneqarnissaannut "danskit naalakkersuisui" taarsiullugu.

Aviaja Lyberth Hauptmann-imiit tusarniaanermi akissutisiaq:

Tusarniaanermi akissuteqartoq tusarniaanermut akissummini aperivoq ilisimatuut ataasiakkaat paassisutissani naammassisani lu ilisimatusarnissamut periarfissaat akuersissuteqarnikkut pissarsiarineqarsimasoq akuersissutip atorunnaarneratigut aamma atorunnaartarnersoq.

Tusarniaanermi akissuteqartoq ilaatigut nalunaarpoq paassisutissat ilisimatusarnikkullu naammassisat amerlasuutigut ilisimatuut akornanni avinneqartartut, paasisallu pineqartut naammassisallu amerlasuutigut atoqqinnejartartut suliniutini nutaani paassisutissanik nutaanik ilallugit. Taamaattut akissuteqartoq naapertorlugu amerlasuutigut pisinnaasarpuit suliit siullit kingornagut ukiut arlallit qaangiutereersut, siumoortumillu paassisutissanik naammassisani llu atueqqinnissaq oqaatigiuminaassinjaasarluni. Tusarniaanermi akissuteqartoq naapertorlugu ilisimatuunut ajornartorsiutaasinjaavoq iluaquteqarnissamut akuersissut killiliissappat ilisimatuup ilisimasanik paassisutissanillu atuisinnaaneranik, tamannalu Kalaallit Nunaannut kinguneqarsinnaalluni, Kalaallit Nunaannut tunngasumik ilisimatusarneq Kalaallit Nunaata isiginiarneqarneranik pilersitsisarmat. Tusarniaanermi akissuteqartup erseqqissaatigaa ilisimatuut silarsuaanni takuneqarneq ajormat paassisutissanut ilisimasanullu akileeqqusisarneq. Ilisimatuut paasisanik ilisimasanillu avitseqatigiittartut taamaasillutik tamatuminnga aningaasanngortitsisanngillat, kisiannili pissarsiaqartarlutik suleqatigiinnermikkut saqqummiussisarnermikkullu.

Tusarniaanermi akissuteqartup ingerlaqqilluni nalunaarpaa Namminersorlutik Oqartussat iluaqutissarsivigiinnassagaat ilisimatuut amerlanerusut Kalaallit Nunaanni ilisimatusartarnerat. Namminersorlutik Oqartussat kissaatigippassuk inuit suliffeqarfiillu amerlanerusut iluaquteqarnissamut akuersissummik qinnuteqartarnissaat, taamalu ilisimasaminnik Kalaallit Nunaannik avitseqateqartarpata, taava Namminersorlutik Oqartussat sapinngisamik qinnuteqartunut atugassarititaasut piuminarnerpaaittariaqarpaat.

Oqaaseqaatit pissutissaqartitsisimanngillat allannguinissanut. Takuuk siuliani Sulisitsisuniit tusarniaanermi akissut, atuinermut tunngatillugu akiliuteqartitsisarnermi ileqqut pillugit, inunnut aamma suliffeqarfinnut, pisuussutinik iluaquteqartunut.

Tusarniaanermi akissuteqartup siunnersuutip § 18, imm. 4-aanut atatillugu nalunaarpaa inatsisigut inerteqquataasoq tusagassiutitsigut tamanut tusagassiisoqarneranut atatillugu allattugaatit tamanut takusassiarineqarsinnaanerat, tusagassiummi tamanut tusagassiinikkut piginnittussaanermik nuussisoqartarmat. Tusarniaanermi akissuteqartup nalunaarpaa siunnersuutip § 20, immikkoortuanut siullermut atatillugu tamatuma paasisamut nutaamut piginnittussatuaasutut nalunaarsorneqarnissaq ajoquersinnaagaa, isumaqatigiissutaasunullu allanut ilisimatuut pigisaannut akornutaasinnaalluni. Kiisalu tusarniaanermi akissuteqartup aamma oqaatigaa siunnersuutip § 20, imm. 1-iata ilisimatuut

*aninggaasartaqanngitsumik paassisutissanik akunnerminni atuisinnaanerat
akornusersinnaagaa.*

Oqaaseqaatit pissutissaqartitsisimapput siunnersuutip § 18, imm. 4-aani oqaaseqatigiinnik ilassusiinissamut, tamanut saqqummiussineq pisinnaanngitsoq tappiorarnartunut pisinnaatitaaffinnut akerliuppat.

Kommuneqarfik Sermersuup tusarniaanermi akissutai:

Tusarniaavagineqartup aallarniutigalugu ujartorpaan nassuaasiaq imaluunniit tamatumunnga assingusumik allakkiaq, nunani allani uumassusillit sananeqaataasigut kingornuttagaasunik isumalluutinut atatillugu, misilittagaasunut Kalaallit Nunaannut pingaaruteqarsinnaasunut tunngatillugu.

Inatsisisatut siunnersuutip suliarineqarneranut atatillugu Naalakkersuisut misissuiffigisimavaat nalilersorsimallugillu nunarsuarmiut isumaqatigiissutaat, malittarisassaat aaqqissuussinerillu akuersissuteqartarnernut isumaqatigiissuteqartarnernullu, uumassusillit sananeqaataasigut kingornuttagaasunik isumalluutinut atatillugu. Tamatumalu saniatigut aamma Naalakkersuisut misissorsimavaat nalilersorsimallugillu aaqqissuussinerit akuersissuteqartarnernut isumaqatigiissuteqartarnernullu, uumassusillit sananeqaataasigut kingornuttagaasunik isumalluutinut atatillugu nunani ataasiakkaani, tamatumani aamma Danmark-im, Norge-mi, EU-mi aamma Australiam.

Tusarniaavagineqartup oqaatigaa amigaatigalugit ersarinnerusumik allaaserinninnerit ileqqullu "nunap inoqqaavinut" tunngasumik taaguutip atorneqarneranut atatillugu. Taaguut "Nunap inoqqaavi" aamma taaguummut ""ilisimasat qangarnitsat" tunngavoq, § 4, imm. 4 aamma § 5-im i nassaassaasunut. Tusarniaavagineqartup ilaatigut oqaatigaa iluaqsiisumik erseqqissarneqarluarsinnaasoq ingerlatsisuusoq taannaammat qulaajaasussaq, ilisimasatoqqanik uumassusillit sananeqaataasigut kingornuttagaasunik isumalluutinut tunngatillugu peqartoqarnersoq pillugu. Naalakkersuisut isumaqatigiit pissusissamisoormat tamatuma erseqqissaavagineqarnissaa.

Oqaaseqaatit tunngavissaqartitsisimapput siunnersuutip § 5, imm. 1-iani oqaaseqatigiinnik nutaanik ikkussinissamut, akuersisummik pigisaqartoq uumassusillit sananeqaataasigut kingornuttagaasunik isumalluutinik iluaquteqarnermik ingerlatsisoq misissuisinnaasoq naliliisinnaasorlu ilisimasanik qangarnitsanik peqartoqarnersoq pillugu, uumassusillit sananeqaataasigut kingornuttagaasunik isumalluutinik iluaquteqarnernut atatillugu. Tusarniaavagineqartup nalunaarpaa siunnersuummi aalajangersagaq nakkutilliinermut namminerlu nakkutilliinissamut pisussaaffik iluaqsiisumik itisilerneqarsinnaasoq. Tusarniaavagineqartup siunnersuutigaa aalajangersakkanik ilangussisoqarnissaa, "transfer

pricing"-imik taaneqartut naapigiaрsinnaanerannut. Oqaaseqaatit tunngavissiisimanngillat allannguinissamut. Siunnersuut nammineq imaqareerpoq aalajangersakkaniк nalunaarusiortarnissamut, uumassusillit sananeqaataasigut kingornuttagaašunik isumalluutinik iluaquteqarnernut atatillugu, tamatumani aamma atuuppoq siunnersuummi § 21. Nalunaarusiortoqarnerata kingunerisaanik Naalakkersuisut tunngaanniit apeqquteqarnissamut pissutissaqartitsisoqarpat, siunnersuutip kingunerisaanik Naalakkersuisut akuersissummik pigisaqartumiit piumasaqarsinnaapput paasissutissanik annertunerusunik pappialaatinillu. Ingerlatseqatigiiffiit imminnut atasut akornanni niueqatigiinnermut akiusut pillugit apeqqutinik pilersoqassappat ("transfer pricing"), aamma Naalakkersuisut piumasaqarsinnaapput paasissutissanik amerlanerusunik pappialaatinillu akuersissummik pigisaqartumiit. Naalakkersuisullu aamma peqqusummik nalunaaruteqarsinnaapput paasinarsissappat niueqatigiinnermi akiusut niuerfinni nalinginnaasuni akiusunut naapertuutinngitsut.

Tusarniaavigineqartup ingerlaqqilluni eqqaavai siunnersuummi § 4, imm. 2, (siusinnerusukkut § 6, imm. 2) siunnersuut atortinneqanngitsoq aningaasarsiutiginagu katsersinernut pissarsinernulluunniit, uumassusillit sananeqaataasigut kingornuttagaašunik isumalluutinik, nammineq atugassanik, nerisassanik imaluunniit pinnersaatissanik imaluunniit atuartitsinermi atugassanik. Tusarniaavigineqartup maqaasivaa nalilersuisoqarnissaa siunnersuummi § 4, imm. 2 naapertorlugu atortuunngiffiusut toqqaannanngitsumik aningaasarsiutigalugu uumassusillit sananeqaataasigut kingornuttagaašunik isumalluutinik iluaquteqarnermik naleqannginnerulersitsisinnaanersut.

Oqaaseqaatit pissutissaqartitsisimanngillat allannguinissamut, siunnersuummi § 4, imm. 2-mi aalajangersakkat taamaallaat aningaasarsutiqinagu ingerlatsinernut tunngasuummata.

Taamaattumillu nalilerneqarpoq siunnersuut inuiaqatigiinni aningaasarsiornermut aningaasarsutiqalugulu uumassusillit sananeqaataasigut kingornutagaasunik isumalluutinik iluaquteqarnernut pitsaanngitsumik kinguneqartussaanngitsoq.

Tusarniaavagineqartup ilanngullugu oqaatigaa siunnersuummi § 9, imm. 8, nr. 1-imut atatillugu, Naalakkersuisut iluaquteqarnermut ingerlatseqatigiiffinnut piumasaqaateqarsinnaanerannut tunngatillugu, ingerlatseqatigiiffiup aktiaatileqatigiiffiunissaanik Kalaallit Nunaannilu angerlarsimaffeqartuunissanik Naalakkersuisut piumasaqarsinnaanerannut isumaliutigillaqqunartoq taamatut piumasaqaateqarneq naammassineqarsinnaanersoq, tusarniaavagineqartullu aamma oqaatigaa ingerlatseqatigiiffiup nunami allami najugaqartup "allaffiup skuffiani" ingerlatseqatigiiffiliorneratigut tamanna Kalaallit Nunaanni ingerlatseqatigiiffiliorneratut isigineqarsinnaassannginnersoq.

Oqaaseqaatit allannguinissamut pissutissaqartitsisimanngillat. Ilumoorpoq siunnersuut naapertorlugu periarfissaqarmat ingerlatseqatigiiffit atussallugit ingerlatseqatigiiffittut aningaasaliissutit annerusutigut nunani allamiut aningaasaliisartut aningaasaataannit pinngorfeqartut, tamatumani aamma nunani allamiut ingerlatseqatigiiffiutaat.

Naalakkersuisulli naliliinerat naapertorlugu pisariaqarpoq tamatuma periarfissaanissaa, inuit nunani allamiut suliffeqarfiillu Kalaallit Nunaanni uumassusillit sananeqaataasigut kingornutagaasunik isumalluutinut tunngasunik suliniutinik taamaanngippat ingerlatsinissaminut periarfissaqarnavianngimmata.

Tusarniaavagineqartup siunnersuutip § 11 aamma 12-anut tunngatillugu ilaatigut oqaatigaa uumassusillit sananeqaataasigut kingornutagaasunut isumalluutinut atatillugu suliniutit iluatsilluartartut ingerlanneqarsinnaalluaraluartut IBA-mut tunngasumik inatsisiliat naapertorlugit, taamaaliornikkut qularnaarniarlugu suliniutit minnerunngitsumik suliniutit angisuut inuiaqatigiinni piujuannartitsisumik ingerlatsinerup iluani ingerlanneqarnissaat.

Oqaaseqaatit allannguinissamut pissutissaqartitsisimanngillat. Naalakkersuisut tamatumunnga atatillugu oqaatigaat iluanaarutinik avitseqatigiittarneq pillugu isumaqatigiissut, uumassusillit sananeqaataasigut kingornutagaasunik isumalluutinik iluaquteqarnermik tunngaveqartumik, imaqarmat aningaasatigut avitseqatigiittarneq aammalu aningasanut tunngasuunngitsutigut avitseqatigiittarneq, tamatumani aamma royalty, nalunaarusianik, ilisimasanik avitseqatigiittarneq, suleqatigiinnermi atugassarititaasut akuersissummik pigisaqartup aamma kalaallit oqartussaasuisa, ingerlatsiviisa il.il. akornanni. Suleqatigiinneq ilisimatusarnermut tunngasuusinnaallunilu, ineriartortitsinermut katsersinernullu Kalaallit

Nunaanni ingerlanneqartunut allanullu aamma tunngasuusinnaavoq. Taamaasilluni periarfissaavoq Naalakkersuisunut piumasaqaateqartarnissaq, suliniutit ingerlanneqartut uumassusillit sananeqaataasigut kingornuttagaaasunut tunngasut inuiaqatigiinni piujuannartitsinermik tunngavilimmik ingerlanneqartassasut.

Tusarniaavagineqartup ingerlaqqilluni oqaatigaa akuersisummik pigisaqartoq siumoortumik ilisimatinneqartariaqaraluartoq akitsuutit allallu qanoq annertussuseqarnerannik, akuersisummik pigisaqartup naalakkersuisunut akiligassarigai, pisortat suliamik ingerlatsinerannut atatillugu.

Oqaaseqaat pissutissaqartitsisimanngilaq allannguinissamut. Tamatumunngalu atatillugu oqaatigineqassaaq aalajangersakkani §§ 13 aamma 14 siunnerfiunngitsoq Naalakkersuisut aalajangersakkat taakkua tunngavigalugit akitsuutinik imalunniit aningaasartuutinut matussutissanik akiliisitsisarnissaat, Naalakkersuisut sulianik pisortatut ingerlatsinerminnunut atatillugu aningaasartuutigisaasa avataasigut, iluaquteqarnissamut akuersisummut suliamilluunniit ingerlatsinermut atatillugu. Pisortat suliamik ingerlatsinerannut il. il. akiliut ilaatigut naatsorsorneqarsinnaavoq nalunaaquttap akunneranut akilummik aallaaveqartumik, piffissamut pisortat sullissinerminnunut atugaannut atatillugu.

Tusarniaavagineqartup aamma tikkuarpaa akuersisummik pigisaqartoq siunnersuummi § 15 naapertorlugu iluaquteqarnissamut akuersisummik imaluunniit iluanaarutinik avitseqatigiittarnissamut isumaqatigiisummik pissarsiarisimasaminik allanut tunniussisinnaanngitsoq Naalakkersuisunit tamatumunnga tunngatillugu akuerineqanngitsumik. Tusarniaavagineqartup tamatumunnga atatillugu kaammattuutigaa siunnersummut aalajangersakkanik ikkussisoqassasoq inuiaqatigiit iluaqutissarsianit iluanaarutinillu naammaginartumik pissarsiassaqarnissaat taamatut akisussaaffinnik pisussaaffinnillu allanut tunniussisinnaaneq eqqarsaatigalugu.

Naalakkersuisut isumaqatigaat pissusissamisoortoq qularnaassallugu iluanaarutinik avitseqatigiittarneq aamma suli pisassasoq akuerisaasumik akisussaaffimmik allamut tunniussinermi.

Oqaaseqaatit pissutissaqartitsisimanngillat allannguinissamut, aalajangersakkat akuersisummillu pigisaqartup akuersisummik susassaqartumut allamut ingerlatitseqqissinnaanera, uumassusillit sananeqaataasigut kingornuttagaaasunik isumalluutinik iluaquteqarnermut tunngatillugu, aamma iluanaarutinik avitseqatigiittarnermut tunngatillugu isumaqatigiisummik malittarisassiunneqartarmata.

Tusarniaavagineqartup siunnersuummi § 22-imut atatillugu oqaatigaa pissusissamisoorsinnaasoq aalajangersakkamik nakkutillisoqarnissaa, Kalaallit Nunaanni

uumassusillit sananeqaataasigut kingornuttagaaasunik isumalluutinik iluaquteqarnernut atatillugu suliniutinik ingerlatsisoqarnerani.

Oqaaseqaatit pissutissaqartitsisimanngillat allannguinissanut. § 22-imi aalajangersakkat naapertorlugit Naalakkersuisut akuersissummik pigisaqartumut, isumaqatigiissuteqqaataasunut ingerlatsisunullu allanut nakkutilliinermik ingerlatsisussaapput, aamma pissutsinut siunnersuummi pineqartunut tunngatillugu, tamatumani aamma aalajangersakkanut atugassarititaasunullu siunnersuut naapertorlugu akuersissutaasunut atatillugu, aammalu iluanaarutinik avitseqatigiittarnermut isumaqatigiissummut allanullu tunngatillugu. Siunnersuut atortuusussaavoq ilaatigut Kalaallit Nunaanni imaluunniit nunani allani uumassusillit sananeqaataasigut kingornuttagaaasunik isumalluutinik Kalaallit Nunaanneersunik iluaquteqarnernut, kiisalu Kalaallit Nunaanni uumassusillit sananeqaataasigut kingornuttagaaasunut nunanit allaneersunut, tamanna siunnersuutip § 4, imm. 1 nr. 1 aamma 2-ani aalajangersakkat kinguneraat. Aalajangersagaq naapertorlugu Naalakkersuisut nakkutilliinermik ingerlatsisinnaapput suliniutini tamani uumassusillit sananeqaataasigut kingornuttagaaasunik isumalluutinik Kalaallit Nunaanni aamma Kalaallit Nunaata avataani iluaquteqarnernut atatillugu.

Tusarniaavigineqartup naggiullugu ataasiakkaatigut oqaaseqarfigai siunnersuummi § 30 naapertorlugu kingumoortumik atortuulersitsinissaq.

Oqaaseqaatit pissutissaqartitsisimanngillat allannguinissamut. Naalakkersuisut uumassusillit sananeqaataasigut kingornuttagaaasunik isumalluutinik iluaquteqarnissamut akuersissutinik tunniussaqartarsimapput, maannamullu akuersissutit taakkua tunngavigalugit aningaasarsiutigalugu iluanaarniutaasussanik uumassusillit sananeqaataasigut kingornuttagaaasunik isumalluutinik iluaquteqarsinnaanermik taakkua kinguneqarsimanngillat. Taamaattumik kingumoortumik akuersissutit aningaasarsiutigalugu iluaquteqarnissamut sunniuteqartussanngillat.

Aningaasarsiutiginagu ingerlatsinernut tunngatillugu siunnersuummi § 30-imi aalajangersagaq qularnaariniarpoq siunissami ingerlatsinerit inatsimmit aqunneqassasut, taanna nunarsuarmiut uumassusillit sananeqaataasigut kingornuttagaaasunik isumalluutinik iluaquteqartarnermut isumaqatigiissutigisaannut naapertuuttuummat, tamatumani aamma Nagoyami isumaqatigiissummut.

Kommune Kujalliuup tusarniaanermut akissutai:

Tusarniaanermut akissut takkuppoq ulloq 2. februar 2016, tassalu tusarniaanermut killiliussaq 26. januar 2016 qaangiutsereroq.

Tusarniaavagineqartup aallarniutigalugu oqaatigaa periarfissaqarsimannngitsoq iternga tikillugu inatsisissatut siunnersuummik nalilersuinissamut, siunnersuut inatsisissatut siunnersuuit pingaaruteqartut allat ilutigisaannik nassiuunneqarsimammatt.

Tusarniaavagineqartup nalunaarpaa misissuinerni nakkutilliinernilu sananeqaatinik uumassusilinnik siunnersuummi § 22 naapertorlugu periaatsit pisariullutillu immikkut ilisimasalinnik piginnaanernik ikiorteqarnissamik, uuttortaatinik laboratoriamilu atortunik assigisaannillu pisariaqartitsisoqartartussaasoq. Tusarniaavagineqartup nalunaarpaa namminneq isummersornertik naapertorlugu Naalakkersuisunut tamatigut periarfissaqassangimmat ilisimasanik pineqartutut atorneqarsinnaasunik peqarnissaa. Tusarniaavagineqartup inassutigaa inatsisissatut siunnersuummi periarfissanik ikkussisoqarnissaa Naalakkersuisut periarfissaqartilerlugin nakkutilliinermik avataani ingerlatsivinnut suliassanngortitsisoqarsinnaanera eqqarsaatigalugu, tamatumani aamma ingerlatsivinnut nunani allaniittunut.

Oqaaseqaatit allannguinissamut pissutissaqartitsisimannngillat. Siunnersuummi § 22-imi aalajangerneqarpoq Naalakkersuisut akuersissummik pigisaqartunut, isumaqatigiissuteqaqataasunut allanullu ingerlatsisunut siunnersuummi pineqartunut nakkutilliinermik ingerlatsisuussasut, tamatumani aamma inatsisissatut siunnersuut naapertorlugu atugassarititaasunut assigiinngitsunut tunngatillugu. Tamanna pisariaqartinneqassappat Naalakkersuisut inunnut ingerlatsivinnut kattuffinnulluunniit suleqateqarnermik pilersitsisinnaapput, tamatumani aamma inunnut kattuffinnulluunniit nunanit allaneersunut, nakkutilliinermut siunnersuummi § 22 naapertorlugu ingerlanneqartartunut atatillugu.

Tusarniaavagineqartup ingerlaqqilluni oqaatigaa siunnersuutip § 8-aani taaguutinut nassuaatit (maanna siunnersuummi § 6) iluaqutaasumik §§-inut 1- imaluunniit 2-mut nuunneqarsinnaagaluartut.

Oqaaseqaatit allannguinissamut pissutissaqartitsisimannngillat. Naalakkersuisut siunertaqartutut isigaat taaguutinut nassuaatit siunnersuutip sumut atortinneqarnissaanut nassuaatit kingornagut inissisimanerat, siunnersuummi §§-ini 4 aamma 5-imi eqqartorneqartunut (siusinnerusukkut §§-ini 6 aamma 7).

Tusarniaavagineqartup ilanngullugu oqaatigaa pissusissamisuuunngitsoq inatsissatut siunnersuummi §§-ini 1 aamma 6-imi qulequtarineqarmat "Atuuffissaa".

Nassuaatit aammalu tusarniaavagineqartuniit oqaaseqaatit pissutissaqartilersimannngilaat siunnersummut kapitali 1-ip qulequtaata allanngortinnissaa. Kapitali 1-ip qulequtaraa

"Atuuffissaa aamma nassuaatit allallu", § 1-iunngitsoq. Kapitali 1-ip qulequtaa kapitalimut tamarmut atuuppoq. Paragraf 1 qulequtaqannngilaq.

Tusarniaavagineqartup oqaatigaa siunnersuummi § 2-mi oqaasertat "kisimiillutik oqartussaapput" iluaqusiisumik allatut oqaasertalerneqarsinnaasoq. Tusarniaavagineqartup tamatumunnga atatillugu oqaatigaa Namminersorlutik Oqartussat uumassusillit sananeqaataasigut kingornuttagaasunik isumalluutinut oqartussaassusiat Namminersorneq pillugu aaqqissuussinermeersuusoq.

Oqaaseqaatit pissutissaqartitsisimapput siunnersuummi § 2-imut nassuaatini itisilerutaasunik nassuaateqarnissamut. Aamma takukkit siuliani Pinngortitamut, Avatangiisinut Inatsisinillu Atortitsinermut Naalakkersuisoqarfimmuit tusarniaanermut akissutit. Nassuaatini erseqqissarneqarpoq kalaallit inuiaasut nunarsuarmiut inatsisaat naapertorlugin, inuiaallu kalaallit taamaattumik pinngortitami pisuussutiminnut namminneq oqartussaallutillu atuisinnaatitaasut. Ingerlaqqikkaannilu Namminersorlutik Oqartussat uumassusilinni pisuussutinut suliassaqarfik Namminersorneq pillugu inatsit naapertorlugu oqartussaaffigilersimavaat. Taamaattumillu Namminersorlutik Oqartussat suliassaqarfimmii tassani inatsisiliortuullutillu pisortatut oqartussaasuullutik.

Tusarniaavagineqartup ingerlaqqilluni oqaatigaa uumassusillit sananeqaataasigut kingornuttagaasunik isumalluutinik iluaquteqarsinnaanermut akuersissuteqartarneq Kalaallit Nunaanni sumiiffinni inuiaqatigiinnut annertuumik pingaaruteqartuusinnaasoq. Taamaattumillu tusarniaavagineqartup inassutigaa inatsisini pisussaaffiutinneqassasoq kommunip pineqartup iluaquteqarnissamut akuersissummik tunniussisoqannginnerani tusarniaavagineqaqqaartarnissaa.

Nassuaatit aammalu tusarniaavagineqartuniit allaniit oqaaseqaatit pisariaqartitsisimapput siunnersuummi § 5, imm. 1-imi aamma nassuaatini oqaaseqatigiinnik nutaanik ilanngussisoqarnissaanut, akuersissummik pigisaqartoq uumassusillit sananeqaataasigut kingornuttagaasunik isumalluutinik iluaquteqarnermut atatillugu suliniutinik ingerlatsisuusoq, misissuisassasoq nalilersuisarlunilu naleqquttunik ilisimasanik qangarnitsanik ilisimasaqartoqarnersoq, iluaqutigineqarsinnaasunik uumassusillit sananeqaataasigut kingornuttagaasunik isumalluutinik iluaquteqarnermut pineqartumut atatillugu. Takuuk aamma siuliani Kommuneqarfik Sermersuumiit tusarniaanermut akissut. Kiisalu siunnersuummi § 1, imm. 4-mi ersippoq siunnersuutip ilaatigut siunertarigaa uumassusillit sananeqaataasigut kingornuttagaasunik isumalluutinik iluaquteqarnerup aqunneqarnissaa, aammalu tamatumunnga atatillugu suliniutaasut ilanngullugit, taamaattullu isumannaatsumik sillimaniarnermut, peqqissutsimut, avatangiisinut, pisuussutinik iluaquteqarnermut inuiaqatigiinnilu piujuannartitsisumik ingerlatsinermut naapertuuttumik

ingerlatsisoqarnissaata aqunneqarnissaat. Aalajangersagaq pineqartoq aamma sumiiffinni inuaqatigiinnik isiginiaanissamik imaqarpoq.

Tusarniaavagineqartup ilanngullugu aamma oqaatigaa ersernerluttoq siunnersuummi § 11, imm. 5-imi qanoq isumaqartoqarnersoq, illuatungiusoq isumaqatigiissuteqartassasoq naammassinnittarlunilu iluanaarutinik avitseqatigiittarnermut isumaqatigiissummik.

Tusarniaavagineqartup tamatumunnga atatillugu nalunaarpaa isumaqatigiissutip ilisarnaatigisaraa taanna pinngitsaaliinertaqanngitsumik illugiilluni suliarineqartarmat.

Oqaaseqaatit allannguinissamut pissutissaqartitsisimangillat. Siunnersuutip § 11-iata kinguneranik Naalakkersuisut akuersissutip § 9-a naapertorlugu atugassarititaasunik aalajangersaasinnaanerat, akuersisummik pigisaqartup isumaqatigiissuteqarnissaanik naammassinninnissaanillu iluanaarutinik Naalakkersuisullu avitseqatigitarnermut tunngatillugu, tamatumanilu aamma aningaasarsiornikkut aningaasarsiornernungitsutigullu iluaquqatsarsianik, uumassusillit sananeqaataasigut kingornuttagaaasunik isumalluutinik iluaquqeqarnermut atatillugu. Iluaquqeqarnissamut akuersissut taamaasilluni tunngaveqarsinnaavoq piumasaqataasunik illuatungiusup uumassusillit sananeqaataasigut kingornuttagaaasunik isumalluutinik iluaquqeqarnissamik kissaateqartup, Naalakkersuisunut iluanaarutinik avitseqatigiittarnissamut isumaqatigiissuteqarnissaa pillugu. Isumaqatigiissut taamaattoq illuatungeriinni illugiilluni atugassarititaasunik aalajangersaasimanermik tunngavilimmik isumaqatigiissutigineqartarpooq, (mutually agreed terms). Illuatungiusoq kissaateqanngikkuni isumaqatigiissummik taamaattumik isumaqatigiissuteqarniarluni, pineqartup tamatigut naammassiniartanngilai iluaquqeqarnissamut akuersissummi aalajangersagaasut. Naalakkersuisut pisinnaatitaaffeqarnerat piumasaqassallutik, akuersisummik pigisaqartup iluanaarutinik avitseqatigiittarnissamut Naalakkersuisunut isumaqatigiissuteqarnissaanik, tunngaveqarpoq Namminersorlutik Oqartussat taakkuummata pisinnaatitaasut Kalaallit Nunaanni uumassusillit sananeqaataasigut kingornuttagaaasunut pisuussutinut atuinissamut.

Naggasiullugu tusarniaavagineqartup oqaatigaa qarasaasiami database-mik pilersitsisussaaneq siunnersuummi § 20, imm. 1 naapertorlugu pinngitsuugassaanngitsutut aalajangiussaasariaqaraluartoq, siunnersuummi § 18, imm. 4 isumaqassappat.
Siunnersuummi § 18, imm. 4-mi aalajangersarneqarpoq naqitanik tusagassiineq § 18, imm. 3-mi pineqartutut tamanut tusagassiarineqartussaasut database-mi § 20 naapertorlugu.

Oqaaseqaatit allannguinissamut pissutissaqartitsisimangillat. Siunnersuummi § 20, imm. 1 aalajangiivoq Naalakkersuisut qarasaasiami database-mik pilersitsisinnaasut, inuillu tamat paasissutissanut uumassusillit sananeqaataasigut kingornuttagaaasunut isumalluutinut tunngasunut isersinnaassasut. Taamaattoq Naalakkersuisut pinngitsooratik pisussaaffiginngilaat database-mik § 20-mi eqqaaneqartumik pilersitsinissaq, kisiannili

aalajangersagaliorsinnaallutilu atugassarititaasunik aalajangersaasinnallutik allat qarasaasiами database-mik pilersitsisinnanerannut, atuisinnaanerannullu, nunarsuarmiut isumaqatigiissutaanni Kalaallit Nunaannut atuuuttusuni aalajangersakkat pisussaaffiillu naapertorlugit. Tamanna inatsisissatut siunnersuumi § 20, imm. 5-ip tunngavigaa.

ColdZymes ApS, Peter Stougaard-imit tusarniaanermut akissuteqaatit:

Tusarniaavagineqartup nalunaarpaa ersernerluttoq siunnersuummi immikkoortut sorliit ilisimatusarnermut ingerlatsinermut sorliillu aningaasarsiutigalugu ingerlatsinermut tunngasuunersut, taamaattumillu naammassijuminaatsutut isikkoqarsinnaasoq ilisimatuumut Kalaallit Nunaanni uumassusillit sananeqaataasigut kingornuttagaasunik isumalluutinik ilisimatusaavigininnissamut qinnuteqassalluni. Tusarniaavagineqartup tamatumunnga atatillugu ilaatigut erseqqissarpaa Sikuiuitsumi kujallermi, Svalbard-imi aamma USA-mi ilisimatusarnikkut suliniutinik ingerlatsiniarneq tamatumunnga akuersissuteqartoqarnissaanik piumasaqaatitaqanngimmat, kingornagullu sumiiffinni pineqartuni aningaasarsiutinngortitsineq akeqarnani.

Oqaaseqaatit allannguinissamut pissutissaqartitsisimanngillat. Siunnersuummi siunertaavoq ataatsimut isigaluni qularnaarniarneqarmat siunnersummut aalajangersakkat, atugassarititaasut, iluaquteqarsinnaanermi akuersissutit aamma iluanaarutinik avitseqatigiittarnermut isumaqatigiissutit siunnersuut naapertorlugu nunarsuarmiunit akuerineqarnissaat uumassusillit amerlalluinnassusiannut nunarsuarmiut isumaqatigiissutaanni aammalu Nagoyami isumaqatigiissummi aalajangersakkanut naapertuuttut. Nunarsuarmiut malittarisassaasa pineqartut tunngaviusumik siunertaraat qularnaassallugu nakkutigineqanngitsumik katsersisoqaranilu iluaquteqartoqartannginnissaa, uumassusillit sananeqaataasigut kingornuttagaasunit isumalluutinik naalagaaffinlit ataasiakkaanit nunanillu pisunik. Kalaallit Nunaat taamaasilluni namminneerluni tamakkiisumik pisinnaatitaavoq iluaquteqarsinnaatitaallunilu Kalaallit Nunaanni uumassusillit sananeqaataasigut kingornuttagaasunik isumalluutinut, aammalu aalajangersaasarnissamut isumaqatigiissuteqartarnissanullu iluaquteqarnermi atugassarititaasut eqqarsaatigalugit. Kiisalu aamma Kalaallit Nunaat naapertuuttumik naammaginartumillu uumassusillit sananeqaataasigut kingornuttagaasunik isumalluutinik iluaquteqarnermit iluanaarutinit pissarsiassaqarnissaminut pisinnaatitaaffeqarpoq. Tamannalu ilaatigut uumassusillit amerlalluinnassusiak pillugu nunarsuarmiut isumaqatigiissutaanni artikeli 3-mi aammalu Nagoyami isumaqatigiissummi artikeli 5-imi malittarisassiuunneqarpoq.

Tusarniaavagineqartup oqaatigaa siunnersuummi aalajangersakkat, Naalakkersuisut ersarinnerusunik atugassarititaasunik maleruagassiorsinnaanerat pillugu, aamma Naalakkersuisut akuersissummik pigisaqartumut pisussaaffiliisinnaasoq aningasanik aalajangersimasunik annertussusilinnik akiliuteqarnissaanut, nalorninermik pilersitsisut.

Tusarniaavagineqartup tamatumunnga atatillugu oqaatigaa siunnersuummi ersarissumik nalunaarneqarsimasariaqartoq piumasaqaatit atugassarititaasullu qanoq ittut akuersissummit pigisaqartup naammassissanerai iluaquteqarnissamut akuersissummit tunineqarnissamut.

Oqaaseqaatit allannguinissamut pissutissaqartitsisimangillat. Aalajangersagaliornissamut atugassarititaasunillu aalajangersaanissamut pisariaqartitsineq pisumi pineqartumi pissutsinik naliliinermik tunngaveqartariaqarpoq, aalajangersakkani lu qularnaarneqartariaqarluni siunnersuummi eqaatsunik periarfissaqarnissaa. Atugassarititaasunilli aalajangersagaliornerni Naalakkersuisut ataatsimut isigisumik qularnaartariaqarpaat pisortani ingerlatsinermut maleruagassat nalinginnaasut ileqqullu malinneqarnissaat, tamatumani aamma assigiinngisitsinnginnissamut ileqqut.

Tusarniaavagineqartup ilannngullugu oqaatigaa suliffeqarfinnut annertuumik ajoqutaassasoq nalornisitsillunilu suliffeqarfiit akitsummik akiliuteqartassappata (fees), allaffisornermut, sorianik ingerlatsinermut il.il.

Oqaaseqaatigineqartut, aamma tusarniaavagineqartunit allanit allannguinissamut pissutissaqartitsinngillat. Aalajangersagaq tunngaveqarpoq inunnut suliffeqarfinnullu atuinermut akiliuteqartarnermik, uumassusillit sananeqaataasigut kingornuttagaa sunik isumalluutinik iluaquteqarnermut atatillugu. Assigisaanik pisuussutinik iluaquteqarnernut inatsisini allani aalajangersagaqarpoq, tamatumani aamma aatsitassanut ikummattisanullu inatsimmi § 86, imm. 5-imi. Atuisut akiliuteqartarnissaannik ileqqoq aamma tunngaveqarpoq inuit suliffeqarfiillu uumassusillit sananeqaataasigut kingornuttagaa sunik isumalluutinik katserserusutt iluaquteqarusuttullu namminneq suliniutiminut aningaasartuutinik nammattariaqarnerannik, tamatumani lu aamma pisortat sullissinerannut.

Tusarniaavagineqartup oqaatigaa siunnersuummi §§-ini 8 aamma 6-imi (manna §§-ini 6 aamma 4-imi) immikkoortitsisoqanngitsoq uumassusilinnut naleqqussarsimansunut aamma naleqqussarsimangitsunut. Tusarniaavagineqartup tamatumunnga atatillugu oqaatigaa siunnersuut maanna oqaasertaasut eqqarsaatigalugit atuisoq tappiorarnartunik, uumasuaqqanik, tamatumani aamma raajat, uumasuutit, assersuutigalugu aamma narlumukaaq, ukaleq, puisi aamma sava. Ingerlaqqilluni aamma siunnersuummi naasut, tamatumani aamma qeqqussat, kuannit, sorlaat naatsiallu pineqarlutik.

Tusarniaavagineqartup oqaatigaa siunnersuut maanna oqaasertalersugaanini naapertorlugu assersuutigalugu iluanaarniutigalugu piniarnermut (katsersisarnermut) aamma tuniniaanermut raajanik aalisakkanillu, tuttuuteqarnermut qeqqussanik katsersinermut naatsiianillu katsersinermut atortinneqarsinnaasoq. Tusarniaavagineqartup inassutigaa siunnersuummi ersarissarneqassasoq uumassusillit sananeqaataasigut kingornuttagaa sunik

isumalluutit suut tamatumunngalu atatillugu suliniut suut siunnersuut naapertorlugu siunnersuutip atuuffissarinerai.

Oqaaseqaatit tunngavissaqartitsisimapput siunnersuummi § 4-mi immikkoortumik nutaamik 3-mik ikkussinissamut. Immikkoortoq 3-mi aalajangersakkami Naalakkersuisut pisinnaatinneqarput ersarinnerusumik siunnersuutip atuuffissaanut tunngatillugu aalajangersagaliornissamut, tamatumani aamma uumassusillit sananeqaataasigut kingornuttagaaasunik isumalluutit suunerisa killernissaannut, tamatumunngalu ingerlatsisarnerup killissaanik aalajangersaasarnissamut. Pissusissamisoornerusutut nalilerneqarpoq aalajangersakkat killilersuisut nalunaarutikkut suliarineqarnissaat, inatsisikkuunngitsoq.

Tusarniaavigineqartup ingerlaqqilluni oqaatigaa siunnersuummi § 6, imm. 1, nr. 3 (maanna § 4, imm. 1, nr. 3) kikkut tamat killiligaanngitsumik oqaaseqarsinnaanerannut akerliusinnaasoq.

Aalajangersakkami aalajangiunneqarpoq siunnersuut atortuusoq aamma saqqummiussineq allatullu saqqummiineq misissuinernit aamma ilisimatusarnermit naammassisut tunngatillugu aamma tassani pineqartut.

Oqaaseqaatit allannguinissamut pissutissaqartitsisimanngillat. Siunnersuut atortinneqarlunilu qanoq paasineqassanersoq isummersorfigineqartassaaq tunngaviusumik pisinnaatitaaffiit naapertorlugit, tamatumani aamma Europa-miut Inuit pisinnaatitaaffiinut ísumaqtigiissutaat aamma naalagaaffimmí tunngaviusumik inatsit naapertorlugit.

Tusarniaavigineqartup inassutigaa siunnersuummi § 18, imm. 1-imi oqaasertat allanngortinneqarnissaat.

Aalajangersakkami aalajangiunneqarpoq kinaluunniit saqqummiinermini imaluunniit allatut tamanut saqqummiussinermi peqataasoq, misissuinernit ilisimatusarnermilu naammassisani, uumassusillit sananeqaataasigut kingornuttagaaasunik isumalluutinut Kalaallit Nunaanneersunut tunngatillugu, imaluunniit taamaattuniit aallaavilinnik, kingusinnerpaamik tamanut tusagassiinerup saqqummiinerulluunniit ilutigisaanik tamanna pillugu Naalakkersuisunut ilisimatitsissuteqartassasoq.

Oqaaseqaatit tunngavissaqartitsisimapput siunnersuummi aalajangersakkamut § 18, imm. 1-imi allannguinissamut, imaallillugu paasissutissat eqqaaneqartut Naalakkersuisunut ingerlatsinneqartassasut tamanut saqqummiinerup kinguninngua.

Tusarniaavigineqartup ingerlaqqilluni inassutigaa § 19, imm. 1-imi aalajangersakkap oqaasertaasa allanngortinneqarnissaat.

Aalajangersakkami tassani aalajangiunneqarpoq iluaquteqarnissamut akuersisummit pigisaqartoq, iluanaarutinik avitseqatigiittarnissamut isumaqatigiissuteqaqataasoq imaluunniit peqataasoq illuatungiusoq alla teknologiimik iluaqutigineqartumik piginnittussatuut allagartaliisitsiniartoq, imaluunniit periaasissamik nassaamik uumassusillit sananeqaataasigut kingornuttagaaasunik isumalluutinik Kalaallit Nunaanneersunik iluaquteqarnermut atorneqartussamik ingerlatsisoq kisremaassisussaanermut akuersissuteqartitsinalinnginnermini Naalakkersuisunut tamanna pillugu ilisimatitseqqaartussaasoq. Tamanna aamma atuuppoq nalunaarsuisitsiniarnernut allanut imaluunniit tappiorarnartunik tunngavilimmuit uumassusillit sananeqaataasigut kingornuttagasasunik isumalluutinik Kalaallit Nunaanneersunik iluaquteqarniarnermik tunngavilimmuit. Siunnersuutip ilaatigut siunertaraa qularnaassallugu naapertuutumik naammaginartumillu iluanaarutinik pissarsianillu allanik agguassisoqartarnissa, uumassusillit sananeqaataasigut kingornuttagaaasunik isumalluutinik iluaquteqarnermut atatillugu. Taamaattumik pissusissamisoortutut isigineqarpoq Naalakkersuisut ilisimatinneqartarnissaat kisremaassilluni piginnittuunermik nalunaarsuisitsinalinnginnermi allatulluunniit tappiorannartunut pisinnaatitaaffinnik nalunaarsuinnginnermi.

Oqaaseqaatit pissutissaqartitsisimapput § 19, imm. 1-imut siunnersuummi aamma nassuaatini oqaaseqatigiinnik immikkut ikkussinissamut, Naalakkersuisut pisariaqartunik iliuusissanik aalajangiisartut qularnaarniarlugu inuit ikittuunnaat piginnittussaanermut allagartaliisitsiniarnernut tunngasumik paasissutissanut ilisimasaqartarnissaat, paasissutissallu taamaattut isortuussassatut atorneqarlutillu suliarineqartarnissaat pillugit.

*Tusarniaavigineqartup nalunaarpaa aamma imminut akilersinnaasumik
ingerlatsisinnanaanermut tunngaviummat uumassusillit sananeqaataasigut kingornuttagaaasunik
isumalluutinut aalajangersimasunut kisremaassisinnaatitaasarme, taamaanngippat
suliffeqarfii uumassusilinnut aningaasarsiutigissallugit nalorninaateqarnissaanut
ningaasaliinissamut piumassuseqartanngimmata. Tusarniaavigineqartup inassutigaa
siunnersuummi periarfissangortinneqassasoq immikkut allaaserineqartunut
nassuiarneqartunullu uumassusilinni kingornussisarnermut atortunik imaluunniit ensym-inut
imaluunniit uumassusilinnut immikkut nassuiarneqartunut tunngatillugu suliaqarnermut
kisremaassisinnaanngortinneqarsinnaaneq periarfissaassasoq, kisiannili
kisermassisinnaasoqassanngitsoq bakterianut, quajaatinut, raajanut assigisaannullu
tunngatillugu.*

Oqaaseqaatit pissutissaqartitsisimanngillat allannguinissamut. Pissusissamisoornerusutut isigineqarpoq Kalaallit Nunaanni uumassusillit sananeqaataasigut kingornuttagaaasunik isumalluutinik iluaquteqartarnermut akuersissuteqartarneq kisremaassisinnaatitaanertaqartassanngippat. Naalakkersuisut akuersisummit nalunaaruteqartarnerat uumassusillit

sananeqaataasigut kingornuttagaasunik isumalluutit ilaannik allamilluunniit tappiorannartunit immikkut ersarinnerusumik nassuiardeqartumik Kalaallit Nunaanneersumik iluaquteqarsinnaanermut akornusiissangilaq inuup suliffeqarfialluunniit piginnittuatuat nalunaarutigineqarnissamut qinnuteqarsinnaaneranut, immikkut uumassusilinnut pineqartumut tunngatillugu.

Tusarniaavagineqartup ingerlaqqilluni nalunaarpaa siunnersuummi § 9, imm. 7-imi aalajangersagaq allanngortillaqunartoq, imaalillugu akuersissut siunnersuutip § 9-a naapertorlugu taamaallaat allanngortinnejqarsinnaassasoq Naalakkersuisut aamma akuersisummik pigisaqartoq tamatumunnga isumaqatigiippata.

Oqaaseqaatit aamma oqaaseqaatit assigisai tusarniaavagineqartunit allaniit pissutissaqartitsisimapput § 9, imm. 7-imi oqaaseqatigiinnik nutaanik ilassusiinissamut, tassanilu aalajangiunneqarluni allannguineq Naalakkersuisunut taamaallaat nalunaarutigineqarsinnaasoq Naalakkersuisut akuersisummik pigisaqartumut isumaqatigiissuteqarnerat tunngavigalugu.

Tusarniaavagineqartup aamma oqaatigaa erseqqissartariaqaraluartoq siunnersuummi § 17-mi suna isumagineqarnersoq, iluaquteqarsinnaanermut akuersisummik pigisaqartup pisussaaffii piuinnartartut iluaquteqarnissamut akuersissutip atorunnaareerneratigut. Tusarniaavagineqartup tamatumunnga atatillugu nalunaarpaa naatsorsuutigisariaqartoq iluanaarutit unittassasut iluaquteqarnissamut isumaqatigiissutip atorunnaarneratigut.

Oqaaseqaat taanna oqaaseqaatillu taassuma assigisai allat tunngavissaqartitsisimapput Naalakkersuisut siunnersuutip § 17-ianut nassuaatini itisilerinissaannut.

Tusarniaavagineqartup naggasiullugu oqaatigaa inatsisinik eqqortitsinerugunangnitsoq nakkutilliisutut oqartussaasoq inatsisisstatut siunnersuummi § 22 naapertorlugu sukkulluunniit eqqartuussivimmi aalajangigaanngitsumik piumasaqassappat suliffeqarfimmi sumiiffinnut tamanut ingerlatsinermullu isersinnaanissamut.

Oqaaseqaatit allannguinissamut pissutissaqartitsisimanngillat. Siunnersuummi § 22, imm. 3 naapertorlugu nakkutilliisutut oqartussaasut sulusui sukkulluunniit eqqartuussivimmit aalajangiiffiqeqanngitsumik kinaassutsiminnik uppermarsaaserlutik suliffeqarfip ingerlatsiviinut tamanut isersinnaapput, nakkutilliinermut atatillugu tamanna pisariaqartinneqarpat. Nakkutilliisutut oqartussaasoq taamaasilluni killeqanngitsumik isersinnaanngilaq, isersinnaanermut tunngaviummat siunnersuut naapertorlugu nakkutilliinermik ingerlatsisoqarnissaa. Nakkutilliinermut aalajangersakkat assigisaat aatsitassanut ikummatissanullu nakkutilliinermut aalajangersakkani nassaassaapput.

Tusarniaanermut akissuteqaat, Pinngortitamut Aqutsisoqarfimmit (Naturstyrelsen):

Tusarniaavagineqartup aallarniutigalugu oqaatigaa tusarniaavagineqartup taamaallaat pissutsit eqqartuiffigigai Naalagaaffeqatigiinnermut attuumassuteqartut, nunallu pingajuinut tunngasut, Danmark-ip naalagaaffeqatigiinnut sinniisuuffigisai.

Tusarniaavagineqartup oqaatigaa Danmark-ip Nagoyami isumaqatigiissut akuersissutigisimaga ulloq 12. oktober 2014, tunuarsimaarutitalerlugu Kalaallit Nunaannut Savalimmunullu tunngatillugu. Tusarniaavagineqartup ingerlaqqilluni oqaatigaa Kalaallit Nunaanni Namminersorlutik Oqartussat namminersortutut illuatungiusutut Nagoyami isumaqatigiissut akuersissutigisinnaanngikkaa, kisiannili Nagoyami isumaqatigiissutip atortuulersinneqarnera pissasoq Danmark-ip tunuarsimaarutaasumik atorunnaarsitsineratigut, Kalaallit Nunaannut tunngatillugu. Tusarniaavagineqartup tamatumunnga atatillugu oqaatigaa siunnersuummi § 6, imm., nr. 2-mut nassuaatit uumassusillit assigiinngisitaarnerat pillugu nunarsuarmiut isumaqatigiissutaannut naapertuuttiusuut, kisiannili paasinninneq taanna tusarniaavagineqartup paasisinninnera naapertorlugu ersinngitsoq siunnersuummi § 23-im tassungalu nassuaatini. Ingerlaqqilluni tusarniaavagineqartup nalunaarpaa Kunngeqarfik Danmark naalagaaffittut nunamut tamarmut attavimmik ataasiinnarmik peqarsinnaasoq, aamma Clearingshouse-imut, iluaquteqarsinnaanermut aammalu iluaqtissanik agguassisarnermut akisussaasumik ataasiinnarmik peqarsinnaalluni. Naalagaaffeqatigiinnerulli nammineq iluani toqqaasoqarsinnaasoq nunamut namminermut oqartussaasunik akisussaasunik nakkutilliivinnillu.

Oqaaseqaatit allannguinissamut tunngavissiisimanngillat. Siunnersuummi § 23, imm. 1-im piissutsit taamaattut isiginiarneqarput, illuatungeriit ataatsimeeqatigiinneranni aalajangiunneqarsinnaammat namminersorluni oqartussaaffik, naalagaaffiup iluani nammineq nunatut attavimmik peqarsinnaasoq. Namminersorlutik Oqartussat uumassusilinnut aamma uumassusillit sananeqaataasigut kingornuttagaasunik isumalluutinut oqartussaaffik tigoreersimavaat. Taamaattumik Kalaallit Nunaanni Namminersorlutik Oqartussat inatsisiliortuullutillu suliassaqarfimmi tassani inatsisinik atortitsiuupput. Tamanna Namminersorneq pillugu inatsimmi § 1-mik tunngaveqarpoq.

Naalakkersuisullu taamaasillutik ilaatigut Kalaallit Nunaanni inatsisinik atortitsisutut aalajangersagaliorsinnaapput, tamatumani aamma Naalakkersuisut pisinnaatitaaffiinut, pisussaaffiinut, suliassaannut allatigullu. Aallaaviosoq tassaavooq Naalakkersuisut suliassaqarfinni tiguneqarsimasuni nunanut allanut tunngasunik oqartussaaffeqarnerat.

Taamaattumillu Naalakkersuisut isumaqatigiinniarsinnaapput naalagaaffeqatigiit sinnerlugit, taamaallaat Kalaallit Nunaannut tunngasuni, suliassaqarfinnut tiguneqarsimasunut tunngatillugu. Tamanna Namminersorneq pillugu inatsimmi § 12, imm. 1-im tunngaveqarpoq. Nunat akornanni isumaqatigiissutit, illersornissamut sillimaniarnermullu attuumassuteqartut, kiisalu isumaqatigiissutit Danmark-imut atortuusussat, imaluunniit

nunarsuarmiut kattuffiisa iluanni isumaqatigiinniutigineqartartut, Danmark-ip ilaasortaaffigisaani, imalunniit nunarsuarmiut kattuffiisa iluanni isumaqatigiinniutigineqartartut, Danmark-ip ilaasortaaffigisaani, isumaqatigiinniutigineqartarput Namminersorneq pillugu inatsimmi § 13-imi aalajangersakkat tunngavigalugit. Tamanna Namminersorneq pillugu inatsimmi § 12, imm. 4-mik tunngaveqarpoq. Namminersorneq pillugu inatsimmi § 13 naapertorlugu danskit naalakkersuisui iliuuseqartartuupput nunanut allanut tunngasuni suliani, namminersorneq pillugu inatsimmi § 12, imm. 4 naapertorlugu. Tamanna ilaatigut atuuppoq uumassusillit amerlalluinnassusiat pillugu nunarsuarmiut isumaqatigiissutaannut aamma Nagoyami isumaqatigiisummut Danmark-ip akuersissutigisimasaanut tunngasuni suliani. Namminersorneq pillugu inatsimmi § 13, imm. 1-ip kinguneraa Nagoyami isumaqatigiissutip Kalaallit Nunaanni atortuulersinneqarnera aallaavittut pissammat Kunngeqarfip Danmark-ip tunuarsimaarutaasumik aalajangersakkamik atorunnaarsitsineratigut, Kalaallit Nunaannut atortuutinnejartussamik, danskillu Naalakkersuisuisa Namminersorluni Oqartussanik tamatumunnga tunngasumik suleqateqarnerisigut. Danskit naalakkersuisuisali kalaallit Naalakkersuisui pisinnaatissinnaavai isumaqatigiinniartuusinnaasut, suliani Kalaallit Nunaannut taamaallaat attuumassuteqartuni, nunanut allanut tunngasumik danskit naalakkersuisuisa oqartussaausuinik peqataatisiviusumik. Namminersorneq pillugu inatsimmi § 13, imm. 2-ip tamanna kinguneraa. Danskit naalakkersuisuisa aamma Naalakkersuisut isumaqatigiissutigippassuk, taava Naalakkersuisut isumaqatigiinniartuusinnaapput Nagoyami isumaqatigiissutip Kalaallit Nunaannut atortussanngortinneqarnissaanut tunngatillugu, danskit nunanut allanut tunngasumik ingerlatsisuinit peqataaffigineqartumik.

Tusarniaavagineqartup ingerlaqqilluni oqaatigaa siunnersuummi § 7, imm. 5 aamma §§-it 10 aamma 12-imi aalajangersakkat paasineqarsinnaasut soorlulusooq Kalaallit Nunaata avataani uumassusillit sananeqaataasigut kingornuttagaasunik isumalluutinik iluaquteqarneq aqunneqartoq. Tusarniaavagineqartup ingerlaqqilluni nalunaarpaa tusarniaavagineqartup paasinninnaera imaattoq, Nagoyami isumaqatigiissutip nuna pineqartoq taamaallaat periarfissikkaa nammineq nunagisap iluani uumassusillit sananeqaataasigut kingornuttagaasunut isumalluutinut tunngasumik aalajangersagaliorsinnaanermut, aammalu uumassusillit sananeqaataasigut kingornuttagaasunik isumalluutinik nunami pineqartumi iluaquteqarneq nunami tassani namminermi aalajangersakkat naapertorlugin ingerlanneqartussaasoq.

Oqaaseqaatit pissutissaqartitsilernsimanngillat allannguinissamut. Malittarisassat pineqartut aquppaat Kalaallit Nunaanni uumassusillit sananeqaataasigut kingornuttagaasunik isumalluutinik atuisinnaaneq, isumalluutit pineqartut Kalaallit Nunaanniippata imaluunniit Kalaallit Nunaata avataaniippata. Malittarisassat ingerlaqqillutik aquppaat Kalaallit Nunaata uumassusillit sananeqaataasigut kingornuttagaasunik pisuussutai, apeqquataitinnagu iluaquteqarneq Kalaallit Nunaanni avataaniluunniit ingerlanneqarnersoq. Kiisalu

malittarisassat aquppaat Kalaallit Nunaanni uumassusillit sananeqaataasigut kingornuttagaaasunik isumalluutinik nunamit allameersunik iluaquteqarneq. Tamanna tunngaveqarpoq Nagoyami isumaqatigiissummi artikeli 15-imi imm. 1-imik, isumaqatigiissummi peqataasut nunat nammineq naapertuuttunik, naammassisqarfiulluartunik inatsisitigullu naapertuuttunik, allaffissornikkut aamma naalakkersuinikkut qularnaartussaallugu siumoortumik ilisimatitsisoqareernerani akuersisoqarsimanissa uumassusillit sananeqaataasigut kingornuttagaaasunik isumalluutinut pineqartut susassaqarfianneersunut, pineqartullu akornanni isumaqatigiissusiortoqareersimassasoq, inatsisit atuuttut naapertorlugit, uumassusillit sananeqaataasigut kingornuttagaaasunik isumalluutit piiarneqarfigisaanni.

*Tusarniaavigineqartup ilanngullugu nalunaarpaa siunnersuummi § 20, imm. 4 aamma 5-imi erseqqissartariaqaraluartoq siunnersuut taamaallaat aalajangersaammat Kalaallit Nunaata qarasaasiiani toqqorsivinnut database-nut danskit nunarsuarmiulluunniit allat oqartussaaffigisaannut tunngasumik atuuttussaasoq, Namminersorlutik Oqartussat namminneq oqartussaaffigisami avataani inatsisiliorsinnaanngimmata,
Tusarniaavigineqartup nalunaarpaa isumaqarluni Naalakkersuisut taamaallaat pituttuisunik piumasqaateqarsinnaasut kalaallit suliffeqarfiinut inuinnarnulluunniit, nunani allani database-nik atuerusuttunut. Tusarniaavigineqartup paasinninera naapertorlugu Naalakkersuisut danskit database-nut tunngasumik maleruagassiorsinnaanngillat.*

Oqaaseqaatit allannguinissamut pissutissaqartitsisimanngillat. Naalakkersuisut oqaaseqaatit imatut paasivaat; Naalakkersuisut danskit database-nut maleruagassiorsinnaanngitsut.

Siunnersuummi § 20-i pisinnaatitsivoq kalaallit database-nik pilersitsinernik ingerlatsinernillu aqtsinissamut, Kalaallit Nunaanni uumassusillit sananeqaataasigut kingornuttagaaasunik isumalluutinik iluaquteqarnernut tunngasunik paasissutissaateqarsinnaasunik. Aalajangersagaq atorneqarsinnaavoq kalaallit nunani allamiulluunniit peqataasut kalaallini uumassusillit sananeqaataasigut kingornuttagaaasunut isumalluutinut ammaanneqarnissamik kissaateqartunut, iluaquteqarnissamik siunertaqartumik. Aalajangersagaq periarfissiinngilaq aqtsinissamut database-nik Danmark-imi naalagaaffinniluunniit allani ingerlanneqartunut. Aalajangersakkalli pisinnaatitsissutigaa Naalakkersuisut aalajangersagaliorsinnaanerat atugassaritaasunillu aalajangersaasinnaanerat, illuatungiusup Kalaallit Nunaanni uumassusillit sananeqaataasigut kingornuttagaaasunut isumalluutinut atuinissamut ammaanneqarnissamik kissaateqartumut, danskit nunani allamiut nunarsuarmiulluunniit database-nik atuisinnaanerannut. Siunnersuummi § 20-ip atortinneqarnera uumassusillit assigiinngisitaarnerat pillugu nunarsuarmiut isumaqatigiissutaat, Nagoyami isumaqatigiissut nunarsuarmiullu aalajangersagaat allat Kalaallit Nunaanni atuuttusut naapertorlugit pissaq.

Siunnersuutip aalajangersagaanut assigiinngitsunut oqaaseqaatit

§ 1-imut

Imm. 1-imut

Aalajangersagassatut siunnersuummi siunertaq pingarneq nalunaarneqarpoq.

Aalajangersagassatut siunnersuutaasup siunertaraa uumassusillit sananeqaataasigut kingornuttaagaasunik isumalluutinut Kalaallit Nunaanniittunut ammaassiniissaq, nunarsuarmiut uumassusillit assigiinngisitaarnerat pillugu isumaqatigiissutaat aamma Nagoyami isumaqatigiissut uumassusillit sananeqaataasigut kingornuttaagaasunik isumalluutinut ammaassiniissamik siunertaqartut tunngavigalugit.

Siunertaavoq inatsisisstatut siunnersuutaasup inatsisitut killiliussatut atorneqarnissaa, uumassusillit sananeqaataasigut isumalluutinik iluaquteqarnermi tunngaviusussanik pingarnernik aalajangersaasuuut, taamalu Naalakkersuisut killiliussat taakkua iluanni pisinnaatinneqassallutik ersarinnerusunik maleruagassiornissaminut. Naalakkersuisut ilaatigut aalajangersakkanik suliaqarsinnaapput nalunaarutitut, iluaquteqarnissamut akuersissutitut aamma iluanaarutinik avitseqatigiittarnermut isumaqatigiissutitsigut.

Siunnersuut allaaveqarpoq nunarsuarmiut uumassusillit assigiinngisitaarnerat pillugu isumaqatigiissutaannik aamma Nagoyami isumaqatigiissummi uumassusillit sananeqaataasigut kingornuttaagaasunik isumalluutit qanoq paasineqarnissaannut nassuaatinik. Tamanna pingaarutilimmik uumassusilinnit isumalluutinut tunngasumik aallaaveqartumut sanilliullugu allannguineruvoq. Inatsisip atuuffiata maanna uumassusillit sananeqaataasigut kingornuttaagaasunik isumalluutinut taamaallaat atortussaatinneqarneranut pissutaavoq, kissaatigineqarmat siunnersuutaasup nunarsuarmiut uumassusillit assigiinngisitaarnerat pillugu isumaqatigiissutaannut aamma Nagoyami isumaqatigiissummut naapertuuttuunissaa. Aalajangersakkat taakkua taamaallaat uumassusillit sananeqaataasigut kingornuttaagaasunik isumalluutit iluaqutigineqarnerat aquppaat, taamaattumillu pisariaqarluni kingornuttaagaasunik isumalluutinut inatsisip atuuffiata killilerneqarnissaa. Killiliinerup qularnaarniarneqarpoq siunnersuutip, aalajangersakkat atugassarititaasullu, akuersissutinik tunniussisarnerit aamma iluanaarutinik avitseqatigiittarnermut isumaqatigiissutit siunnersuut naapertorlugu nunarsuarmiunit akuerineqartuunissaat.

Imm. 2-mut

Siunnersuutip annertuumik qularnaarniarpa uumassusillit amerlalluinnassusiisa attatiinnarneqarnissaat illersorneqarnissaallu, aammalu uumassusillit sananeqaataasigut kingornuttaagaasunik isumalluutit aamma ilisimasat qangarnitsat uumassusillit

sananeqaataasigut kingornuttaagaasunik isumalluutinut atatillugu nunat inoqqaavinit pigineqartut, sumiiffinnilu inuiaqatigiinni ilisimasat piujuannartitsinermik tunngavilimmik iluaqutigineqarnissaat, aammalu Kalaallit Nunaata naammaginartumik naapertuilluartumillu iluaquqteqarnerup kingunerisaanik ajunngitsorsianik pissarseqataasarnissaa. Iluanaarutitut pissarsiat tamakkua aningaasatigut aamma aningaasanut tunngassuteqanngitsutigut iluaquqtiissarsissutigineqarnissaat, tamatumani aamma ilisimasatigut aamma teknologi-tigut, uumassusillit sananeqaataasigut kingornuttaagaasunit isumalluutinit aallaaveqartutigut.

Aalajangersagaq nunarsuarmiut uumassusillit assigiinngisitaarnerat pillugu isumaqatigiissutaanni siunertaasumut qanittumik suliaavoq, siunertaqluni tassani siunertaasumut naapertuuttuunissaa.

Imm. 3-mut

Siunnersuummi nalunaarneqarpoq Naalakkersuisut qulakkiissagaat ilisimatuut, suliffeqarfitt allallu siunnersuummi pineqartut uumassusillit sananeqaataasigut kingornuttaagaasunik isumalluutinut, kiisalu ilisimasanut aamma teknologimut uumassusillit sananeqaataasigut kingornuttaagaasunik isumalluutinut ornigussinnaasarnissaat. Immikkoortoq taanna ilassutaavoq inatsimmi maanna atuuttumi siunertaasumut, qulakkeeriniarlunilu ilisimasat aamma teknologi iluaqutigineqartoq katersorneqassasut, inuillu tamat takusinnaassagaat.

Imm. 4-mut

Aalajangersagaq siunertaqarpoq isumannaassallugu siunnersuutip tassanilu aalajangersakkat paasineqartassasut atorneqassasullu inuiaqatigiinni ataatsimut isiginnittumik, aammalu inuiaqatigiinni soqtigisat pingaartut isiginiarlugit. Aalajangersakkap maleruagassiorpaa siunnersuutikkut sillimarniarnerup, peqqinnissap, avatangiisit, pisuussutinik iluaquqteqarnerup aamma inuiaqatigiinni piujuannartitsisumik ingerlatsinerup qulakkeerneqarnissaat.

Siunnersuummittaaq ilaavoq tigussaasumik sillimaniarneq, uumassusillit sananeqaataasigut kingornuttaagaasunik isumalluutinik iluaquqteqarnermut il.il. tunngatillugu.

Siunnersuummi peqqissutsimik paasinninneq sullivinni avatangiisinut tunngatillugu ajutoortoqarsinnaanera aamma inuussutissarsiornermi nappaatit nalinginnaasumik paasillugit nammineq timikkut anersaakkullu peqqissutsip akornuserneqaatigisinnasaanut illersuinermik aaqqissuussisoqassasoq.

Kiisalu siunnersuummi suliniutinik ingerlatsinermi avatangiisinik mianerinninnissaq ilaavoq, kiisalu nalinginnaasumik avatangiisinik mianerinninneq inunnut, uumasunut, naasunut aamma pinngortitamut atatillugu, siunnersuut naapertorlugu suliniutinik ingerlatsinermi.

Pisuussutinik iluaquqteqarnertut isumannaatsutut ilaatigut paasineqassaaq, pisuussutinik pisariaqanngitsumik maangaannartitsinnginnissaq, aamma inuiaqatigiit ungasinnerusoq isigalugu soqtigisaat eqqarsaatigalugit.

Siunnersuut una naapertorlugu suliniutinik ingerlatsinermi inuiaqatigiinni piujuannartitsisumik ingerlatsisoqarnissaa isiginiarneqassaaq. Isumannaarneqassaaq pilersaarusrusiornerup aamma suliniutinik nammineq una siunnersuut naapertorlugu ingerlatsinerup sunniutaasussanik nunamut tamarmut sumiiffimmilu nammineq inuiaqatigiinnut kalaallinut nalilersuilluni ingerlanneqarnissaat. Ilaatigut isiginiarneqassaaq suliniutit siunertarineqanngitsumik pitsaanngitsumilluunniit inuiaqatigiinnut pineqartunut sunniuteqannginnissaat, tamatumani aamma suliffisanut periarfissaasunut atatillugu, inuiaqatigiinni oqimaaqatigiissumik ingerlatsinermut aammalu kulturikkut naleqartitanut atatillugu. Piumasaqaatillu ilanngullugu qularnaassavaa suliniutit imatut pilersaarusrusiorneqartassasut, inuiaqatigiinni ineriartorneq oqimaaqatigiissumik piujuannartitsinermillu tunngavilimmik ingerlanneqarsinnaatillugu, pisariaqartunillu iliuuseqartoqartassaaq inuiaqatigiit inuunerannut pitsaanngitsunik sunniuteqartitsinnginnissaq siunertalarugu.

Immikkoortoq taanna aamma maanna inatsimmut atuuttumut sanilliullugu ilassutaavoq. Aalajangersakkap isumannaassavaa eqqaaneqareersut pissutsit iluaquteqarnissamut akuersissummik tunnusinermi isiginiarneqartarnissaat, aammalu iluanaarutinik avitseqatigiittarnermut isumaqatigiissuteqartoqartarnissaani pissutsit eqqartorneqartut tamamik isiginiarneqartarnissaat.

§ 2-mut

Imm. 1-imut

Aalajangersakkami nalunaarneqarpoq Kalaallit Nunaat nammineerluni oqartussaasoq, iluaqu-teqarsinnaallunilu Kalaallit Nunaanni uumassusillit sananeqaataasigut kingornuttagaasunik isumalluutinik, allanullu pisinnaatitsisinnaalluni katersinissamut iluaquteqarnissamullu, atugassarititaasussanillu aalajangersasinnaallunilu isumaqatigiissusiorsinnaalluni. Nammineersinnaatitaaneq taanna nunarsuarmiut uumassusillit assigiingisitaarnerat pillugu isumaqatigiissutaannut artikeli 3-mut naapertuuppoq. Tassanimi aalajangiunneqarpoq nunarsuatsinni naalagaaffiit peqatigiit angerfigeqatigiinnermut isumaqatigiissutaat naapertorlugu, aammalu nunarsuarmiut eqqartuussiveqarnikkut tunngavigisaat naapertorlugit, naalagaaffiit nammineerluinnarlutik namminneq pisuussutiminnik atuisinnaatitaasut. Kalaallit Nunaanni Namminersorlutik Oqartussat taamaasillutik piginnittuupput iluaquteqarsinnaallutillu uumassusillit sananeqaataasigut kingornuttagaasunik isumalluutinik Kalaallit Nunaanniittunik.

Imm. 2-mut

Aalajangersarneqarpoq siunnersuut aamma aalajangersakkat atugassarititaasut il.il., paasineqassasut atortinneqarlutillu inuiaat kalaallit inuiattut aamma nunap inoqqaavisut nunarsuarmiut inatsisaat naapertorlugit pisinnaatitaaffi tunngavigalugit.

Inuaat kalaallit nunarsuarmiut inatsisaat naapertorlugit (naalagaaffiit innuttanut pisussaaffii) inuiaapput nammineerlutilu aalajangiisinhaassuseqarlutik. Tamannalu ilaatigut tunngaveqarpoq FN-imi angerfigeqatigiissummi artikeli 1, imm. 2 aamma nunarsuarmiut isumaqatigiissutaat ileqqunilu eqqortuutitaat tunngavigalugit.

Inuaat kalaallit inuiattut nunarsuarmiut inatsisaat naapertorlugit inuiaanerat (naalagaaffiit innuttanut pisussaaffii) aamma naalagaaffimmi inatsisinit tunngaveqarpoq. Tamanna toqqaannartumik Namminersorneq pillugu inatsisip aallarniutaani ersippoq:

"Nunat tamat akornanni inatsisit malillugit inuaat kalaallit namminneq aalajangiisinhaassuseqarlutik inuiaanerat akueralugu inatsisip matuma tunngavigai Danmarkip Kalaallit Nunaatalu akornanni peqatigiinnermi naligiimmik ataqqepeqatigiinnerup tatigeqatigiinnerullu siuarsarnissaannik kissaateqarneq. Tamatumunnga naapertuutumik inatsisip matuma tunngavigaa Naalakkersuisut Danmarkimilu naalakkersuisut naligiissutut isumaqatigiissutaat."

Inuaat kalaallit aamma nunarsuarmiut inatsisaat naapertorlugit nunap inoqqaarai.

Nunarsuarmiut sulisoqarnermut kattuffissuanni (ILO), FN-i ataani immikkut soqutigisanut kattuffiusumi ilaatigut suliarineqarsimavoq isumaqatigiissut nr. 169, 28. juni 1989-imeersoq, nunap inoqqaavinut aamma naggueqatigiinnut naalagaaffinni namminersortuni (ILO-p isumaqatigiissutaa) isumaqatigiissut. ILO-mi isumaqatigiissutip atortussanngortillugu akuersissutigineqarneranut atatillugu danskit naalakkersuisui oqaaseqaateqarput, danskit naalakkersuisuisa ilaatigut akuerigaat:

"Kunngeqarfimmi Danmark-imi inuiannik ataasiinnarnik peqarpoq isumaqatigiissutip 169 isumaani pineqartunik. Taakkua tassaapput Kalaallit Nunaanni nunap inoqqaavi, imaluunniit inuit."

Nunarsuarmiut inatsisaanni aammalu naalagaaffiup inatsisaani ersippoq inuaat kalaallit inuiaasut aammalu nunap inoqqaarigai nunarsuarmiut inatsisaat naapertorlugit.

Inuaat kalaallit inuiattut aammalu nunap inoqqaavisut pisinnaatitaapput nammineernissaminnt Kalaallit Nunaatalu pinngortitami pisuussutaanik iluaquteqarnissaminnt, taamalu iluanaarutinik iluaqtissanillu naapertuilluartumik pissarsiassaqarnissaminnt, pinngortitami pisuussutinit iluaquteqarnermi. Pisinnaatitaaffiit taakkua nunarsuarmiut inatsisaasa kinguneraat (folkeretten), tamatumani aamma nunarsuarmiut isumaqatigiissutaasa naalagaaffiillu akornanni ileqqulersuutaasartut.

Namminersorlutik Oqartussat aamma akisussaaffigilernikuvaat uumassusilinnit isumalluutinut aamma uumassusillit sananeqaataasigut kingornuttagaasunik isumalluutinut tunngatillugu suliassaqarfik. Namminersorlutik Oqartussat taamaattumik inatsisiliortuullutillu inatsisinik atuuttitsisuupput. Namminersorlutik Oqartussat taamaasillutik namminersortuupput kisimiillutillu pisinnaatitaallutik Kalaallit Nunaanni uumassusilinnit kingornuttagaasumik isumalluutinik iluaquteqarnissamut, aammalu allanut pisinnaatitsisinnaanermut katsersinissamut iluaquteqarnissamullu, Kalaallit Nunaanni uumassusillit sananeqaataasigut kingornuttagaasunik isumalluutinik, kiisalu aalajangersaasinnaallutillu isumaqatigiissuteqarsinnaallutik atugassarititaasunut tunngatillugu.

Aalajangersagaq siunertaqarpoq qularnaassallugu siunnersuutip aqunneqarnissaa inuiaat kalaallit inuiattut pisinnaatitaaffii nunarsuarmiut inatsisaanni aalajangersagaasut naapertorlugit, tamatumani aamma pisinnaatitaaffit uumassusillit assigiinngisitaarnerat pillugu nunarsuarmiut isumaqatigiissutaanni aamma Nagoyami isumaqatigiissummi aalajangersagaasut naapertorlugit.

§ 3-imut

Imm. 1-imut

Siunnersuut uumassusillit assigiinngisitaarnerat pillugu isumaqatigiissummik Kunngeqarfiup Danmark-ip 1992-imi akuersissutigisaanik, Kalaallit Nunaannut atuuttumik, aallaaveqarpoq. Aalajangersagaq siunertaqarpoq isumannaassallugu inatsit atortinneqassasoq, qanoq paasineqarnissaa nassuarneqartassasoq, atortuusutullu ingerlatsisoqassasoq nunarsuarmiut isumaqatigiissutaat aamma pisussaaffii piffissami matumani imaluunniit siunissami Kalaallit Nunaannut atortuusut atortuulerumaartulluunniit naapertorlugit.

Imm. 2-mut

Aalajangersagaq pisinnaatitsivoq Naalakkersuisut aalajangersaasinnaanerannut atortuutitsisinnaanerannullu nunarsuarmiut isumaqatigiissutaannik, aamma pisussaaffinnik uumassusillit sananeqaataasigut kingornuttagaasunik isumalluutit eqqarsaatigalugit, aamma pissutsinut tamatumunngat tunngatillugu. Aalajangersagaq ivertitaavoq siunertaralugu Naalakkersuisut nalunaarusiornikkut assersuutigalugu nunarsuarmiut uumassusillit assigiinngisitaarnerat pillugu isumaqatigiissutaata tamatumani aamma Nagoyami isumaqatigiissummut ilassutip atortuulersinneqarsinnaanerat siunertaralugu. Kalaallit Nunaata nunarsuarmiut isumaqatigiissutaat Inatsisartunut saqqummiunneqanngitsumik akuersissutigisinnaanngilai.

§ 4-imut

Imm. 1-imut

Aalajangersakkap nalunaarpai siunnersuutip atuuffissai. Siunnersuut atortinnejartussaavoq uumassusillit sananeqaataasigut kingornuttagaaasunik isumalluutinut Kalaallit Nunaanneersunut, isersinnaanermut iluaquteqarsinnaanermulluunniit sumulluunniit, isumalluutinut pineqartunut isersinnaaneq Kalaallit Nunaanni namminermi nunaniluunniit allani pigaluarpat, takuuq imm. 1. nr. 1. Kiisalu siunnersuut atortinnejarpoq Kalaallit Nunaanni uumassusillit sananeqaataasigut kingornuttagaaasunik isumalluutinut nunanit allaneersunut, Kalaallit Nunaanniit pisuunngitsuni, aammalu uumassusillit sananeqaataasigut isumalluutinik nunanit allaneersunik, Kalaallit Nunaanneersuunngitsunik, iluaquteqarnerni, takuuq imm. 1 nr. 2.

Iluaquteqarneq siunnersuutip § 6, imm. 1, nr. 11-iani sunaanersoq nassuiarneqarpoq. Tassanngalu ersippoq iluaquteqarnertut paasineqassasoq ilisimatusarneq imaluunniit ineriertortitsineq uumassusillit sananeqaataasigut kingornuttagaaasunit isumalluutinut imaluunniit biokemiskiusumik katitsigaasut uumassusillit sananeqaataasigut kingornuttagaaasunik isumalluutit, tamatumanilu aamma bioteknologiimik iluaquteqarluni ingerlatsineq. Iluaquteqarnertut aamma paasineqassaaq kingornagut atuineq aningaasarsiutinngortitsinerlu, tamatumani aamma ineriertortitsineq, nioqqutissatut pilerisaarineq aamma nioqqutissianik tuniniaaneq, uumassusillit sananeqaataasigut kingornuttagaaasunik isumalluutinik tunngavilinnik. Kiisalu aamma iluaquteqarneq tassaavoq sunaluunniit ingerlatsineq ilisimatusarnermut, ineriertortitsinermut, iluaquteqarnermut, aningaasarsiutinngortitsinermut, pilerisaarineq tunisaqartarnerlu, tamatumanilu aamma misissuinerit, nalunaarsuineq, tigumiарneq, allanut tunniussineq, pissarsineq, iluaquteqarneq aamma uumassusillit sananeqaataasigut kingornuttagaaasunik annissuineq.

Iluaquteqarneq siammasissumik paasineqassaaq. Aalajangersakkap ataatsimut isigaluni qularnaassavaa periaatsit qanorluunniit ittut, inuup imaluunniit suliffeqarfip uumassusillit sananeqaataasigut kingornuttagaaasunik isumalluutinik pissarsiffigisinnaasai, taakkualuunniit ilaannit, imaluunniit taakkua kingunerisaannik, imaluunniit taakkua inernerisaannik pissarsiffigisinnaasai siunnersummi uani pineqarmata. Siunnersuut naapertorlugu iluaquteqarsinnaanermut akuersissut aamma avammut niueruteqarsinnaanermut akuersissutit atuuppoq, taamaattumillu annissuineq aamma aalajangersakkami tessani pineqarluni.

Siunnersummi aamma ilaavoq naqitsertitat ilisimatusarnermi misissuinernilu naammassisat avammut saqqummiunneqartarneri takusassiissutigineqartarnerilu, uumassusillit sananeqaataasigut kingornuttagaaasunik isumalluutinik, takuuq imm. 1, nr. 3. Aalajangersagaq

siammassissumik oqaasertalersugaavoq, eqqanaarumallugu avammut saqqummiussiarerit tamarmik siunnersuummi pineqarnissaat.

Kisimiilluni piginnittussatut nalunaarsuisitsineq tappiorannartunit pissarsianut tunngasumik pisinnaaffit uumassusillit sananeqaataasigut kingornuttagaaasunik isumalluutinut tunngasut siunnersuummi aamma pineqarput, takuuk imm. 1, nr. 4.

Atuuffissaat taamaallaat uumassusillit sananeqaataasigut kingornuttagaaasunik isumalluutinut katersorneqartunut allatulluunniit Kalaallit Nunaannit pinngorfeqartunut tunngasuunngilaq. Atuuffissaani aamma ilaapput nioqquissiat uumassusillit sananeqaataasigut kingornuttagaaasunik isumalluutiniit iluaquteqarnikkut pilersinneqartut, taakkua ilaat imaluunniit taakkua inernerisaat, takuuk imm. 1 nr. 5.

Imm. 2-mut

Aalajangersakkami siunnersuutip atuuffissaata killilersuutai nassaassaapput. Nalunaarsuutit qaqugukkut atortussaannginnersut pillugu aallaavittut tamakkiisuupput. Naalakkersuisullu ersarinnerusunik aalajangersagaliorsinnaapput siunnersuutip atuuffissaanut tunngatillugu, tamatumani aamma uumassusillit sananeqaataasigut kingornuttagaaasunik isumalluutit suussusiannik tamatumunngalu atatillugu suliniutaasussanik killiliisinnaallutik, takuuk § 4, imm. 3. Siunnersuummi § 6, imm. 2 naapertorlugu Naalakkersuisut ingerlaqqillutik ersarinnerusunik malittarisassaliorsinnaapput siunnersuutip imarisai, taakkua isumaat paasinninnerillu pillugit, tamatumani aamma siunnersuutip uumassusillit sananeqaataasigut kingornuttagaaasunik isumalluutit suunerisa nassuaataat, takuuk § 6, imm. 1, nr. 6, aamma iluaquteqarneq, takuuk § 6, imm. 1, nr. 11. pillugit. Taamaasillutik Naalakkersuisut tassani siunnersuutip atortuuffissaa ersarinnerusumik killilorseorneqarmat.

Siunnersuummi pineqanngillat katsersineq pissarsiornerluunniit uumassusillit sananeqaataasigut kingornuttagaaasunik isumalluutinik nammieq atugassanik imaluunniit nerisassanik imaluunniit Kalaallit Nunaanni nammieq pinnersaatissanik. Atuutinngiffia tunngavoq nerisassanik katersineq, assersuutigalugu naasunik, tamatumani aamma naasunik nerisassanik, naasunik kimilinnik (urt) paarnanillu, katsersorneqartunik nunatsinni nammieq inuussutissatut. Atuutinngiffiani kingullermi assersuutigalugu ilaapput naasut, tamatumani aamma ivikkat aamma naasut sikkersullit nunatsinni pinnersaatissatut nammieq katsersorneqartut. Aalajangersagaq katsersinermut taamaallaat tunnganngilaq, kisiannili aamma uumassusillit sananeqaataasigut kingornuttagaaasunik isumalluutinik atuineq, nerisaqarneq pinnersaasarnerlu.

Inatsisit maanna atuuttut isiginianngilaat atuarfiit amerlasuut katsersisarmata pissarsisarlutillu aamma atuisuullutik uumassusillit sananeqaataasigut kingornuttagaaasunik isumalluutinik, taamaaliortarlutillu atuartitsinerminnut taamaallaat tunngatillugu teknologiskiusumik

atuinissamik siunertaqanngitsumik. Siunnersummi atuartitsinermut tunngatillugu atuisarneq ilaatinneqanngilaq, tamatumani assersuutigalugu meeqqat atuarfiani, inuuusuttuaqqanut atuarfinni, GU-mi, ilinniarfissuarmi, efterskoleni allanilu uumassusillit sananeqaataasigut kingornuttagaaasunik isumalluutinik ilinniartitsinermi atuisarneq. Siunnersummi siunertaavoq piuminarnerulissasoq uumassusillit sananeqaataasigut kingornuttagaaasunik isumalluutinik katsersisarneq ilinniartitsinermut atatillugu, tamanna siunnersummi aalajangersakkani ilaannngimmat. Ilisimatusarfifit ilinniarfissuillu qaffasinnerusut allat atuutinngiffiani ilaannngillat, taamaattut atuartitsinerunngitsunik suliniutinilli allanik ingerlatsisarmata.

Imm. 3-mut

Aalajangersagaq naapertorlugu Naalakkersuisut ersarinnerusunik siunnersuutip atuuffissaanut tunngatillugu aalajangersagaliorsinnaapput. Assersuutigalugu Naalakkersuisut aalajangersagaliorsinnaapput siunnersuut atortuutinnejassanngitsoq uumassusillit sananeqaataasigut kingornuttagaaasunik isumalluutinut aalajangersimasumik tikkuarneqartunut imaluunniit suliniutinut aalajangersimasunut sammisuusunut. Pissusissamisoornerusutut nalilerneqarpoq killilersuinerit taamaattut nalunaarutikkut suliarineqarnissaat, inatsimmi aalajangersarnagit.

§ 5-imut

Imm. 1-imut

Aalajangersarneqarpoq Inatsisartut inatsisaata aalajangersagai uumassusillit sananeqaataasigut kingornuttagaaasunik isumalluutinut tunngatillugu, taakkualu iluaqtigineqarternerannut tunngatillugu aamma atortuutinnejassasut ilisimasanut qangarnitsanut uumassusillit sananeqaataasigut kingornuttagaaasunik isumalluutinut taakkua iluaqtigineqarternerannut aamma tunngatillugu. Ilisimasat qangarnitsat imaqarput nunap inoqqaavinit aamma sumiiffinni inuiaqatigiinni ilisimasanik, uumassusillit sananeqaataasigut kingornuttagaaasunik isumalluutinik iluaquteqarnermut atatillugu. Uumassusillit sananeqaataasigut kingornuttagaaasunik isumalluutinik iluaquteqarneq, ilaannikkut tunngaveqartassaaq ilisimasanik pisuussutit pineqartut piginnaanerinut tunngatillugu, nunap inoqqaavinit imaluunniit sumiiffinni inuiaqatigiinnit pigineqartunit, taakkua nammineq naasunik uumasunillu avatangiisiminni nassaassaasunik iluaquteqartuarsimanerannit katsersaasunit.

Uumassusillit sananeqaataasigut kingornuttagaaasunut isumalluutinut tunngatillugu aalajangersakkat taamaasillutik assigisaanik ilisimasanik qangarnitsanik iluaquteqarnermut atatillugu naleqqussartariaqartassapput, aamma taamaattuni ilisimasanut tunngatillugu pissutsinik aallaaviusunik iluaquteqarnissamut atatillugu.

Akuersissummik pigisaqartoq uumassusillit sananeqaataasigut kingornuttagaaunik isumalluutinik iluaquteqarnermut atatillugu suliniutinik ingerlatsisusoq misissuisariaqarpoq nalilersuillunilu ilisimasanik qangarnitsanik naleqquttunik peqartoqarnersoq, aammalu qanoq iliornikkut ilisimasat qangarnitsat pineqartut uumassusillit sananeqaataasigut kingornuttagaaunik isumalluutinut iluaqutigineqarsinnaanersut.

Aalajangersagaq taanna ilaatigut tunngaveqarpoq Nagoyami isumaqatigiisummi artikeli 7-ip piviusunngortinniarneranik. Aalajangersagaq taanna eqqaaneqartoq, Nagoyami isumaqatigiisummiittooq aalajangiussivoq "nunami namminermi inatsisilornermut naapertuutumik illuatungeriit pineqartut ataasiakkaarlutik pisariaqartitaminnik aalajangersaasassapput, qularnaarniarlugu ilisimasanut qangarnitsanut uumassusillit sananeqaataasigut kingornuttagaaunik isumalluutinut atatillugu qanoq attaveqarsinnaanerlutik, nunap inoqqaavinit aammalu sumiiffinni inuiaqatigiinnit pigineqartunut, siumoortumik peqataanissamut akuersisitsereernikkut, imaluunnit akuerisaasumik nunap inoqqaavinit sumiiffinnilu inuiaqatigiinnit, kiisalu illugiilluni atugassaritaasussanik isumaqatigiissuteqareernikkut pisartussanik".

Imm. 2-mut

Ingerlaqqilluni aalajangiunneqarpoq Naalakkersuisut ersarinnerusunik aalajangersagaliorsinnaasut assigisaanik siunnersummi aalajangersakkat atortinneqarsinnaanerannut, uumassusillit sananeqaataasigut kingornuttagaaunik isumalluutinut atatillugu ilisimasanik qangarnitsanik atuinermi, taamaattullu iluaqutigineqarneranni, tamatumani aamma ilisimasat qangarnitsat qanoq paasineqarnissaat uumassusillit sananeqaataasigut kingornuttagaaunik isumalluutinut atatillugu pillugit. Naalakkersuisut aalajangersagaliornerat taaguutit pineqartut taakkua marluk pillugit pissaaq uumassusillit assigiinngisitaarnerat pillugu nunarsuarmiut isumaqatigiissutaanni aamma Nagoyami isumaqatigiisummi taakkua qanoq paasineqartarnerat pillugu paasinninnernik tunngaveqartumik.

§ 6-mut

Imm. 1-imut

1) Atortussiassap ilaa avissaartoq

Taaguut "atortussiassap ilaa avissaartoq" imaqarpoq pissusissamisoortunik sananeqaatinik attavinnik biokemiskiusunik, tassaasut pinngoqqaatit imaluunniit uumassusillit sananeqaataasigut kingornuttagaaunik isumalluutit ersiutaat imaluunniit atortussiassap ilaa avissaartoq, naak taanna nammineq kingornuttagaaunik inerissimasunik

atortorissaaruteqannngikkaluartoq. Siunnersummi suussusaanut isumasiutaa atortussiassap ilaanut avissaartumut tunngasup assigaa Nagoyami isumaqatigiissummut ilassummi artikeli 2-e.

2) Uumassusillit assigiinngisitaarnerat pillugu isumaqatigiissut

Nunarsuarmiut uumassusillit assigiinngisitaarnerat pillugu isumaqatigiissutaannut, naalisaalluni taaguutaasumut nunarsuarmiut isumaqatigiissutaannut 5. juni 1992-imeersumut uumassusillit amerlalluinnassusiit pillugu. Nunarsuarmiut isumaqatigiissutaat taanna uani siunnersummi tunngaviusut ilagaat. Nunarsuarmiut isumaqatigiissutaat 1992-imi atortuulerpoq. Taamanimiilli taava isumaqatigiissummut ilassutitut isumaqatigiissuteqartoqartarpooq, tamatumani ilaatigut Nagoyami isumaqatigiissummut ilassut. Kunngeqarfip Danmark-ip piffissami matumani suli Nagoyami isumaqatigiissummut ilassut akuersissutigisimanngilaa Kalaallit Nunaannut atortuusussatut.

Siunnersummi § 3-mi isiginiarneqarput siunissami ilassutaasinnaasut allannguutaasinnaasullu, Kalaallit Nunaannut atortussanngortinneqartussat, siunnersuutillu siunertaanut tunngasuusut. Ilaatigut pineqartoq tassaasinnaavoq Kunngeqarfip Danmark-ip Nagoyami isumaqatigiissummut ilassummik Kalaallit Nunaannut atortuulersitsinera.

3) Uumassusillit isumalluutit

Taaguummi "uumassusillit isumalluutit" ilaavoq uumassusillit sananeqaataasigut kingornuttagaaunik isumalluutit, pinngoqqaatit imaluunniit taamaattut ilaat, uumasut imaluunniit suulluunniit pinngortitami ataqtigiainnermi ilaasut, iluaqtigineqarsinnaasullu, imaluunniit inuiassuarnut maanna siunissamiluunniit iluaqtinngorsinnaasut. Taakkua tassaasinnaapput pineqartut isseri, ensym-it, DNA, bioaktive molekyl-it bakterianit, svampe-nit, imaani uumassusilinnit aamma invertebrat-it naasullu. Taaguutit nassuaatillu suussusilerissutit taakkua uumassusillit assigiinngisitaarnerat pillugu isumaqatigiissummi artikeli 2-mit tunngaveqarput.

Pisuussutinut uumassusilinnut aamma ilaapput taakkua immikkualuttortaat taakkunaniillu pisut atortussiassat.

4) Uumassusilinnut tunngasumik teknologi

Taaguummi "bioteknologi"-mi ilaapput teknologi iluaqtigalugu uumassusilinnik, taakkunangaluunniit pisunik iluaquteqarnerit tamarmik, nioqquissiorniarluni, imaluunniit nioqquissianik allannguiniarluni, imaluunniit periaatsinik aaqqissuussinernut aalajangersimasunut atuiniarluni. Siunnersummi suussusileraluni nassuaatip assigaa uumassusillit assigiinngisitaarnerat pillugu isumaqatigiissummi artikeli 2, aamma Nagoyami isumaqatigiissummut ilassummi artikeli 2, litra d.

5) Atortussiassaasinhaasoq uumassusillit sananeqaataat

Taaguut "uumassusilinnit atortussiat"-ni ilaapput suulluunniit atortussat naasunit, uumasunit, uumasuaqqanit imaluunniit kingornussisartuusimasunut ilaasut atorsinnaasut.

Kingornussisartunik atorsinnaasunik oqarnermi pineqarput geni-t.

Siunnersummi suussusilersuinerup assigaa uumassusillit assigiinngisitaarnerat pillugu nunarsuarmiut isumaqatigiissutaanni artikeli 2.

6) Uumassusillit sananeqaataasigut kingornuttagaaasunik isumalluutit

Taaguut "uumassusillit sananeqaataasigut kingornuttagaaasunik isumalluutit"-ni ilaapput uumassusillit sananeqaataasigut kingornuttagaaasunik isumalluutit maanna tigumiatt imaluunniit naleqarsinnaasut. Siunnersummi taaguutit atorneqartut uumassusillit assigiinngisitaarnerat pillugu isumaqatigiissummi artikeli 2-mi taaguutit assigaat. Taamalu tamanna isumaqarpoq uumassusillit isumalluutit, pisariaqartinneqartut imaluunniit atorneqartut atortussiassaasinnaanertik tunngavigalugu, piginnaanitilli allat pissutiginagit. Taamaasillu nioqqutissat imaluunniit inuunermi atortussat pineqanngillat.

Ingerlaqqilluni aamma nalunaarneqarpoq uumassusillit sananeqaataasigut kingornuttagaaasunik isumalluutinut aamma ilaasut atortussiassap ilaa avissaartoq aammalu patogen-it. Erseqqissaaniarlunilu ilassutigineqarpoq taakkua uumassusillit sananeqaataasigut kingornuttagaaasunut ilaasutut isigineqartut, tamannaluunniit nalorninaateqarsinnaagaluarpat, uumassusillit assigiinngisitaarnerat pillugu nunarsuarmiut isumaqatigiissutaanni artikeli 2 naapertorlugu.

Naalagaaffit uumassusillit assigiinngisitaarnerat pillugu isumaqatigiissummi ilaasut aappassaanik ataatsimeersuaqatigiinnerminni aalajangerput nunarsuarmiut isumaqatigiissutaanni inuit sananeqaataat ilaangitsut. Taamaasilluni Nagoyami isumaqatigiissummut ilassut aamma inuit sananeqaataannut tunngasuni atortuunngilaq. Siunnersummilu suussusilersuilluni taaguutit uumassusillit sananeqaataasigut kingornuttagaaasunik isumalluutinut tunngasut inuit sananeqaataannut tunngasuni atortinneqanngilaq.

7) Pissarsianut tappiorannartunut pisinnaatitaaffiit

Suussusilersuinermut taaguummi "pissarsianut tappiorannartunut pisinnaatitaaffiit" aamma ilaapput nassaat tamarmik, ineriertortitsinerit pitsangorsaatilluunniit (taamaattut piginnittutuaasussatut allagarserneqarsimappata / simanngikkaluarpataluunniit), piginnittuuneq imaluunniit piginnittuunissamut qinnuteqaat, niuernermi isortugaatit, ilisimasat (taamaattut piginnittutuaasussatut allagarserneqarsimappata / simanngikkaluarpataluunniit), naasunik ineritsisartup pisinnaatitaaffii, pilersinnejqarsimasut imaluunniit

pissarsiarineqarsimasut, imaluunniit pilersinnejalersut, pissarsiarineqalersut, biologisk-iustumik ilisimatusarnerup kingunerisaanik.

8) Nagoyami isumaqatigiissummut ilassut

Siunnersuummi Nagoyami isumaqatigiissummut ilassummut innersuussisoqarpoq, taannalu tassaavoq naalisaalluni taaguut Nagoyami isumaqatigiissummut ilassummut uumassusillit sananeqaataasigut kingornuttagaasunut isumalluutinut ornigussinnaanermut, kiisalu naammaginartumik naapertuuttumillu iluaqtissanik agguassisarnermut, iluaquteqarnermit pisunut, pisuussutinut taakkununnga atatillugu uumassusillit amerlalluinnassusiat pillugu isumaqatigiissut 29. oktober 2010 isumaqatigiissutigineqartoq tunngavigalugu.

9) Patogen-it

Taaguut "patogener" taaguutaavoq uumassusilinnut tamanut nappaammik imaluunniit tunillannartumik inunnut, uumasunut, naasunut imaluunniit uumassusilinnut allanut, tamatumani aamma assersuutigalugu nuallummik "influenzavirus"-imik pilersitsisinnaasut.

10) Uumassusillit sananeqaataasigut kingornuttagaasunik isumalluutinik iluaquteqarnikkut iluanaarutit

Taaguummi "uumassusillit sananeqaataasigut kingornuttagaasunik isumalluutinit iluanaarutit" ilaapput iluanaarutit tamarmik, tamatumani aamma aningaasatigut aammalu aningasaanngitsutigut iluaqtissarsiat, uumassusillit sananeqaataasigut kingornuttakkanik iluaquteqarnernut atatillugu.

11) Uumassusillit sananeqaataasigut kingornuttagaasunik isumalluutinik iluaquteqarneq

Taaguummi "uumassusillit sananeqaataasigut kingornuttakkanik isumalluutinik iluaquteqarneq" ilaapput ilisimatusarnikkut ingerlatsineq ineriartortitsinerlu, uumassusillit sananeqaataannut tunngasoq imaluunniit uumassusillit sananeqaataasigut kingornuttagaasunik isumalluutinik biokemisk-iustumik kositserineq, tamatumani aamma bioteknologi iluaqtigalugu ingerlanneqartoq. Taaguutip taassuma assigaa Nagoyami isumaqatigiissummut ilassummi artikeli 2, litra c. Ingerlaqqilluni siunnersuummut taaguummi ilaavoq "uumassusillit sananeqaataasigut kingornuttagaasunik isumalluutinik iluaquteqarneq", tassanilu taaguummi aamma ilaapput kingornatigut aningaasarsiuutinngortitsineq, aamma ineriartortitsineq, pilerisaarineq nioqqutissianillu tunisisarneq, uumassusillit sananeqaataasigut kingornuttagaasunit isumalluutinut pisoq. Suussusilersuinerup tamatuma annertunerusutigut assigaa "atuineq" pillugu taaguut, uumassusillit sananeqaataasigut kingoOrnuttagaasunik isumalluutinik § 2, nr. 1-imi pineqartoq, danskit inatsisaanni nr. 1375

ulloq 23. december 2012, iluanaarutinik avitseqatigiittarneq uumassusillit sananeqaataasigut kingornuttaagaasunit isumalluutinit pisoq eqqarsaatigalugu.

Siunnersuummi taaguummi ilanngullugu nalunaarneqarpoq iluaquteqarnermi ilaasut suliniutit ilisimatusarnermut ineriertortitsinermullu tunngasut, uumassusillit sananeqaataasigut kingornuttaagaasunik iluaquteqarnermik ingerlatsinermi sumiluunniit, aamma atuinermi, aningaasarsiornikkut iluanaaruteqarniarnermi, pilerisaarinermi aamma nioqqutissianik tuniniaanermi, tamatumani aamma katersinermi, misissuinermi, nalunaarsuinermi, toqqortarinninnermi, pissarsinermi, iluaquteqarnermi atuinermilu uumassusillit sananeqaataasigut kingornuttaagaasunik. Tamanna siammasissumik paasineqassaaq. Aalajangersakkap qularnaassavaa periaatsit tamarmik inuup imaluunniit suliffeqarfiup uumassusillit sananeqaataasigut kingornuttaagaasunik isumalluutinik pissarsisinnaaneri, Kalaallit Nunaanni imaluunniit Kalaallit Nunaanneersunik, taamaattut ilaannik imaluunniit akuisa ilaannik, ataatsimut isigaluni taaguummi pineqartumi ilaasut. Soorluli eqqaaneqareersoq iluaqateqarnermik oqarnerup taaguutaanut ilaavoq uumassusillit sananeqaataasigut kingornuttaagaasunik isumalluutinik Kalaallit Nunaanniit annissuineq. Siunnersuut naapertorlugu iluaquteqarsinnaanermut akuersissut aamma avammut niueruteqarsinnaanermut akuersissuttaavoq.

Imm. 2-mut

Aalajangersakkap imm. 2-ani aalajangiunneqarpoq Naalakkersuisut pisinnaatinneqartut ersarinnerusunik maleruagassiornissaminnut taaguutit imm. 1-imi pineqartut qanoq paasineqarnissaat pillugit.

§ 7-mut

Imm. 1-imut

Siunnersuut naapertorlugu suliniutinut ingerlanneqartarumaartunut tunngaviusoq tassaavoq suliniutit pineqartut taamaallaat ingerlanneqarsinnaasut Naalakkersuisunit iluaquteqarsinnaanermut akuersissut nalunaarutigineqartoq naapertorlugu, imaluunniit iluanaarutinik avitseqatigiittarnermut Naalakkersuisunut isumaqatigiissut naapertorlugu.

Imm. 2-mut

Suliniutit taamaattut, Kalaallit Nunaanni nunaniluunniit allani uumassusillit sananeqaataasigut kingornuttaagaasunik isumalluutinik iluaquteqarneq, taamatullu iluanaarutinik avitseqatigiittarneq, tamatumani aamma aningaasatigut aningaasarsiornernerungitsutigullu iluaqutissarsiat, Kalaallit Nunaanni imaluunniit nunani allani uumassusillit sananeqaataasigut kingornuttaagaasunik isumalluutinik Kalaallit Nunaanneersunik iluaquteqarnermi.

Siunnersuutip §§-iisa 9-ip aamma 11-ip kingunerissavaat, Kalaallit Nunaanni nunaniluunniit allani uumassusillit sananeqaataasigut kingornuttagaaasunik isumalluutinik Kalaallit Nunaanneersunik iluaquteqarneq, taamaallaat pisinnaasoq iluaquteqarnissamut akuersissut aammalu iluanaarutinik avitseqatigiittarnissamut isumaqatigiissutaasoq naapertorlugit. Kiisalu siunnersuummi § 11-imi imm. 5-i naapertorlugu Naalakkersuisut aalajangersagaliorssinnaapput aalajangiisinnallutillu illuatungiusoq uumassusillit sananeqaataasigut kingornuttagaaasunik iluaquteqartoq imaluunniit iluaquteqarsimasoq, Kalaallit Nunaanni nunaniluunniit allani tamatumunnga akuersissutitaqanngitsumik, Naalakkersuisunut iluanaarutinik avitseqatigiittarnermut isumaqatigiissusiuussasoq, taannalu eqqortissagaa.

Imm. 3-mut

Imm. 3-imi aamma 4-mi aalajangersakkat assigisaanik imm. 1-imi aamma 2-mi aalajangersakkat atortinneqassapput Kalaallit Nunaanni nunaniluunniit allani uumassusillit sananeqaataasigut kingornuttagaaasunik isumalluutinik Kalaallit Nunaanneersunik iluaquteqarnerni. Imm. 3-mi aamma 4-mi aalajangersakkat atortinneqassapput uumassusillit sananeqaataasigut kingornuttagaaasunut isumalluutinut nunat allaneersunut Kalaallit Nunaanni iluaquteqarnerni. Tunngaviatigut §§-it 10 aamma 12-imi aalajangersakkat kinguneraat naalagaaffimmit allameersunik uumassusillit sananeqaataasigut kingornuttagaaasunik isumalluutinik Kalaallit Nunaanni iluaquteqarneq taamaallaat pisinnaasoq, iluaquteqarsinnaanermut akuersissut aamma iluanaarutinit avitseqatigiittarnermut isumaqatigiissut naapertorlugit, tamatumunnga atatillugu piumasaqaataasut nunami allami atuuttut malinnejqarsimappata.

Imm. 4-mut

Iluanaarutiniilli avitseqatigiittarnermut isumaqatigiissummut tunngatillugu piumasaqaataavoq Naalakkersuisut tamatumunnga aalajangersaasimanissaat, imaluunniit aalajangiinissaat illuatungiusoq uumassusillit sananeqaataasigut kingornuttagaaasunik isumalluutinik iluaquteqarnissamut atatillugu illuatungiusup nunamut allamut iluanaarutinik avitseqatigiittarnermut isumaqatigiissusiosimanissaanik.

Imm. 5-imut

Aalajangersakkap Naalakkersuisut pisinnaatippai malittarisassiorissaannut imm. 1-4 aammalu imm. 1-imiit 4-mi pissutsinut atuuttussanik. Assersuutitut eqqaaneqarpoq Naalakkersuisut ileqqussanik aalajangersaasinnaasut digitaliusumik aaqqissuussineq, nalunaarusiortarnermi, misissuisarnermi, nakkutiliinermi aamma imm. 1-imiit 4-mut Kalaallit Nunaanni nunanilu allani atortuutitsinernut atatillugu.

§ 8-mut

Nagoyami isumaqatigiissut aalajangersakkanik arlaqartunik imaqarpoq, uumassusillit sananeqaataasigut kingornuttagaasunik isumalluutit nunami piarneqarfianni inatsisit unioqqutillugit iluaqutigineqassanngitsut pillugu.

Siunnersumi § 8 ilaatigut siunertaqarpoq qularnaassallugu Kalaallit Nunaanni inatsisiliornerup Nagoyami isumaqatigiissummi nuanut atuisunut malittarisassanut tunngasumik piumasarineqartunut naapertuuttuunissa, taamalu Kalaallit Nunaata Nagoyami isumaqatigiissut siunissami akuersissutigisinnaassammagu.

§ 8-mi aalajangersakkap tunngaviatigut assigai danskit inatsisaanni nr. 1375-imi 23. december 2012-imeersumi §§-it 3-miit 5-imut uumassusillit sananeqaataasigut kingornuttagaasunik isumalluutinik iluaquteqarnermit iluanaarutinik avitseqatigiitarneq pillugu aalajangersakkat.

Imm. 1-imut

Imm. 1-imu aalajangiunneqarpoq uumassusillit sananeqaataasigut kingornuttagaasunik isumalluutit inatsisini uumassusillit sananeqaataasigut isumalluutinut tunngatillugu aalajangersakkat unioqqutillugit pissarsiarineqarsimasut nunamit pinngorfimminniit Kalaallit Nunaanni iluaqutigineqarsinnaanngitsut. Aalajangersakkap taassuma Nagoyami isumaqatigiissummi piumasaqaataasut naammassivai. Piumasaqaat pingarnertut isumaqatigiissummi artikeli 15-imi ersippoq. Aalajangiunneqarpoq illuatungeriit qularnaassagaat nuanit pisuussutit taakkua pinngorfianni piumasaqaataasut eqortinneqarnissaat.

Aalajangersakkamik pilersitsinikkut inerteqqutaavoq uumassusillit sananeqaataasigut kingornuttagaasunik isumalluutit, nunani pinngorfianni inatsisit atuuttut unioqqutillugit pissarsiarineqarsimasut Kalaallit Nunaanni iluaqutigineqarsinnaanerat, Kalaallit Nunaanni inatsisitigut atortitsineq nuanut pisuussutinik pineqartunik aallerfiusartuni inatsisinut naapertuutumik aaqqissuunneqassapput.

Imm 2-mut

Aalajangiunneqarpoq imm. 1-imi aalajangersagaq taamaallaat atortuusoq nunani uumassusillit sananeqaataasigut kingornuttagaasunik isumalluutinik tunisaqartartuni, Nagoyami isumaqatigiissummut ilassut naapertorlugu ingerlatsisunut, aammalu inatsisiliorsimasunut Nagoyami isumaqatigiissummut ilassummi artikeli 6 naapertorlugu uumassusillit sananeqaataasigut kingornuttagaasunik isumalluutinik iluaquteqarsinnaanermut tunngatillugu.

Imm. 3-mut

Uumassusillit sananeqaataasigut kingornuttagaasunik isumalluutinik iluaquteqarneq ilaatigut tunngaveqartassaaq pisuussutit pineqartut piginnaanerinik ilisimasat tunngavigalugit, nunat

inoqqaavisa sumiiffinnilu assigiinngitsuni inuiaqatigiit pigisaat tunngavigalugit, naasunik aamma uumasunik avatangiisiminni iluaquteqarnermikkut kingornuttarsimasaaminnek. Ilisimasat tamakkua Nagoyami isumaqatigiissummut ilassutip uumassusillit sananeqaataasigut kingornuttagaaasunik isumalluutinut atasumik qangaaniilli pisarneq malillugu iluaquteqarnermut ilisimasatut taaneqarpoq. Nagoyami isumaqatigiissummut ilassummi taaguut nunap inoqqaavi atorneqarpoq, aamma sumiiffinni inuiaqatigiinnut atatillugu, pisinnaatitaaffinnik pigisaqartut nunap inoqqaavini pigisatut, soorluli Naalagaaffiit Peqatigiit - FN-ip nunap inoqqaavisa pisinnaatitaaffii pillugit isumaqatigiissutaani aalajangiussaq 61/295 naapertorlugu. Naalagaaffiit Peqatigiit Nalunaarutaat Nunap Inoqqaavisa Pisinnaatitaaffii Pillugit.

Nagoyami isumaqatigiissummut ilassut imaqarpoq aalajangersakkanik nunap inoqqaavisa sumiiffinnilu inuit najugaqartut ileqqutoqqat tunngavigalugit uumassusillit sananeqaataasigut kingornuttagaaasunik isumalluutinut ilisimasaannik illersuinermut atatillugu. Imm. 3-mi aalajangersagaq tamatuma assigisaanik tarrasuutaavoq nunap inoqqaavisa inuillu summiiffinni aalajangersimasuni najugaqartut pisinnaatitaaffiinik, nassaassaasut nunat inoqqaavisa nunaanni angerlarsimaffigisaanni pillugit, Nagoyami isumaqatigiissummut ilassummi artikeli 16-imni piumasarineqartutut. Taamaasillunilu inerteqqutaasut unioqqutinneqarsimanersut pillugit apeqqummi aalajangiisuussaaq inatsisiliortoqarsimanersoq, qangaaniilli ilisimasatoqqat pinngorfiini, pisussaaffiliisumik nunap inoqqaavisa ilisimasaannik pissarsiortunut qanoq ittunik pisussaaffiliisoqarnersoq pillugu. Aalajangersakkap qularnaassavaa inuiaat taakkua (nunap inoqqaavi) isumaqatigiissuteqarfingineqassasut, ilisimasaasa iluaqutigineqarnissaat pillugu, ilisimasallu taamaattut iluaqutigineqarnerisigut pissarsiani iluanaarutaasunik avitseqatigiinnissamut isumaqatigiissuteqartoqartarnissaa.

Uumassusillit assigiinngisitaernerat pillugu isumaqatigiissut imaqarpoq artikeli 8-mi pisussaaffimmik illuatungeriit isumaqatigiissuteqartut nunap inoqqaavisa aamma sumiiffinni najugaqartut mianerineqarnissaat pillugu. Illuatungeriit pisussaapput sapinngisamik annertunerpaamik ataqqissallugit, attatiinnassallugit aamma ilisimasat pigiinnarneqarsinnaanerat aqqtissiuutissallugu, ineriartortitsissallutik ileqqunik inuit sumiiffinni najugaqarfingisaanni, inooriaasitoqqanik atuineq ileqqoqarnerlu eqqarsaatigalugit, tamakkua avatangiisink piujuannartitsinermut aamma uumassusillit assigiinngisitaernerat amerlalluinnassusiallu eqqarsaatigalugit. Illuatungeriit piginnaanerit taamaattut siuarsassallugillu ineriartortissavaat, ilisimasallu annertunerusumik iluaqutigineqarnissaat aqqtissiuutissallugu, piginnaanernik akuerinninnikkut pigisaqartunillu peqataatisinertigut, aqqtissiuussissallutillu pisuussutit tamakkua assigiimmik naapertuilluartumillu agguanneqartarnissaannut, ilisimasat pigisat tunngavigalugit pisuussutinik iluaquteqarneri, ineriartortitsinerni aamma ingerlatsinerni. Siunnersuut nunap inoqqaavinut sumiiffinnilu najugaqartunut innersuussisuuvooq, ilisimasatoqqallu tamatumunnga atasumik paasineqarnissaannut.

Imm. 4-mut

Aalajangersakkami aalajangiunneqarpoq imm. 3 taamaallaat atortinneqassasoq Nagoyami isumaqtigii summut peqataasunut, isumaqtigii summut ilaliussami artikeli 7-imni aalajangersakkat naapertorlugit inatsisiliorsimasunut.

Imm. 5-imut

Aalajangersagaq ilaatigut periarfissiivoq piumasaqaateqarnissamut, suliffeqarfii, ingerlatsiviit, ilisimatuut allallu uumassusillit sananeqaataasigut kingornuttagaa sunik isumalluutinik iluaquteqartut aaqqissuussissasut periaatsinik aalajangersimasunik ileqqunillu isumannaarisunik inuussutissarsiornermi pisuussutinik iluaquteqarneq nunami aggerfiusumi aalajangersakkanut naapertuuttumik ingerlanneqassasoq. Taamaasilluni mianersuussassanut tunngasunik piumasaqaasiortoqarsinnaavoq, tamatumanilu aamma uumassusillit sananeqaataasigut kingornuttagaa sunik isumalluutinik nuussisarnernik ingerlatsinerni maleruagassaqassasoq, nuunneqartut oqaaseqaammik ilaqtinnejartassasut pisuussutit pineqartut inatsisitigut qanoq inisisimana erat eqqarsaatigalugu. Malittarisassallu taamaattut namminneq nakkutilliinissamut pisinnaatitsissutaasinnaapput, nunani aallerfiusuni piumasaqaataasut unioqqutinnejarsimasinnaanerat apeqqutaatinnagu.

Aalajangersakkap Naalakkersuisut pisinnaatippai digitaliusumik attaveqaqtigii nermut maleruagassiornaannut, ileqqussanut periaasisanullu maleruagassiornermut atatillugu. Tamatumuuna isumannaarneqassaaq inatsisitigut uumassusillit sananeqaataasigut kingornuttagaa sunik isumalluutinik iluaquteqarnermi taakkualu nuunneqarneranni paasissutissat paarineqartarnissaat inatsisitigut illersugaasumik, paasissutissat digitaliusumik aaqqissuussaanissaannik piumasaqarluni.

§ 9-mut

Imm. 1-imut

Aalajangersakkami aalajangerneqarpoq Naalakkersuisut atugassarititaasut ersarinnerusut iluanni iluaquteqarnissamut akuersissuteqarsinnaasut, Kalaallit Nunaanni avataaniluunniit, uumassusillit sananeqaataasigut kingornuttagaa sunik isumalluutinik Kalaallit Nunaanneersunik. Iluaquteqarnissamut akuersissut siunnersuut naapertorlugu akuersissutaavoq uumassusillit sananeqaataasigut kingornuttagaa sunik isumalluutinik aningaasarsiutigalugu aamma aningaasarsiutiginagu iluaquteqarnissamut. Kinaluunniit uumassusillit sananeqaataasigut kingornuttagaa sunik isumalluutinik iluaquteqartoq iluaquteqarnissamut akuersissut tunngavigalugu pisinnaatinnejartassaaq.

Iluaquteqarsinnaanermut akuersissut siammasissumik paasineqassaaq, aammalu iluaquteqarnernut qanoluunniit ittunut tunngasuulluni, takuuk § 6, imm. 1, nr. 11, tamatumani aamma uumassusillit sananeqaataasigut kingornuttagaa sunik isumalluutinik

katersinermut kiisalu nioqqutissiornermut, imaluunniit niueruteqarnermut imaluunniit ilisimasanik atortorissaarutinilluunniit - teknologimik - uumassusillit sananeqaataasigut kingornuttaagaasumik isumalluutinit pisumik iluaquteqarnerit.

Aalajangersagaq tunngavigalugu siunnerfiuvoq aaqqissuussaliornissaq uumassusillit sananeqaataasigut kingornuttaagaasunik isumalluutinik iluaquteqarnernut atatillugu, uumassusillit assigiinngisitaarnerat pillugu isumaqatigiisummut aamma Nagoyami isumaqatigiisummut ilassummut aalajangersakkanut naapertuuttunik, uumassusillit sananeqaataasigut kingornuttaagaasunik isumalluutinik iluaquteqartarnernut atatillugu, tamatumani aamma Nagoyami isumaqatigiisummut ilassutip aalajangersagai, "siumoortumik paasissutissinneqareerluni ilaliineq", takuu Nagoyami isumaqatigiisummut ilassummi i artikeli 6, imm. 1. Nagoyami isumaqatigiisummi aalajangersakkami pineqartumi nalunaarneqarpoq:

"Pinngortitami pisuussutinut kisimi oqartussaaffigisani pisinnaatitaaffinnik atuinermi, aamma naalagaaffiup inatsisaani imaluunniit inatsisini piumasaqaataasunut tunngasumik nangaassutit isiginiarlugit, imaluunniit isersinnaanermut inatsisitigut piumasaqaatit isiginiarlugit, aamma iluaquṭissanik agguassisarnermi taamaallaat uumassusillit sananeqaataasigut kingornuttaagaasunik isumalluutinik atuisoqarnissaanut akuersisoqarsinnaavoq iluaquteqarnissamut, pisuussutinik pineqartunik pissarsiniartussaasumit akuersisoqareerneratigut, nunami pisuussutit taakkua pinngorifianni, imaluunniit illuatungiusumit uumassusillit sananeqaataannik kingornuttaagaasunik isumalluutinik taakkunannga pissarsisumut nunarsuarmioqatigiit isumaqatigiisuttaat naapertorlugu, peqataasutut illuatungiusoq pineqartoq allatut aalajangiinngippat".

Aalajangersakkami siunertaavoq pisariitsumik aaqqissuussaasumik pilersitsinissaq, qanoq ilisimatuut, suliffeqarfiiit allallu uumassusillit sananeqaataasigut kingornuttaagaasunik isumalluutinik iluaquteqarsinnaanerat eqqarsaatigalugu. Siunnersummi akuersissut ataasiinnaq pineqarpoq atorneqartussaq uumassusillit sananeqaataasigut kingornuttaagaasunik isumalluutinik iluaquteqarnermi tamani, tamatumani aamma imminut akilersinnaasumik aammal aningaasarsiutaanngitsumik uumassusillit sananeqaataasigut kingornuttaagaasunik isumalluutinik iluaquteqarnerni. Tamatumunngalu ilaatigut pissutaavoq uumassusillit assigiinngisitaarnerat pillugu isumaqatigiisutip aamma Nagoyami isumaqatigiisutip pimmagit ilisimatusarneq aamma iluaquteqarneq, uumassusillit aamma / imaluunniit uumassusillit biokemisk-iusumik katitsikkat, uumassusillit sananeqaataasigut kingornuttaagaasunik isumalluutineersut, soorluttaaq aningaasarsiutaanngitsumik uumassusillit sananeqaataasigut kingornuttaagaasunik isumalluutinik iluaquteqarneq ingerlanneqarsinnaasoq, iluanaarutinik avitseqatigiittarnermut isumaqatigiisuttaasuni aamma aqunneqartariaqartoq.

Uumassusillit sananeqaataasigut kingornuttagaasunik isumalluutinik iluaquteqartarneq aatsitassarsiornermik uuliasiornermillu ingerlatsinermut assersuunneqarsinnaanngilaq. Taamaattumik periarfissaanngilaq aatsitassarsiornermi aaqqissuussinerup atorneqarsinnaanissaa. Uumassusillit sananeqaataasigut kingornuttagaasunik isumalluutinik iluaquteqarnermi taakkua nalingat amerlasuutigut pissarsianut takussaanngitsunut pisinnaatitaaffinnik tunngaveqarajupput, tassa imaappoq, ilisimasassat aamma atortorissaarutit teknologiimiittut ineriartortinneqartut ilisimatusarnermut isumalluutinik misissuinerit piumasaqarput misiligtissanik tigusisarnissanik, tassanilu annertussuseq misiligtissaq pineqartoq amerlasuutigut annikitsuaraasarloq. Tamannalu tamatuma ilutigisaanik isumaqarpoq, uumassusillit sananeqaataasigut kingornuttagaasunik isumalluutinik misissuineq annertunerusumik avatangiisinik sunniisanngitsoq. Misiligtissat katersorneqareeraangata misissuiffissamullu labororiamat ingerlanneqareeraangata, misiligtissat tiguneqarsimasut Kalaallit Nunaanneersuunersut uppernarsassallugu, katersisoqalernerani iluaquteqarnissamut akuersissuteqartoqareersimanngippat, iluanaarutinillu avitseqatigiittarnissamut isumaqatigiissuteqartoqareersimanngippat. Ilisimatoop imaluunniit suliffeqarfik Kalaallit Nunaanni uumassusillit sananeqaataasigut kingornuttagaasunit isumalluutinit iluaquteqarnissamik siunertaqartumik katersisimasoq, aatsitassarsiornermisullu sumiiffimmut uteqqittanngilaq, misiligtissanik amerlanerusunik pissarsiorniarluni. Suliffeqarfik imaluunniit ilisimatoop misiligtissanik nioqqutissiornissamut aningaasarsiutigalugulu iluaquteqarnissamut pisariaqartunik tigusereeraangami Kalaallit Nunaannut uteqqikkajunngilaq, aammaarluni pissarsiorluni.

Imm. 2-mut

Aalajangersakkap nalunaarpaa Naalakkersuisut iluaquteqarnissamut akuersissummi ersarinnerusunik maleruagassiorsinnaasut akuersissummik pigisaqartup uumassusillit sananeqaataasigut kingornuttagaasunik isumalluutinik aningaasarsiutigalugu iluaquteqarsinnaanera pillugu. Tamaattut assersuutigalugu tassaasinnaapput Naalakkersuisunut paassisutissanik nassiusisarnissanut piumasaqaatit, royalty-mik il.il. akiliuteqartarneq pillugit.

Imm. 3-mut

Iluaquteqarnissaq kisermaassinertaqanngitsumik akuersissutigineqartarpoq. Tamatumani pissutaasut arlaqarput, tassani ilaalluni amerlasuutigut misiligtissat annikitsuararsuit pineqartarnerat, aammalu kisermaassinissap ilisimatut suliffeqarfilluunniit allat mattutissammagit uumassusillit sananeqaataasigut kingornuttagaasunik isumalluutit taakorpiaat katersorsinnaanerat.

Imm. 4-mut

Aalajangersakkat nalunaarpaa Naalakkersuisut iluaquteqarsinnaanermut akuersissummi pissutsinut akuersissummut attuumassuteqartunut tamanut aalajangersaasinnaasut.

Naalakkersuisut tamatuma saniatigut atugassarititaasunik killilersuisunik aalajangersaasinnaapput uumassusillit sananeqaataasigut kingornuttakkat suut iluaqutigineqarsinnaasutut katsorsorneqarsinnaanersut, pissarsiarineqarsinnaanersut il.il. eqqarsaatigalugit, tamanna Kalaallit Nunaanni ingerlanneqarpal, akuersissummut piffissaliussat, tamatumanilu aamma allatigut piffissaliussat, assersuutigalugu ilisimatusarnissamut piffissaliussaasinnaasut pillugit. Naalakkersuisut aamma atugassarititaasunik aalalangersaasinnaapput, suliniutit qanoq ittut ingerlatsinermi ilaandersut pillugit, nalunaarusiortarnerup annertussusissaa, tamatumani aamma qanoq akulikitsigisumik qanoq nalunaarut aaqqissuunneqassanersoq pillugit, kiisalu paasissutissanik il.il. Naalakkersuisunut tunniussisarnissat pillugit. Kiisalu aamma Naalakkersuisut akuersissummi atugassarititaasunik aalajangersaasinnaapput, akuersissummik pigisaqartup iluanaaruti8nit avitseqatigiittarnermut isumaqatigiissummik naammassinninnissaa § 11-imut naapertuuttumik pillugu.

Imm. 5-mut

Aalajangersagaq Namminersorlutik Oqartussat akiliuteqartarnermut tunngavoq. Aalajangersakkap oqaasertalerneqarnera "akiliuteqartarneq" nammineq erseqqissaavoq akileraarutinik akiliuteqartarneq pineqanngitsoq. Aalajangersagaq naapertorlugu iluaquteqarnissamut akuersissummi assersuutigalugu atugassarititaasunik aalajangersaasoqarsinnaavoq, akuersissummik pigisaqartoq aningaasanut kaaviiartitanut akiliummik imaluunniit iluanaarutinut akiliummik akiliuteqartassasoq.

Akiliutissat taakkua saniatigut akuersissummik pigisaqartoq akileraartarnermut inatsit atuuttut tunngavigalugit akileraarutinik akiliuteqartassaaq.

Akiliuteqartitsisarnikkut Naalakkersuisut qulakkiissavaat uumassusillit sananeqaataasigut kingornuttagaasunik isumalluutinik atugassiinermikkut inunnut imaluunniit suliffeqarfinnut tamatumannga isertitassaqarnissartik.

Imm. 6-imut

Aalajangersakkap nalunaarpaa Naalakkersuisut ersarinnerusunik atugassarititaasunik aalajangersagaliorsinnaasut, siunnersuut naapertorlugu iluaquteqartarnermut akuersissuteqartarneq pillugu. Tamatumani aamma taassuma imassai qanorlu tunniunneqartassanersoq il.il.

Imm. 7-imut

Aalajangerneqarpoq iluaquteqarnissamut akuersissutit tamaallaat Naalakkersuisut siunnersuuteqarnerisigut akuersissummullu ilassusiinerisigut allanngortinnejarsinnaasut. Illassut akuersissummik allanngortinnejarsinnaasut

nalunaarutigineqarsinnaavoq tamanna pillugu akuersisummit pigisaqartumut isumaqatigiissuteqarsimanikkut.

Imm. 8-iimut

Aalajangersagaq pisinnaatitsivoq Naalakkersuisut aalajangersagaliorsinnaasut atugassaritaasunillu maleruagassiorlutik, ingerlatseqatigiiffik taamaallaat pisinnaatitaaffeqartuusinnaasoq iluaquteqarnissamut akuersissut tunngavigalugu. Naalakkersuisut tamanna ingerlatseqatigiiffik imaluunniit piginneqataassuteqarluni ingerlatseqatigiiffik atorneqassaaq, taannalu Kalaallit Nunaanni angerlarsimaffilitut nalunaarsorneqarsimassalluni. Ingerlatseqatigiiffik malittarisassat atuuttut naapertorlugit Kalaallit Nunaanni inuussutissarsiutinut nalunaarsuisarfimmi - GER-imi nalunaarneqarsimassaaq, kalaallit ingerlatseqatigiiffiattut eqqortumik nalunaarsorneqarsimajumalluni.

Ingerlatseqatigiiffik tamatuma saniatigut taamaallaat suliassanik ingerlatsisinnaavoq iluaquteqarnissamut akuersissut Inatsisartut inatsisaat una naapertorlugu tunniunneqarsimasoq tunngavigalugu, aammalu ingerlatseqatigiiffiit allat ataatsimut akileraaqatigisarsinnaanagit, pinngitsaaliissutaasumik akileraaqatigiiftarnissamut aaqqissuussinerungippat.

Ingerlatseqatigiiffillu una siunnersuut naapertorlugu iluaquteqarsinnaanermut akuersisummit nalunaarfingineqarsinnaassappat, taava ingerlatseqatigiiffiup nammineq aningaasaatini aqutarissavai, akilersuijunnaarsimassananilu imaluunnit akiliisinnaajunnaarsimassanan, tamatumunngaluunniit sanilliunneqarsinnaasumik inisisimassanani.

Piumasaqaatit piffissami iluaquteqarnissamut akuersissuteqarfiusumi tamarmiusumi naammassineqarsimassapput. Akuersisummit pigisaqartoq akilersuijunnaarpat siunnersuut naapertorlugu iluaquteqarsinnaanermut akuersissut utertinneqassaaq. Siunnersuut naapertorlugu periarfissaqanngilaq iluaquteqarsinnaanermut akuersissutip ingerlatseqatigiiffimmut allamut imm. 7-imi piumasaqaatinik naammassinninngitsumut tunniunneqarsinnaanera.

Akuersisummit pigisaqartup pineqartutut ingerlatseqatigiifiunissaanik piumasaqaat aallaavittut atortinneqartussaanngilaq, Naalakkersuisunit allatut aalajangiisoqarsimanngippat. Ilaatigut tamatumani pissutaavoq akuersissuteqarfingineqarsinnaasunut assigiinngitsunut tunngatillugu nalilerneqarmat tamatuma piumasaqaatiginissaa naleqquuttuunngitsoq, imaluunniit piumasaqaat naammassiuminaassinaammat. Tamanna assersuutigalugu atuussinnaavoq ilisimatusarfimmi ilisimatusartunut tunngatillugu, taakkua aningaasaliissutissanik naammattunik ingerlatseqatigiiffimmik imaluunniit piginneqataassuteqarluni ingerlatseqatigiiffimmik kivitsisinnaanngissinnaammata, ingerlatseqatigiiffimmik pilersitsisinnaanatillugu ingerlatsisinnaanngissinnaammata.

Naalakkersuisut pisuni ataasiakkaani nalilertassavaat aalajangertassallugulu piumasaqaateqartoqartariaqarnersoq akuersisummit pigisaqartup kalaallini ingerlaltseqatigiiffiunissa pillugu. Naalakkersuisut pisuni taamaattuni pisortat ingerlatsineranni malittarisassat ileqqullu nalinginnaasut naapertorlugit iliuuseqartassapput.

§ 10-mut

§ 10-mi aalajangersakkat ataatsimut isigaluni § 9-mi aalajangersakkat assigaat. § 9-mi aalajangersakkat atortinneqassapput uumassusillit sananeqaataasigut kingornuttagaaasunik isumalluutnik Kalaallit Nunaanneersunik Kalaallit Nunaanni nunaniluunniit allani iluaquteqarnerni. § 10-mi aalajangersagaq atortinneqassaaq uumassusillit sananeqaataasigut kingornuttagaaasunik isumalluutnik nunamit allameersunik Kalaallit Nunaanni iluaquteqarnermi.

§ 10-ip malitsigissavaa uumassusillit sananeqaataasigut kingornuttagaaasunik isumalluutnik nunanit allaneersunit Kalaallit Nunaanni iluaquteqarneq taamaallaat pisinnaammat iluaquteqarsinnaanermut akuersissut tunngavigalugu, tamanna nunami allami inatsisini piumasaqaataappat. Ingerlaqqilluni aalajangerneqarpoq akuersissut nunamit allamit nalunaarutigineqarsinnaasoq, nuna alla taanna Nagoyami isumaqatigiissummut ilassummi ilaappat. Naalagaaffik alla Nagoyami isumaqatigiissummut ilassummit atsueqataasimanngippat akuersissut Naalakkersuisuniit tunniunneqarsinnaavoq. Taamaattuni Naalakkersuisut malittarisassat tamatumunnga atatillugu pilersinnejqarsimasut naapertorlugit uumassusillit sananeqaataasigut kingornuttagaaasunik isumalluutnik iluaquteqarsinnaanermut akuersissuteqarsinnaapput. Ingerlaqqilluni nalunaarneqarpoq § 9 taava atortuutinnejqassasoq akuersissutinut pineqartunut, taamaattorli akuersissummut atugassarititaasussat § 12 naapertorlugu aaqqissuunneqassasut. Erseqqissarneqarpoq iluaquteqarsinnaanermut akuersissut taamaattoq taamaallaat iluanaarutinik avitseqatigiittarnermut atatillugu akuersissummit pigisaqartut akornanni nunallu allap akornanni pineqarsinnaasoq, nunarsuarmiut isumaqatigiissutaanni pisussaaffiiniluunniit uumassusillit sananeqaataasigut kingornuttagaaasunik isumalluutinut tunngasunik aalajangersagaqanngippat, Kalaallit Nunaanni atortuutinnejqartunik.

§ 11-imut

Imm. 1-imut

Aalajangerneqarpoq Naalakkersuisut iluaquteqarsinnaanermut akuersissummi atugassarititaasunik aalajangersaasinnaasut, akuersissummit pigisaqartoq isumaqatigiissuteqassasoq naammassinnissasorlu iluanaarutinik avitseqatigiittarnermut isumaqatigiissummit Naalakkersuisunut, iluanaarutit avinneqartarnissaannut, tamatumanilu aamma aningaasarsiornikkut aamma aningaasarsiornerunngitsutigut iluaqtissat pillugit,

uumassusillit sananeqaataasigut kingornuttaagaasunik isumalluutinik iluaquteqarnermut atatillugu.

Aalajangersakkami siunnerfiuvoq aaqqissuussinermik eqquassinissaq iluanaarutinik iluaqutissarsianillu avitseqatigiittarnermut, uumassusillit sananeqaataasigut kingornuttaagaasunik isumalluutinik iluaquteqarnermut atatillugu, uumassusillit amerlalluinnassusiat pillugu isumaqatigiisummut aamma Nagoyami isumaqatigiisummut naapertuuttuni, iluanaarutinik avitseqatigiittarneq pillugu.

Uumassusillit assigiinngisitaarnerat pillugu nunarsuarmiut isumaqatigiisutaannut aamma Nagoyami isumaqatigiisummut ilassummut naapertuuttumik uumassusillit sananeqaataasigut kingornuttaagaasunik isumalluutinit iluaquteqarnermi iluanaarutaasut kiisalu kingornatigut iluaquteqarnermit pilerisaarisarnermillu atukkat avinneqartassaput, naammaginartumik naapertuilluartumillu.

Iluanaarutaasut tassaasinnaapput aningaasatigut pissarsiat imaluunniit aningaasaanngitsutigut iluaqutissarsiat. Nagoyami isumaqatigiisummut ilassummut ilanngussami nalunaarsorneqarput aningaasaqarnikkut iluaqutissat aamma aningaasaqarnikkuungitsoq iluaqutissarsiat, taaguummi pineqartut. Nalunaarsuiffik pineqartoq tamakkiisuunngilaq.

Imm. 2-mut

Aalajangersakkap imm. 2-ani atugassarititaasunut iluanaarutinik avitseqatigiittarnermut isumaqatigiisummi akuersissummik pigisaqartup Naalakkersuisullu akornanni atugassarititaasinnaasunik assersuuteqartoqarpoq. Naalakkersuisut iluanaarutinik avitseqatigiittarnermut isumaqatigiisummi atugassarititaasunik ersarinnerusunik aalajangersaasinnaapput, akuersissummik pigisaqartup aammalu Naalakkersuisut pisinnaatitaaffii pilligit, uumassusillit sananeqaataasigut kingornuttaagaasunik isumalluutinik iluaquteqarnermut tunngatillugu, taakkua immikkualuttortaannut aammalu naammassisanut taakkunaninngaaneersunut tunngatillugu. Kiisalu aamma Naalakkersuisut iluanaarutinik piginnittooqataanissaannut aalajangersagaliorssinnaapput, imaluunniit pisinnaatitaaffinnik allanik aalajangersaasinnaallutik, imaluunniit pissarsianut takussaanngitsunut allanut atatillugu, uumassusillit sananeqaataasigut kingornuttaagaasunik isumalluutinik iluaquteqarnermut atatillugu, taakkua ilaannik imaluunniit naammassisanut pineqartunik aallaaveqartunut atatillugu, kiisalu pisinnaatitaaffinnik tunisisarnerni aamma akiiliuteqartarnernut, tunisinernut aamma atuisinnaanerup allamut tunniussinnaaneranut il.il., piginnittutuaanermut pisinnaatitaaffinnut aammalu pissarsianut takussaanngitsunut pisinnaatitaaffinnut atatillugu.

Imm. 3-mut

Aalajangersarneqarpoq iluanaarutinik avitseqatigiittarnermut isumaqatigiisut aqunneqarlunilu siunnersuummi aalajangersakkanut, akuersissummi atugassarititaasunut,

siunnersummik tunngaveqartumik aalajangersakkanut, nunarsuarmiut isumaqatigiissutaannut pisussaaffinnullu naapertuuttuussasoq.

Imm. 4-mut

Ataatsimut Naalakkersuisunut pisinnaatitaaffiliisoqarpoq ersarinnerusunik aalajangersagaliornissanut, pissutsinut naleqquttunut tamanut tunngatillugu, iluanaarutinik avitseqatigiittarnermut isumaqatigiissutinut, tamatumani aamma Namminersorlutik Oqartussanut akiliuteqartarneq, tamatumani atugassarititaasunut tunngatillugu.

Imm. 5-imut

Aalajangersagaq atortinneqassaaq pisoqarpat illuatungiusoq iliuuseqartoq imaluunniit iliuuseqarsimasoq Kalaallit Nunaanni nunaniluunniit allanit uumassusillit sananeqaataasigut kingornuttagaaasunik isumalluutinik iluaquteqarnermik, iluaquteqarsinnaanermut akuersissutitaqanngitsumik. Siunnersuut naapertorlugu § 30 atortinneqassaaq uumassusillit sananeqaataasigut kingornuttagaaasunik isumalluutinut Kalaallit Nunaanniittunut aamma tassanngaaneersunut, taakkua iluaqtigineqarsimancerat Inatsisartut inatsisaat sioqqullugu kingornaluunniit apeqqutaatinnagu, aamma apeqqutaatinnagu iluaquteqarneq Inatsisartut inatsisaat naapertorlugu naapertornaguluunniit pisimanersoq, aamma nunarsuarmiut isumaqatigiissutaat pisussaaffiilu Kalaallit Nunaanni atuuttut naapertorlugit naapertornagilluunniit.

Imm. 5-imi aalajangersagaq naapertorlugu Naalakkersuisut aalajangersalior sinnaapput aalajangiisinhaallutilu, illuatungiusoq iluaquteqartoq imaluunniit iluaquteqarsimasoq Kalaallit Nunaanni imaluunniit nunani allani, uumassusillit sananeqaataasigut kingornuttagaaasunik isumalluutinik tamatumunng akuersissutitaqanngitsumik, Naalakkersuisunut isumaqatigiissuteqassasoq iluanaarutinik avitseqatigiittarneq pillugu, tamatumani aamma aningaasatigut aamma aningasanut tunngasuunngitsutigut, uumassusillit sananeqaataasigut kingornuttagaaasunik isumalluutinik. Taamaasillutik Naalakkersuisut qularnaarsinnaavaat pineqartoq iluaquteqarsinnaanermut akuersissutitaqanngitsumik iluaquteqarsimasoq, taamaattoqaraluartoq avitseqatigiittarnermut isumaqatigiissuteqassasoq, taannalu eqqortissagaa, taamalu siunnersuummi piumasaqataasunik saneqqutisinhaanngitsoq, iluanaarutinik avitseqatigiittarnissamut isumaqatigiissuteqarnissaq pillugu.

Imm. 5-imi aalajangersakkat naapertorlugit Naalakkersuisut aalajangersagaliorsinnaapput Namminersorlutik Oqartussanut akiliutissat tamaasa pillugit, aammalu aningaasaqarnikkut aningaasaqarnikkuunngitsorlu Namminersorlutik Oqartussanut iluaqtissat eqqarsaatigalugit, uumassusillit sananeqaataasigut kingornuttagaaasunik isumalluutinik iluaquteqartarnernut atatillugu.

Imm. 1-imut

§ 12-imi aalajangersagaq tunngaviatigut § 11-imi aalajangersakkap assigaa. § 11-imi aalajangersakkat atuupput uumassusillit sananeqaataasigut kingornuttagaasunik isumalluutinut Kalaallit Nunaanneersunut maanni nunanilluunniit allani iluaquteqarnernut atatillugu. § 12-imi aalajangersakkat uumassusillit sananeqaataasigut kingornuttagaasunik nunanit allaneersunik Kalaallit Nunaanni iluaquteqarnermut atatillugu atuupput.

§ 12, imm. 1 naapertorlugu Naalakkersuisut aalajangersakkanik suliaqarsinnaapput, aammalu aalajangiisinhaallutik, illuatungiusoq Kalaallit Nunaanni iluaquteqarsimasoq, uumassusillit sananeqaataasigut kingornuttagaasunik isumalluutinik nunamit allameersunik, tamatumunnga nunamit allamiit akuersissuitaqanngitsumik, iluanaarutinik avitseqatigiittarnermut inatsisiliornikkut piumasaqaataappat iluanaarutinik avitseqatigiittarnermut isumaqatigiissuteqarnissaq. Ingerlaqqittumik aalajangiunneqarpoq § 11 taamatulli atortinneqassasoq, Naalakkersuisut aalajangersagaliorpata aammalu aalajangerpata taamaattumik avitseqatigiittarnermut isumaqatigiissuteqartoqarnissaa pillugu. Kiisalu erseqqissarneqarpoq iluanaarutinik avitseqatigiinnissamut isumaqatigiissut uani illuatungeriit akornanni pineqartoq, iluaquteqarsimasup aammalu nunap iluaquteqarfiusimasup akornanni pissasoq.

Imm. 2-mut

Imm. 1-imi aalajangersagaq atortinneqassaaq illuatungiusoq iluaquteqarpat imaluunniit iluaquteqarsimappat Kalaallit Nunaanni, uumassusillit sananeqaataasigut kingornuttagaasunik isumalluutinik nunamit allaneersunit, nunamit allamit pineqartumit akuersissuitaqanngitsunik.

Imm. 2-mi aalajangersagaq atortinneqassaaq illuatungiusoq ataaseq iluaquteqarsimappat uumassusillit sananeqaataasigut kingornuttagaasunik isumalluutinik nunanit allaneersunik Kalaallit Nunaanni, nunamit allamit akuersissuteqarfiusumik, kisiannili iluanaarutinik avitseqatigiittarnissamut isumaqatigiissuitaqanngitsumik nunamut pineqartumut allamut, naak nunami tessani iluanaarutinik avitseqatigiittarnissamut isumaqatigiissut piumasaqaateqartoq. Aalajangersagaq una naapertorlugu Naalakkersuisut aalajangersagaliorsinnaapput aalajangiisinhaallutillu, imm. 1 aamma illuatungiusumut pineqartumut suliami tessani atortinneqassasoq. Taamaasillutik Naalakkersuisut aalajangersagaliorsinnaapput aalajangiisinhaallutillu illuatungiusoq iluanaarutinik avitseqatigiittarnissamut isumaqatigiissusiussasoq nunamut allamut pineqartumut.

§ 13-imut

Imm. 1-mut

Aalajangersakkap nalunaarpaa iluaquteqarnissamut akuersisummut akiliutissamik aalajangersaasoqarsinnaasoq. Akiliutissat taamaattut akuersissutip nalunaarutigineqarneranut atasumik aalajangersarneqarsinnaapput, imaluunniit sivitsuinermut imaluunniit akuersisummik allamut tunniussinermut atuussinnaallutik, pisortat akuersisummut atatillugu suliaqarnerannut atatillugu.

Imm. 2-mut

Aalajangersagarlu naapertorlugu Naalakkersuisut aamma aalajangersagaliorsinnaapput iluanaarutinik avitseqatigiittarnermut isumaqatigiissutissap pisortani suliarineqarneranut atatillugu.

§ 14-imut

Aalajangersagaq pisortat suliamik ingerlatsinerannut aningaasartuutit akuersisummik pigisaqartumut, isumaqatigiissuteqaqataasumit aamma allanut siunnersuummi pineqartunit akiliuteqartitsisarnermut tunngasuuvooq.

Pilersaarusiorneqarpoq pisortat suliamik ingerlatsinerannut akiliutissap akiligassiissutigineqartarnissaa nalunaaquattap akunneranut aalajangersimasumik akiliuteqartitsisarnertut, pisortat nakkutilliinerannut, tamatumani aamma akuersissuteqartarnerannut aammalu iluanaarutinit avitseqatigiittarnermut isumaqatigiissusiortarnermut atatillugu. Aalajangersagaq maleruagassiaavoq Naalakkersuisut aningaasartuutaasimasunut pisortatut suliamik ingerlatsinermi akiligassiisarnissaannut tunngavissatut. Aalajangersagaq suliamik ingerlatsinermi, nakkutilliinermi, pisortatut suliamik ingerlatsineranni aammalu avataaneersunik siunnersortinik konsulentinillu il.il. atuisarnerannut aningaasartuutinut matussutissaapput.

Aningaasartuut sunaluunniit akitsuuttit imaluunniit aningaasartuutinut utertitsilluni Naalakkersuisut aningaasartuutigisimasaannut matussutissatut akiliutigineqartassaaq. Siunnerfiunngilaq aalajangersagaq una tunngaviliullugu akitsuutinik imaluunniit aningaasartuutaasimasunut matussutissanik Naalakkersuisut pisortatut suliamik ingerlatsineranni pisortallu allatigut ingerlatsineranni aningaasartuutigisimasaat sinnerlugit akiligassiisoqartarnissaa, iluaquteqarnissamut akuersissut, iluanaarutinik avitseqatigiittarnermut isumaqatigiissut sulialluunniit saniatigut. Pisortat suliamik ingerlatsinerannut akiliutissaq ilaatigut akiligassiissutigineqarsinnaavoq nal. ak. akiliutitut, pisortat piffissamik atuisimanerannik tunngaveqartumik.

§ 15-imut

Imm. 1-imut

Aalajangersakkami nalunaarneqarpoq toqqaannartumik toqqaannanngitsumilluunniit iluaquteqarsinnaanermut akuersisummik imaluunniit iluanaarutinik avitseqatigiittarnermut

isumaqatigiisummik Naalakkersuisunit akuerineqarsimanngitsumik allanut tunniussisoqarsinnaanngitsoq. Allamut tunniussineq toqqaannartumik tunniussinertut, iluaqteqarnissamut akuersissutip imaluunniit iluanaarutinik avitseqatigiittarnissamut isumaqatigiissutip illuangiusumit pigisaqartumit allamut tunniunneqarnera pisinnaavoq, imaluunniit toqqaannanngitsumik tunniussinertut, akuersissutip nammineq imaluunniit iluanaarutinit avitseqatigiittarnermut isumaqatigiissup tunniunneqarneratuunngitsoq, kisiannili akuersisummik pigisaqartup imaluunniit isumaqatigiissuteqaqataasuusup nammineq tunniunneqarneratut. Tamanna assersuutigalugu pisinnaavoq aktiaatit tunniunneqarnerisigut, imaluunniit aktianik nutaanik annertuunik ingerlatseqatigiiffimmi naleqartumik sunniuteqarsinnaasunik pilersitsinikkut, imaluunniit isumaqatigiissusiornikkut taamatulli sunniuteqartussamik.

Tunniussinermut atatillugu pisortatut oqartussaasut akuersinerisigut ilaatigut qularnaarneqartussaavoq pisussaaffiit akuersisummik pigisaqartumit pigineqartut naammassineqarnissaannut tunngavissat piunerat, iluaqteqarnissamut akuersissutikkut imaluunniit isumaqatigiissuteqartuuusut akornanni iluanaarutinik avitseqatigiittarnermut isumaqatigiissut naapertorlugu, taakkualu ajorseriartinneqannginnissaat imaluunniit tunniussinermi peerneqannginnissaat.

Imm. 2-mut

Aalajangersakkami aalajangiunneqarpoq iluaqteqarnissamut akuersissut siunnersuut una naapertorlugu tunniunneqarsimasoq imaluunniit iluanaarutinik avitseqatigiittarnissamut isumaqatigiissut siunnersuut naapertorlugu pilersinneqarsimasoq eqqartuussivitsigut malersorneqarsinnaanngitsoq.

Eqqartuussivitsigut malersuinertut paasineqassaaq inuussutissarsiutinut tunngasumik isumaqatigiissutit imaluunniit aningaasanik pissaqarfigisamut tunngasunik malersuineq. Aalajangersakkami qularnaarneqarpoq akiligassaqarfigisap eqqartuussivik ikiortigalugu siunnersuut naapertorlugu akuersissut tunniunneqarsimasoq tigusinnaanngikkaa.

Aalajangersagaq isummersunngilaq akuersissutip eqqartuussivitsigut suliaritinneqarsinnaaneranut, misilitsinniarlugu atortuunera imaluunniit sunniutaasut.

§ 16-imut

Aalajangersakkap Naalakkersuisut periarfissaqartippaat ersarinnerusunik atugassarititaasunik aalajangersaanissaannut, iluaqteqarnissamut akuersissutit siunnersuut una naapertorlugu tunniunneqarsimasut atorunnaarsinnaanerannut imaluunniit utertinneqarsinnaanerannut.

§ 17-imut

Aalajangersakkap Naalakkersuisut periarfissaqartippai malittarisassiornissamut
akuersisummillu pigisaqartumut atugassarititaasunik aalajangersaanissamut, akuersissutip
atorunnaareerneranut tunngatillugu, tamatumani aamma pisussaaffiit iluaquteqarnissamut
akuersissutip kingornagut pisussaaffiit allallu pillugit. Iluaquteqarnissamut akuersissutip
atorunnaareerneratigut suli Naalakkersuisunut pisariaqarsinnaavoq qularnaassallugu,
akuersisummik pigisaqartup aamma siunissami uumassusillit sananeqaataasigut
kingornuttagaaasunik isumalluutinik iluaquteqarnermut iluanaarutinut tamatumunngalu
tunngasunut allanut naammassinnittussaanera.

§ 18-imut

Imm. 1-imut

Aalajangersakkap ilalersussavai Naalakkersuisut isumanaarinissaat Namminersorlutik Oqartussat pisinnaatitaaffiinik, uumassusillit sananeqaataasigut kingornuttagaaasunik isumalluutit Kalaallit Nunaanniittut tassanngaaneersullu pillugit. Aalajangersagaq naapertorlugu Naalakkersuisut ilisimatinneqartartussaapput naqitaliornerit allatulluunniit tamanut saqqummiussinernut atatillugu, misissuinernit ilisimatusarnernillu naammassisaniit allaniillu, Kalaallit Nunaanni uumassusillit sananeqaataasigut kingornuttagaaasunik isumalluutit pillugit. Paasissutissiinissamut pisussaaffik atortuulissaaq kingusinnerpaamik naqitaliornerup imaluunniit tamanut tusagassiinerup aappaata kinguninngua.

Imm. 2-mut

Aalajangersakkammi aalajangiunneqarpoq tamanut saqqummiussineq sunaluunniit pisassasoq Kalaallit Nunaata uumassusillit sananeqaataasigut kingornuttagaaasunik isumalluutinut pisinnaatitaaffii ataqqillugit, innersuullugulu uumassusillit sananeqaataasigut kingornuttagaaasunik isumalluutit pineqartut Kalaallit Nunaaniit aallaaveqartut.

Imm. 3-mut

Kalaallit Nunaanni namminersorlutik Oqartussat ilisimatinneqassapput saqqummersitap assilineqarneranik saqqummiussalluunniit allap assinganik Naalakkersuisut nassinneqarnerisigut.

Tamanut saqqummiussinerni tamani, uumassusillit sananeqaataasigut kingornuttagaaasunik isumalluutinit naammassisnut tunngasuni, kinaluunniit tamanut paasissutissiinermi peqataasoq pisussaaffeqarpoq innersuutissallugu nunarsuarmiut uumassusillit assigiinngisitaarnerat pillugu isumaqtigisiuttaannut. Ilaatigut innersuunneqassaaq atortussiassat pineqartut Kalaallit Nunaaniit aallaaveqartuuusut, uumassusillit sananeqaataasigut kingornuttagaaasunik isumalluutinut ornigussinnaaneq iluaquteqarnissamut akuersisummik tunngaveqartumik pisimasoq, aammalu katersineq nammineq piujuannartitsinermik tunngaveqartumik ingerlanneqarsimanersoq. Misissuinermi

naammassisat aningaasarsiutigalugit iluaqutigineqassappata, tamanna naqitatut saqqummiussami allatulluunniit saqqummiussinermi ersissaaq, tassalu atortussiassat iluaqutigineqartut siunnersuut naapertorlugu iluaquteqarnissamut akuersissut tunngavigalugu.

Paasissutissiinissamut pisussaaffeqarnerup siunertarinngilaa mattussiniarneq naqitatut allatulluunniit uumassusillit sananeqaataasigut kingornuttagaasunik isumalluutinik allaganngorlugit saqqummiussinissaannut. Siunertaasorli illuani tassaavoq isumannaassallugit Namminersorlutik Oqartussat pisinnaatitaaffii, aningaasatigut iluanaarutaasinnaasunit aammalu ilisimatuussutsikkut naammassisani, uumassusillit sananeqaataasigut kinngornuttagasunik isumalluutinit tunngavilinnik.

Imm. 4-mut

Aalajangersakkami aalajangiunneqarpoq imm. 1 naapertorlugu saqqummersitat tamanut takusassiarineqartassasut kapitali 5-im i eqqaaneqartutut.

Imm. 5-imut

Aalajangersakkami aalajangiunneqarpoq Naalakkersuisut akuersissummik pigisaqartumut, isumaqatigiissuteqaqataasumut, illuatungiusumulluunniit allamut isumaqatigiissuteqarsinnaasut, atugassarititaasussat killiliussassallu saqqummersitamik allatulluunniit tamanut tusagassiinermik suliaqartarnissanut tunngatillugu. Naalakkersuisut isumaqatigiissummi taamaattumi tamanut tusagassiisarnermi atugassarititaasussanik ersarinnerusunik aalajangersaasinnaapput.

§ 19-imut

Imm. 1-imut

Aalajangersagaq naapertorlugu Naalakkersuisut ilisimatinneqartussapput kisimiilluni isumaqatigiissuteqaqataasumit, illuatungiusumilluunniit allamit pisunut atatillugu, teknologimut imaluunniit uumassusillit sananeqaataasigut kingornuttagaasunik isumalluutinik Kalaallit Nunaanneersunik tunngaveqartunik nassaanut atatillugu. Paasissutissiineq pineqartoq ilaatigut pissaaq nukitorsarniarlugu Naalakkersuisut Kalaallit Nunaata pisinnatitaaffiinik isumannaarisarnissaat, aammalu ilisimatinneqartaqqullugit piginnittutuaanermut piginnittutuaanissamulluunniit qinnuteqaatinut atatillugu, imaluunniit nalunaarsuititsinernut allanut atatillugu, uumassusillit sananeqaataasigut kingornuttagaasunik isumalluutit tunuliaqutaralugit pisunut, taakkualuunniit atortuisa ilaanniit tunngavigalugilluunniit pisunut tunngatillugu.

Paasissutissiinissamut pisussaaffiup kinguneraa akuersissummik pigisaqartoq, isumaqatigiissuteqaqataasoq illuatungiusorluunniit alla qinnuteqaatip assilineqarneranik, piginnittutuaanermut imaluunniit allatut qinnuteqarnermut nalunaarsuisitsinermulluunniit tunngasumik qinnuteqaatip nassiunneranut atatillugu Naalakkersuisunut nassiuissaqassaaq.

Naalakkersuisut iliuussissanik aalajangiisinnaapput qularnaarniarlugu inuit ikittuinnaat paasissutissanut pineqartunut susassaqarnissaat, paasissutissallu pineqartut isortuunneqarnissaat.

Piginnittutuaanissamut qinnuteqaat piginnittutuaanissamut oqartussaasunut assigiinngitsunut nassiunneqarsinnaavoq. Paasissutissiussaatitaaneq atuuppoq apeqqutaatinnagu sumulluunniit piginnittutuaanissamut tunngasumik suliap nassiunneqarnera, tamatumani aamma assersuutigalugu Europamiut piginnittutuaanermut ingerlatsiviat EPO imaluunniit World Intellectual Property Organization (WIPO) allallu.

Imm. 2-mut

Naalakkersuisut paasissutissiussaatitaaneq pillugu ersarinnerusunik maleruagassiorsinnaapput. Maleruagassiat ersarinnerusut ilaatigut paasissutissiussaatitaanermut pisussaaffiup tigussaasumik qanoq aaqqissuunneqarnissaa pillugu ilaatigut maleruagassasaasinjaapput, tamatumani aamma assilinerinik qassinillu nassiussisussaanermut tunngasut.

§ 20-mut

Imm. 1-imut

Aalajangersakkami aalajangiunneqarpoq Naalakkersuisut pisortani database-mik inuit tamat atorsinnaasaannik pilersitsisinnaasut. Uumassusillit assigiinngisitaarnerat pillugu nunarsuarmiut isumaqtigiiressataat aamma Nagoyami isumaqtigiiressutip arlariillutik allaaseraat uumassusillit sananeqaataasigut kingornuttagaaasunik isumalluutit aamma tamatumani ilisimasat aamma teknologi uumassusillit sananeqaataasigut kingornuttagaaasunik isumalluutiniit pisoq, saqqumisuussasut. Kalaallit Nunaannut angalaniarneq akisuujusinnaavoq, tamannalnu nunanit allaneersut ilisimatuut Kalaallit Nunaannut suliaminnut atatillugu uumassusillit sananeqaataasigut kingornuttagaaasunik isumalluutinik kalaallineersunik ilisimatusarnerminni atuiniarlutik angalaniartarnerannik nammineq killiliisinnnaavoq. Qarasaasiami paasissutissaasivik - database - siunnersut naapertorlugu periarfissiisinnnaavoq ilisimatuut uumassusillit sananeqaataasigut kingornuttagaaasunik isumalluutinut tunngasunik iluaquteqarniarnerminni ilisimasassarsortarnerannut, Kalaallit Nunaannut angalanngikkaluarlutik.

Imm. 2-mut

Naalakkersuisut ersarinnerusunik aalajangersagaliorsinnaapput pisortat ingerlataannut database-mut atatillugu, imm. 1 naapertorlugu, tamatumani aamma paasissutissat qanoq ittut database-mut ilineqartassanersut pillugu, piumasaqaatit qanoq ittut naammassineqartussaanersut qinnuteqartup pisortat database-utaanni paasissutissanik atuisinnaalernissaanut, atuinermut akiliummut allanullu tunngasuni.

Imm. 3-mut

Aalajangersakkami aalajangersarneqarpoq Naalakkersuisut suliffeqarfimmum ingerlatsivimmulluunniit isumaqatigiissuteqarsinnaasut database-p ingerlanneqarnissaa pillugu.

Imm. 4-mut

Aalajangersakkap naqissuserpaa Naalakkersuisut aalajangersagaliorsinnaasut atugassarititaasunik Kalaallit Nunaanni danskit database-nik atuisinnaaneq pillugu.

Imm. 5-imut

Aalajangersagaq ikkunneqarpoq siunertalarugu Naalakkersuisut aalajangersakkanik atugassarititaasunillu suliaqarsinnaanerat database-nik allanik nunarsuarmiut pisussaaffiit naapertorlugit Kalaallit Nunaanni atuisinnaaneq pillugu.

§ 21-mut

Imm. 1-imut

Aalajangersagaq naapertorlugu iluaquteqarnissamut akuersisummik pigisaqartoq pisussaaffeqarpoq uumassusillit sananeqaataasigut kingornuttagaasunik isumalluutinik suliniutinillu allanik akuersissut tunngavigalugu iluaquteqarnermi nalunaaruteqartarnissamut, aamma suliniutit naammassinerini inernerusut pilligit. Iluaquteqarnissamut isumaqatigiisummut isumaqatigiissuteqaqataasoq pisussaaffeqarpoq uumassusillit sananeqaataasigut kingornuttagaasunik isumalluutinik iluaquteqarnermik suliniutinillu isumaqatigiisummi ilaasunik suliaqarnermi taakkunani lu naammassisani tunngasuni nalunaaruteqartarnissamut. Aalajangersakkap nalunaarpaa nalunaaruteqartarnerit akuttoqatigiissaakkamik ingerlanneqartassasut, kisiannili qanoq akulikitsiginissaat nalunaarneqanngilaq. Qanoq akuttutigisumik nalunaaruteqartoqartarnissaa akuersissuteqarnermut atugassarititaasuni imaluunniit iluanaarutinit avitseqatigiittarnermut isumaqatigiisummi aalajangersarneqarsinnaavoq.

Imm. 2-mut

Naalakkersuisut ersarinnerusunik maleruagassiorsinnaallutillu atugassarititaasunik akuersisummik pigisaqartumut isumaqatigiissuteqaqataasulluunniit nalunaaruteqartarnissamut atatillugu aalajangersagaliorsinnaapput, tamatumani aamma assersuutigalugu qanoq akuttutigisumik nalunaarusiortarnissamut tunngasuni.

Aalajangersagaq naapertorlugu Naalakkersuisut aalajagersaasinnaapput atugassarititaasunillu maleduagassiorsinnaallutik, akuersisummik pigisaqartup nalunaaruteqartarnermut piimasaqaatinik allanik nunarsuarmiut isumaqatigiissutaanni pisussaaffiinilu aalajangersagaasunik naammassinnittarnissai pilligit. Aalajangersakkami ilaapput aamma

piumasaqaatit danskit oqartussaa-suinut aamma nunarsuarmiut kattuffiinut nalunaaruteqartarnissat pillugit.

Imm. 3-mut

Naalakkersuisut atugassarititaasunik ersarinnerusunik malittarisassiorsinnaapput qanoq nalunaarusiortarneq ingerlanneqartassanersoq pillugu, tamatumani aamma assersuutigalugu Naalakkersuisut qinnuteqarnissamut immersugassiaanni imaluunniit quppersakkami aalajangersimasumi il. il. aalajangersakkat naapertorlugit tamanna ingerlanneqassanersoq pillugu.

§ 22-mut

Imm. 1-imut

Aalajangersakkami nalunaarneqarpoq Naalakkersuisut nakkutilliisutut oqartussaasut. Naalakkersuisut akuersisummik pigisaqartunik, isumaqatigiissuteqaqataasunik aamma peqataasunik allanik nakkutilliisapput, suliniuit ingerlanneqartut siunnersuut naapertorlugu pillugit tamatumani aamma aalajangersakkat atugassarititaasullu siunnersummi aalajangersarneqartut pillugit.

Aalajangersakkap Naalakkersuisut pisinnaatippai peqqussuteqartarsinnaanernut.

Siunnersummi aalajangersakkanik malinninnginneq, imaluunniit siunnersuut naapertorlugu aalajangersakkanik malinninnginneq, tamatumani aamma nalunaarummik imaluunniit akuersisummik atugassarititaasunik, peqqussuteqarnissamut aalajangersakkanik malinninnissaq pillugu tunngaviliisinnaavoq. Peqqussuteqarneq akuersisummik pigisaqartumut, isumaqatigiissuteqaqataasumut, peqataasunut allanut siunnersummi pineqartunut nalunaarutigineqarsinnaavoq.

Imm. 2-mut

Aalajangersagaq imaqarpoq pisinnaatitsisummik eqqartuussivinnit akuerineqanngitsumik suliffeqarfuiup immikkoortuinut tamanut siunnersummi pineqartunut ingerlatsinermullu isersinnaanermut, tamanna pisariaqartinneqarpat nakkutilliinermi suliassat naammassisinnaajumallugit.

Eqqartuussivinnit akureeqqaagaanngitsumik isernerni sulisusut kinaassutsiminnik uppernarsaassapput.

Imm. 3-mut

Akuersisummik pigisaqartoq, isumaqatigiissuteqaqataasoq allallu siunnersummi pineqartut paasissutissat Naalakkersuisunit piumaneqartut pisariaqartullu nakkutilliisunut eqqortumik nalunaarutigisassavaat, tamatumani aamma siunnersummi aalajangersakkat naapertorlugit

nakkutilliissallutik. Naalakkersuisut aalajangersinnaavaat paasissutissat suut nalunaarutigineqartussaanersut, aammalu qanoq nalunaarutigineqartussaanersut.

§ 23-mut

Imm. 1-imut

§ 23-mi aalajangersakkat ilaatigut siunertaqarput qularnaassallugu Kalaallit Nunaanni inatsisiliornerup Nagoyami isumaqatigiisummi aalajangersakkani piumasarineqartutut naalagaaffinnit peqataasunit akuerineqarsinnaanissa, taamalu Kalaallit Nunaata siunissami Nagoyami isumaqatigiisummitik akuersissuteqarsinnaanissaanut tunngavissiissalluni.

Nagoyami isumaqatigiisummut ilassummi artikeli 13, imm 1-imi piumasaqaataavoq illuatungiusut tamarmik (naalagaaffiit atsioqataasimasut) nunami namminermi attaveqartarfissamik pilersitsissasut, paasissutissanut periaatsinullu aammalu isersinnaanermi periaasissanut tunngatillugu, uumassusillit sananeqaataasigut kingornuttagaaasunik isumalluutinik iluaquteqarnernut atatillugu.

Imm. 2-mut

Aalajangersagaq siunnersuummi ilaavoq maleruagassiorniarlugu nunamut namminermut Kalaallit Nunaanni atuuttumik attaveqartarfimmik pilersitsisoqarsinnaanera ingerlatsisoqarsinnaaneralu pillugit. Aalajangersagaq naapertorlugu tamanna marlutsigut pisinnaavoq. Periarfissap aappaa tassaavoq Naalakkersuisut danskit naalakkersuisuinut isumaqatigiisuteqarsinnaammata, danskit naalakkersuisisa Kalaallit Nunaanni attaveqaatitut atortuunissaat pillugu, periaatsinut aalajangersakkanullu atatillugu, uumassusillit sananeqaataasigut kingornuttagaaasunik isumalluutinut isersinnaanermut. Periarfissap aappaa tassaavoq Naalakkersuisut danskit naalakkersuisuinut isumaqatigiisuteqarnikkut aalajangersagaliorsinnaammata, Naalakkersuisut Kalaallit Nunaanni nunami namminermi nalunaartarfiunissaat pillugu, paasissutissanut ileqqunullu, uumassusillit sananeqaataasigut kingornuttagaaasunik isumalluutinik iluaquteqartarnernut tunngasunik.

Imm. 3-mut

Nagoyami isumaqatigiisummut ilassummi artikeli 13, imm. 2 naapertorlugu naalagaaffiit peqataasut (naalagaaffiit akuersisimasut) tamarmik toqqaassapput ataatsimik arlaqartunilluunniit nunami namminermi oqartussaasunik uumassusillit sananeqaataasigut kingornuttagaaasunik isumalluutinut iluaquteqarnissamut isersinnaasuusussanik.

Aalajangersakkami tessani aalajangerneqarpoq Naalakkersuisut nunami namminermi pisortatut oqartussaasuusut Kalaallit Nunaanni, uumassusillit sananeqaataasigut kingornuttagaaasunik isumalluutinik iluaquteqarsinnaanernut atatillugu. Aalajangersakkap Naalakkersuisut pisinnaatitaaffilerpai aalajangersagaliorsinnaanerannut namminneq

pisinnaatitaaffitik ingerlatsinissartsillu pillugit, Kalaallit Nunaanni nunami namminermi oqartussaasutut, naalagaaffimmilu oqartussaasunik allanik, tamatumani aamma danskit oqartussaasuunik suleqateqarnissat pillugit.

Imm. 4-mut

Nagoyami isumaqatigiisummut ilassummi artikeli 17, imm. 1, litra a naapertorlugu isumaqatigiisummi ilaasut tamarmik (naalagaaffiit peqataasut) toqqaasussaapput ataatsimik arlalinnilluunniit nunami namminermi nakkutiliisutut uumassusillit sananeqaataasigut kingornuttagaaasunik isumalluutinut isersinnaasunik.

Aalajangersakkami aalajangiunneqarpoq Naalakkersuisut nunami namminermi Kalaallit Nunaanni nakkutiliisuuusut, Kalaallit Nunaata uumassusillit sananeqaataasigut kingornuttagaaasunik isumalluutinik iluaquteqarneranut atatillugu. Aalajangersakkap Naalakkersuisut pisinnaatitaaffilerpai aalajangersagaliornissaannut nammineq pisinnaatitaaffitik suliassatillu pillugit, nunami namminermi Kalaallit Nunaannut nakkutiliivittut, aammalu naalagaaffiup iluani oqartussanik allanik suleqateqarneq eqqarsaatigalugu, tamatumani aamma danskit oqartussaasuunik.

Imm. 5-mut

Nagoyami isumaqatigiisummut ilassummi artikeli 14 naapertorlugu isumaqatigiisummi peqataasut tamarmik (naalagaaffiit peqataasut) suleqatigissavaat Clearinghouse Isersinnaanernut aamma iluaqutissanik agguassisarnermut tunngasuni, pilersinneqartoq ingerlanneqarlunilu artikeli 14 naapertorlugu. Clearinghouse Isersinnaanernut aamma iluaqutissanik agguassisarnermut tunngasuni peqataavoq qularnaarinermi uumassusillit sananeqaataasigut kingornuttagaaasunik isumalluutinik iluaquteqarnerup nunarsuarmiut malittarisassaat naapertorlugit malittarisassallu allat tamatumunnga atuuttut naapertorlugit ingerlanneqartassassoq.

Aalajangersakkami aalajangiunneqarpoq Naalakkersuisut nunami namminermi oqartussaasuusut Kalaallit Nunaanni pineqartoq Clearinghouse Isersinnaanermut aamma iluaqutissanik agguassisarnermut tunngasuni suleqatigissagaat. Aalajangersakkap Naalakkersuisut pisinnaatitaaffilerpai aalajangersagaliornissaannut nammineq pisinnaatitaaffitik suliassatillu pillugit, nunami namminermi Kalaallit Nunaannut nakkutiliivittut, Clearinghouse suleqatigalugu Isersinnaanermut aamma iluaqutissanik agguassisarnermut tunngasuni, aammalu naalagaaffiup iluani oqartussanik allanik suleqateqarneq eqqarsaatigalugu, tamatumani aamma danskit oqartussaasuunik.

§ 24-mut

Nagoyami isumaqatigiisummut ilassummi artikeli 17, imm. 2-mi nalunaarneqarpoq akuersissut pisussaaffiliussat aalajangersimasut iluanni nunarsuarmiut akornannni akuerisaasumik naapertuuttumik allagarsiissutitut isigineqartussaasoq. Nunarsuarmiuni akuerisaasumik naapertuuttumik ingerlatsinermut allagarsiissut uppernarsaataavoq uumassusillit sananeqaataasigut kingornuttagaaasunik isumalluutinut orniguttoqarsinnaaneranut, taannalu tunngaveqarpoq siumoortumik akuersissuteqartoqarneranik ilisimatitsissutaasumik, illuatungeriillu isumaqatigiisuteqarsimannerannik inatsisini aqunneqartumik iluaqtissanik agguasseqatigiittarneq pillugu, atuuttuusumik illuatungiusumut akuersissuteqartumut sammititamik. Takuuk Nagoyami isumaqatigiisummi artikeli 17, imm. 3. Siunnersummi aalajangersagaq ivertinneqarpoq siunertalarugu Naalakkersuisut ersarinnerusunik maleruagassiorsinnaanerat atugassarititaasunillu aalajangersaasinnaanerat, tamatumunnga atatillugu, tamanna pisariaqartinneqassapput.

Naalakkersuisut aamma allanik aalajangersagaliorsinnaapput, nunarsuarmiut akuerisaannik naapertuuttumik allagarsiissutitut aaqqissuussisoqarsinnaanera pillugu.

§ 25-imut

Aalajangersakkami aalajangiunneqarpoq Naalakkersuisut ersarinnerusunik aalajangersagaliorsinnaasut atugassarititaasunillu maleruagassiorsinnaasut suliniutinut tamanut pissutsinullu siunnersummi pineqartunut tunngatillugu, siunnersummi siunertaasut naapertorlugit aaqqissuussaasunik.

§ 26-imut

Imm. 1-imut

Aalajangersakkap nalunaarpaa qaqugukkut akiliisitsisuteqartoqarsinnaanersoq, Kalaallit Nunaanni pinerluttulerinermut inatsit naapertorlugu.

Imm. 2-mut

Aalajangersagaq pisinnaatitsivoq maleruagassani siunnersuut una naapertorlugu suliaasuni aalajangersarneqarsinnaasoq pineqaatissiisoqarsinnaasoq akiligassiissuteqarnikkut

Imm. -3mut

Imm. 2-mi pineqartutut aalajangersagaliortoqarpat, aalajangersakkallu taakkua akiliisitsissuteqartarneq tunngaviliuppassuk, akiliisitsissut inatsisit naapertorlugit inummut Kalaallit Nunaanni pinerluttulerinermut inatsit naapertorlugu pineqaatissiissutigineqarsinnaasoq.

Imm. 4-mut

Aalajangersarneqarpoq akiliisitsissutit Inatsisartut inatsisaat naapertorlugu imaluunniit inatsit naapertorlugu aalajangersakkat tunngavigalugit pineqaatissiissutigineqartut tamarmik landskarsimut akilerneqartassasut.

§ 27-imut

Aalajangersakkami nalunaarneqarpoq Naalakkersuisut periarfissaqartut ersarinnerusunik maleruagassiorinssamut taarsiissuteqartarneq kiisalu arsaarinnitarneq Namminersorlutik Oqartussanut iluaqutaasumik, inatsisit unioqqutillugit iluanaarutinik aamma pissarsianut takussaanngitsunut pisinnaatitaaffinnut tunngatillugu.

§ 28-imut

Imm. 1-imut

Aalajangersagaq pisinnaatitsivoq Naalakkersuisut ersarinnerusunik il.il. aalajangersagaliorsinnaanerannut, akerleriissutaasut siunnersuummut tunngassuteqartut aamma nunarsuarmioqataasunut isumaqtigiiissutinut pisussaaffinnullu tunngasut aalajangiiffigineqartarneri pillugit. Ilaatigut aalajangerneqarsinnaavoq Naalakkersuisut aalajangersagaliorsinnaanerat akerleriissutaasut Danmark-imi imaluunniit Kalaallit Nunaanni eqpartuussivinni akerleriissutsit suliarineqartarnerannut sullivimmi - voldgift-imi - imaluunniit akerleriissutaasunik aaqqiiniarnermi periaatsit allat nunarsuarmiut isumaqtigiiissutaanniittut atorlugit aaqqiissutissarsiniartarnissaat pillugit.

Imm. 2

Aalajangersarneqarpoq inatsisisstatut siunnersuut akerleriissutaasunik aalajangiisarnerni, takuuk imm. 1, tassaasoq kalaallit eqpartuussiviat, kiisalu danskit aamma nunarsuarmiut eqpartuussivii Kalaallit Nunaanni atortuutinneqartut.

§ 29-mut

Aalajangersakkap nalunaarpaa ulloq atortuulerfissaa, aammalu ulloq taanna aallarnerfigalugu atorunnaarsillugu Uumassusilinnit isumalluutit niuernermi ilisimatusarnermilu atorneri pillugit Inatsisartut inatsisaat nr. 20, 20. november 2006-imeersoq.